

ПЕТӖ 1926 ВОСЯНЬ

ЛЭДЗӖНЫ: КОМИ ГИЖЫСЬ КОТЫР, ПЕЧАТЬ ДА ЮӖР СЕТАН КОМИ
РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

9

КӖЧ (СЕНТЯБРЬ)

2009



ТАЙӖ НОМЕРЫН:

ЗАРНИ ЛЮСЯ. Олӧмлы ода. Кывбуръяс	3
Алёна ШОМЫСОВА. Олӧм да кулӧм костын. Висът	7
Надежда ПАВЛОВА. Сылысь тӧвру. Кывбуръяс	26
Анжела ИЛЬИНА. Муслунӧдз ӧти воськов. Висът	28
Мария ОСТАПОВА. Дона дневник. Висът	40

МИЯН КАЛЕНДАРЬ

Галина БУТЫРЕВА. Лов кывкуд	45
Андрей ПОПОВ. Менам кийн вӧлі ӧти ньӧв. Кывбуръяс	55

Николай ЛОБАНОВ. Рӧштво рыт. Ӧти юкӧна ворсантор	59
---	----

Александр ПАНЮКОВ. Совла ветлӧм. Очерк	76
--	----

Юлия НЕФЕДОВА. Керка. Висът	79
-----------------------------------	----

Обложка вылын снимокыс **Юлия Нефедовалӧн.**

© «Войвыв кодзув» («Северная звезда»), 2009 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

КОЗЛОВ Е.В.

Ответственный
секретарь

ПОЛУГРУДОВ А.В.

ЛИМЕРОВА В.А.

ТИМИН В.В.

УЛЬЯНОВ А.В.



ЗАРНИ ЛЮСЯ



Олөмлы ода

Олөмлы ода

*«Ой, олөм, олөм! Тэнсьыг донтö
Ме лэпта лунысь лунö...»*

И.А.Куратов.

*Сиа В.Н.Головиналы да став
воззмöстчысь авъя коми анъясыслы*

Ой, олөм, водзö кывт,
мед кань моз кургас рыт,
мед мудзöс босьтас ун,
мед лöня коляс лун.
Кывт, менам олөм, кывт,
тöжд-могъясöн эн тырт.
Мем дзоньвидзалун сет,
выль вынъяс аддза мед.

Ой, олөм, водзö кывт,
мед юргас тэнад кып,
шань коми мортлысь мич
ну нэмъяс пыр да видз.
Кывт, менам олөм, кывт,
да кояв зарни дзирд.
Мед чужан мулön гор
пыр жургас, быттö шор.

Ой, олөм, водзö кывт,
мед шувгас ниа нырд
да дзоридзалас луд,
мед сылас сёлөм куд.
Кывт, менам олөм, кывт,
мед содас ёртлön лыд,
öд накöд небзьö лов,
оз бырав нянь да сов.

Ой, олөм, водзö кывт,
бур эскöмлунö пырт,
мед енэжыс век лöz,
мед сöвмас матыс йöз.
Кывт, менам олөм, кывт,
став майшасьöмös сывд,
сöдз ловъя ваон ют,
мем, аньлы, козьнав шуд.

Эжваса «У камелька» клубын

Ме быттьö ловзи тайö рытö,
öд аддзи татысь уна ёрт.
Кор öта-мöдös ловби йитö,
сэк шондi югөр кодъ быд морт.

Кöть медводдзаысь локтi татчö,
а гижысь войтыр матыс, ас.
Ме налы кола жö, Ен аддзö,
и тöдмасьöмным — шуда пас.

Ме лöня пукалi да кывзi.
Гитара вöтлiс гажтöмлун.
Поэзиялысь гөлös шысö
эз пöдты олөм — наян тун.

А сёрни вочасөн пыр öддзис
да юргис уна сыланкыв.
И сьölөм сыркъялөмön бöрддзис,
мед бара чужтыны бур кыв.

Мича морт

*«Сьöкыд мыж эм лолöй вылын,
Öти мыж и эм!
Дзик чöв олi, кор «тэ муса»
Сйö шуис мем!»
И.А.Курашов.*

Бара сулалан синъяс водзын,
асъя кыа кодъ мича морт.
Думön восьлала тэкöд орччön.
Меным лоин тэ медбур ёрт.

Кыдзкö тöдлытöг меным воссин,
небыд сьölöма авъя тун.
Шоча аддзысьлөм — ыджыд козин,
быттьö тöv шöрын гожся лун.

Збодер, мелi да серамбана.
Сöстöм видзöдлас лöзысь-лöz.
Сывны радейтан, сибыд сяма.
Вылö донъялö тэнö йöз.

Оланногтö тэ вежны полан,
мед оз чишкөдлы муслун би.
Бур, мый свет вылас тэкөд олам.
Бур, мый төдсаөсь тэкөд ми.

Кывбуръяс

Кывбуръяс, кывбуръяс — пöсь синва моляс,
тi менам вужъяс пыр писькөдчысь ёляс.
Дыр жö тi сөдзинныйд, корсинныйд вынъяс,
гожъялом асыв моз восьтинныйд синъяс.

Банйöм нянь тупöсь кодъ веж петан кывъяс,
дойлөн да радлунлөн йөлöга шыяс.
Дыр жö тi кисьминныйд лолын да юрын,
регыд тi вöянныйд олöмлөн нюрын.

Кывбуръяс, лöсьөдчöй йöз дорö петны,
көсйöмъяс збыльмөдны, вермөмъяс сетны,
мусмөдны сьölөмъяс, бурмөдны мөвпъяс,
вöвлытöм рөмъясөн мичмөдны вөтъяс.

Воас мича олөм

Нелямынысь унджык тулыс
таладoryн менö сулис.
Синъяс водзын ловзис ывла,
радлун нулис енэж вылö.

Сьölөм тiпкөм гора кылис,
лолöй колипкайөн сьылис.
Кималасөн унзиль шондi
менö лелькуйтiс да шонтiс.

Таво ваяс тувсов төлыс
сьölөмшөрöс, менсьым пölös.
Мусмас сылөн шоньд «чолөм»,
воас выль да мича олөм.

* * *

Пымалисны синъяс.
Сотчö чужöмбан.
Тиралöны кияс.
Лолöй абу тан.
Радлун кыськö воис.
Мөвпыс чужис тшем.
Мый нö эськö лоис?
Триньöбтылин мем.

Ловзьö чужанін

Эз на помасьны кöдзыд лунъяс.
Шоныд пасьясөн ветлö йöз.
Эз на косьмыны нййтöсь туйяс.
Енэж абу на лöзысь-лöз.
Сöмын нявзöны шызьöм каньяс.
Чинö лым толаяслөн лыд.
Сöмын мичаммöмаöсь аньяс.
Лунвыв төврукöд ворсö рыт.

Эз на вежöдны ниа пуяс.
Эз на мыччысьлы кызлөн кор.
Оз на воссьыны войвыв юяс.
Оз на гажöдчы тувсов шор.
Сöмын лэбачлөн дзользьöм кылö.
Шондi югöрысь куньсьö син.
Сöмын сынöдын сылан сылö.
Ловзьö вочасөн чужанін.

Лысва войт

Лысва дзирдыштас турун пöвстын,
дзоля дивö кодь, сöдзысь-сöдз.
Мортыс му вылас локтö гөсьтөн.
Дженьыд олöмыс, мый кöть вöч.

Васöд турунсö шондi косьтас.
Сылас сынöдын асья мойд.
Ловтö тадзи жö Енмыс босьтас.
Быран, быттьökö лысва войт.

Удораса морт

Тэнад мича сөрöмын —
шоньыд гожся вой.
Содiс менам сьölöмын
нöшта öти дой.

Мелiалін синъясöс,
удораса морт.
Юин медбөр вынъясöс.
Мустöммис ас горт.

Тэнад нёжмыд вöрасыд
думъясысь оз мун.
Гым шыяс кодь гөлöсыд
торкö менсьым ун.



Алёна ШОМЫСОВА



Олём да кулём костын

В И С Ъ Т

*«Олёмс муслунтөг — абу олём, а эмлун.
Муслунтөг овны оз позь, мортыслы лолыс
сетёма, медым радейтны»*

Максим Горький.

*«...муюгыдас эм мыйкё сэтшөмтор, коглань
век колё нырччыны и когi корсюрö сетчылö
киясад, и тайö мыйкёыс — морплөн муслун»*

Альбер Камю.

1

Зоя садьмис талун зэв аслыспёлөса: пель бокас шлячнитö-мысь да гажаа тельöдчысь кага гөлөсысь. Восьтис синъяссö, а чужом весьтас Ренатик сулалö. Чойыслөн вильыш пиыс. Чеччы пö, вывтi дыр узян. Менö пö видз. Нöшта öд и нерсьö. Быть лои чеччыны. Вежоннас öти шойччан лун (вузасьысьөн уджалö), да и сэки водза-водз пальöдасны.

— Зоя, чеччан он? — пыдi жырьяс мыччыліс юрсö Зина чойыс.

— Да чечча, чечча, — узян гөлөсөн шыöдчис Зоя.

— Меным мунны нин колö. А тэ Ренатикöс öтнассö эн коль. Быдлаö нырсö суйö. Пöсь утюгö тöрыт кисö лясчис. Бур, казялі: сöмын öти чунь аньöдіс. Вель дыр сэсса бöрдіс... Ме муні, сідз-кö! Ренатик, пока!

Зонка данньöасис мамыскöд да котöртis кытчöкö мöд жырьяс пустуйтны. Зоя звирк чеччис, корсис вильышпозлы чачаяс да мöдіс пелькöдчыны керкаас. Гожöмнад тай бусыд век тырмö: кöть быд лун мыскав джоджъястö... А сэсса найö петісны ыв-лаö. Ренатик котöртis ворсны машинанас лыа чукөр дорö. Зоя сайöдчис пöжысь шондіысь пуяслөн ыркыдінö, пуксис потшöс вылö да вöйтчис мөвпъясас... Другысь кодкö чукöстіс сійöс: «Зоя! Зоя!». Суседкаыс вөлöма.

— Зоя, мый нö кагатö эновтöмыд? Он и казявлы, доймас...

Со тані би проводыс столб вивсьыс мынөма да, мед эськө оз жö инмөдчы...

— Көнi, көнi?— кыліс Ренатиклөн чуймөм гөлөсыс (быдторсö сылы окота тöдны), да зонка уськөдчис муö öшйөм проводлань. Зоя кутчысис сьөлөмас да вөтчис сы бөрся мыйкө горзiгмоз. А мөдыс нөшта на өдөбсис, ворсөмөн тайөс чайтiс да. Зоя өдва и суөдiс, но ачыс эзджык удит вешйынысö да шняпкысис-усис провод былө. Токыс топөдiс морөссö... Суседкаыс чукөстiс верөссö да кыдзкө-мыйкө торйөдiсны Зояөс пөв отсөгөн провод бердсьыс. Регыд мысти воис скорөй да тюрөдiс нылөс больничаө.

2

Зоя дыркодь нин восьлалiс кутшөмкө изъяинтi. Бөлі пемыд да лөнь, и ныв өна гажтөмтчис. Кадыс мунiс зэв надзөн. Весиг өти битор эз тыдав. Тiпкыс сьөлөмыс быттьө арталiс олөмсьыс медбөръя здукъяссö. Зэв шуштөм, кор колян өтнад, кор некод оз кыв өткалунтө и оз отсав. Но со Енмыс быттьө кылөма на Зоялыс гажтөм мөвпъяссö.

— Эн пов,— кодкө виччысьтөг инмөдчис нывлөн киас.

— Тэ кодi?— виччысьтөмысла Зоя чеччыштiс боклань.

— Ме— тэ кодь жö өтка морт... А гашкө, и абу нин морт...

— Кыдзи абу... морт?

— А сiдзи... Ми жö кулiм... Но эгö на дзикөдз. Кывлiн кома йылыс?

— Но кывлi...

— Ми комаынөсь... Ни адын, ни райын... А көнкө шөрас.

— Но дзик тай Сюзь Матвей моз,— содтiс Зоя.

— А код нө сiйө?

— Коми драматургияын герой. Сiйө адас ни раяс инасьны эз вермы. Му былө сiйөс кыскис. Но бөрсö ловзыны эз нин вермы. И эз өна шогсьы та вөсна.

— А ми вермам на. Но сөмын колө-ө?

— Кыдзи оз ков? Колө!

— А меным абу окота му вылас бөрсö косны. Менö некод сэнi оз виччысь... А тэнö?

— Виччысьöны, көнкө. Мамөй, батьөй, чойөй...

— Кыдзи нө нимыд эськө?

— Зоя.

— Зоя... Киыд зэв небыд да шоныд. А чужөмтө ог аддзы. Мича, көнкө... Менö Закарөн шуöны...

— Закар... Ме неуна дугдi польштны. И сьөлөмөй оз нин сэтшөма тiпкы... Мый и виччысьö миянөс?

— Ог төд, ог төд... Либө ловзям, либө кулам. Дзикөдз.

— Закар, эн лэдз киөс, топыдджыка кут. Öтлаынсö гажаджык...

Тадзи найö восьлалiсны вель на дыр, корсюрө изьясö крукасьлөмөн. Но со мыйкө водзвыланыс югдыштны кутiс. Том ловъяс радпырыс котөртiсны сэтчаньö. Виччысьтөг кок уланыс муыс чездiс, и найö усисны пыдөстөминө. Киясныс торъялiсны — ныла-зонма воштiсны öта-мөднысö.

Зоялӧн бать-мамыс пыр и котӧртисны больничаӧ. Но найӧс эз лэдзны пырны ныв дораныс: оз на пӧ позь. Сӧмын мӧд лун-нас вермисны видлыны нылуксӧ. Быттӧ и Зоюкныс куйлӧ крӧвать вылас, а быттӧ и абу: быдсяма провод везйӧдлӧмаӧсь, гӧгӧрыс приборъяс. Чужӧмыс еджыд, синъясыс куньсаӧсь, а киясыс кӧдзыдӧсь. Но эз тайӧ медъяна повзӧд бать-мамсӧ: нылукныс эз кыв найӧс, кӧть кызди эз сёрнитны ськӧд, кӧть кызди эз шамравны кияссӧ. Быттӧкӧ лолыс энвӧтӧма вир-яйсӧ, пышйӧма да дзебсьӧма кытчӧкӧ, а сэсся воштӧма косан туйсӧ. А ӧнӧ оз кыв бать-мамыслыс дойсӧ, оз аддзы налыс синвасӧ. И аддзӧ кӧ, оз вермы та йылыс висътавны. Некудзи. Став йитӧдыс быттӧ вошӧма: вир-яй да лов костын, лов да йӧз костын... Гашкӧ, тайӧ йитӧдьяссӧ позьӧ на аддзыны. Но кымын лун, вежон, тӧлыс мунас та вылӧ? Код тӧдас...

— Зоюк, Зоюк! Дитяӧй!— шуалис мамыс нывсӧ киӧдыс кутӧмӧн, синваыс дугдывтӧг тюргис шог синъяссыс. А батыс нинӧм эз шуав, эз вермы. Сийӧ гусьӧник бӧрдис да дзебис синвасӧ гӧтырсьыс, и пытшкӧсас ставыс тӧралис кутчысьӧмысла. Думсьыныс кыкнанныс кевмисны, мед нылукныс ӧдйӧджык садьмас. А сэсся нин найӧ кызкӧ-мыйкӧ сувтӧдасны сийӧс кок йылас.

— Ольга Петровна, Иван Владимирович, петавламӧй мекӧд здук кежлӧ,— корис шогалыс гозьяӧс бурдӧдыс да нуӧдис кабинетас.— Вескыда шуа, ме ог тӧд, дыр-ӧ куйлас комаын Зояныд. Лоӧй дасьӧн быдтор кежлӧ... Но, главнӧйыс, пыр надейтчӧй. Эскӧй. Виччысьӧй. Гашкӧ, сийӧ кылӧ тӧянӧс... Сёрнитӧй ськӧд, лыддӧй сылы медралайтана небӧгъяссӧ. Гашкӧ, музыка... Зояныд быть кылас тӧянӧс да локтас. Эскӧй... А ӧнӧ ветлӧй гортаныд, шойччыштӧй. Сёрӧнджык бӧр верманныд локны...

Зоя веськаліс ю берег вылӧ. Гӧгӧр вежӧдісны видзьяс, быдсяма дзоридзыс быдмис: и еджыдыс, и гӧрдыс, и лӧзыс... На весыттӧ лӧбалисны бобувъяс, чеччалисны чиркъяс. «Райӧ ӧмӧй нин веськалі?» — мӧвпыштіс ныв. А сэсся выль ёртыс тӧд вылас уси:

— Закар! За-а-ка-а-ар!

Но сӧмын йӧлӧгаыс кӧнкӧ ылынокд нерыштіс нылӧс... Зоя ышловзис да лӧччис ва дорӧ. Берег дорас лайкъяліс кӧвйӧн пысыштӧм ичӧтик пыж. Ныв чечыштіс пыжӧ да йӧткыштчис пелысӧн. Гашкӧ пӧ, коркӧ да кытчӧкӧ воа? Лунтыр кывтіс. Видзьяс кындзи, немтор некӧн эз тыдав. Вӧртас сайӧ нин шондіыс катовтчыны кутіс, кор кыліс кутшӧмкӧ гӧлӧс:

— О, пӧда, пӧда! Ен могысьӧн, отсалӧй!

Вутралыс Зоя пыр жӧ паляліс да веськӧдіс пыжсӧ пӧдысьлань, уськӧдчис ваӧ да кыкис мортӧс берелань. Ар квайтымына баб вӧлӧма. Кысь и усьӧма ваас?

— Аттьӧ, дона нылӧй, аттьӧ!— упкис мездмӧм баб.— Енмыс кылӧма на кевмӧмӧс...

— А позьӧ ӧмӧй тані выльыс кувны? Ме мыйкӧ нинӧм ог гӧгӧрво...

— Позьё, нылук, позьё. Енкёлаыс паськыд, муртавын позь-
тём. Быдлаё верман веськавлыны, уналаё верман вуджавны.
Лолыд өд и мортлөн, и лэбачлөн, и пулөн өткодь. Тэа-меа вёлим
йёзён, а мёд олөмын, гашкё, и каньясён лоам.

— Ог өмөй сэсся бөр гортё косав? Ог өмөй...

— Быдён вермас косны, көсьяс кө. И матыссаясыс кө көс-
йёны и виччысьёны. Кома дырйиыд өд ок ыджыд лача да тер-
пенньё колө!.. А тэ, дитюкөй, и сідзи косан. Мёдар югыдас тэ-
нө некод на оз виччысь: му вылас ёнджыка колан...

— Мыйла?

Баб сэсся нинөм эз висьтав, бласлёвитіс нылөс да вошис. Зоя
видзөдліс ас гөгөрыс — некөн абу. Ва вылө видзөдліс — и пы-
жыс нин кылалөма. Мый водзё вёчны? Ныв пуксис берегдорса
видз вылө да думыштчис баблөн кывъяс вылас...

5

Пыдөстөминё усьём бёрын Закар веськаліс гөраинё. Да зэв
өд джуджыдөсь гөраясыс: вильснитан кө, пыр и клопкысян
кытчөкө. Лыастө оз чукөртны. Закар видзөдліс өтарө-мөдарө—
пом ни дор оз тыдав. И шуис лэччыны. Лэччынысө өд кок-
нныдджык. Некымынысь эськө изъясыс тюрлісны кок увсьыс,
но зон быттьөкө эз казав. Кулөмысь эз нин пов: сійө өд абу
нин морт, а лов. Но кыркөтш вывсянь век жө эз чеччышт: мы-
йыс оз овлы. А сэсся Закар аддзис пещера. Паськыдкодь. Сөмын
на кутіс пырны, тшук эз люкась ар нелямына мужичөйкөд.

— Чолөм!— нюмъёвтіс төдтөм лов.

— Чолөм!— воча шыасис Закар.

— А ме тэнө өнтайсянь нин виччыся! Мися, кор нин и во-
лас?

— Кысь төдан, мый ме локта?

— Андел висьталіс. Тані өд юөръясыд өдйө жө паськалёны.
Лок мунам мекөд пытшкас, ог өд өтнам тані ов. Найө тэнө вич-
чысьёны жө.

Найөыс вөлөмаөсь нөшта куимөн. Төдмасисны. Медся олөмасө
шуисны Григорий Михайловичөн. Сыкөд орччөн пукалысь ныв-
бабасө — Людаөн. Закарөс татчө вайөдысь мужичөй висьтасис
Олегөн.

— А тайө мян Зарни,— индіс пон вылас да шуис Григорий
Михайлович.— Нимсө огө төдөй, да тадзи шуим. Вывті нин гө-
ныс мича, быттьө зарни и эм.

— Кытысь нө Зарниыс татчө веськаліс?— чуймыштіскодь зон.

— Сэтысь жө, кытысь и ми,— ышловзёмөн вочавидзис олө-
ма лов.— Көнкө... Висьтавынысө өд оз вермы.

— Лок, Закар, пуксы татчө,— вешйыштіс Люда да корис
зонмөс бипур дорө.— Көнкө, гөгөрвоин нин, көні тэ?

Зон довкнитіс юрнас.

— Сідзкө, водзё кывзы... Татчө веськалысь быд ловлысь ан-
дельяс тшөктөны юавны: мыйла тэ эн кай гөра йывлань, а
лэччин. Мый корсин тэ сэтысь? Мыйкө, гашкө, виччысин?

— Сэки ме весиг нинөм йылысь эг мөвпышты. И нинөм
эг корсь ни эг виччысь. Кытчөкө өд колө мунны... И шуи лэччыны
кайөм дорысь. Кокныдджык жө-а,— вочавидзис Закар.

— А тэ эн думыштлы сійӧ здукас олӧм йылысь, матыссаяс йывсьыд?

— Эг. Ме ӧд некодлы ог ков. И овнысӧ сэсся ог кӧсйы...

— Со тэ и вочавидзин андельяслӧн юалӧм вылас: лэччӧ увань сійӧ, кодӧ оз кӧсйы овнысӧ. И веськалӧ тайӧ пещераас. Кайин кӧ, гашкӧ, бӧр вир-яд лэбин да комасьыд петӧн. А ӧнӧ... ог тӧд...

— Сідзкӧ, тӧян пиысь некод оз кӧсйы овны?

— Да.

— А коркӧ ставыс сэтшӧм лӧсьыд вӧлі: муслун, радейтана семья... И ставыс сыліс ӧти здукӧн,— суйсис сёрниас Олег.— Миянӧс радейтісны, ми радейтім...

— Но ӧнӧ сійӧ олӧмсьыс нинӧм эз коль,— содтіс Люда.

Ставыс другысь лӧнисны. Быдӧн казтыштӧс ассьыс олӧмсӧ, кодӧ неважӧн на сэтшӧм югыдӧн кажитчис. Чӧв-лӧньсӧ торкис Закар:

— Дыр-ӧ сэсся ми танӧ овны кутам? Мый лоӧ водзӧ?

— Кодкӧ дырджык, а кодкӧ и регыджык,— вочавидзис Григорий Михайлович.— Колӧ кад. Мӧвпалыштны. Бӧр му вылас косны либӧ райӧ вуджны.

— А мыйла сӧмын райӧ? Адыс нӧ?

— Адас веськалӧны мӧдъяс: виысьяс да асьсӧ виысьяс. Налӧн оланіныс мӧдлаын. А ми — райӧ либӧ му вылӧ... Миян грекыс, буракӧ, этшаджык...

Зарни сӧгласа увтыштӧс да водӧс Григорий Михайловичлӧн кок улас.

— Со и понйыс гӧгӧрвоӧ...

6

— Зоя, Зоюк! Тайӧ бара ми,— небыда шыӧдчис нывбаба да мӧдіс меліа шыльӧдны нывсӧ юрӧдыс, мӧд кинас синвасӧ чышкалігмоз.— Сэтшӧм надзӧн кадыс мунӧ, и сэтшӧм сьӧкыд виччысьнысӧ... Зоюк, кылан кӧ менӧ, ӧдйӧджык нин миян дорӧ кос!..

— Мам, эн бӧрд,— инмӧдчис пельпомас Зинаыс.— Сійӧ ӧд миянӧс кылӧ, сӧмын некуды оз вермы тайӧс петкӧдлыны... Эн бӧрд... Лыддыштам сылы радейтана небӧгсӧ. Со тай, мукӧдлаас весиг визыйӧдлӧма бурджык шуӧмъяссӧ...

Зина пуксис чой дорас матӧджык да кутӧс гораа лыддыны. Мамыс сэк костӧ меліа видзӧдіс куйлысь ныв вылас да мыйкӧ мӧвпалӧс, недыр мысти сэсся шуис:

— Мичаа гижӧма кодкӧ... Миян Зояыд пыр казяліс ас гӧгӧрсыйс мичасӧ. Мыйкӧ аддзас да часъясӧн дась нимкодьясьны... Зоя, кылан? Коркӧ ичӧтдырйиыд шор дорӧ пожъясьны лэчим. Зэрӧм бӧрын, буракӧ. А тэ ылысянь на аддзин ӧшкамӧшкасӧ да котӧрӧн уськӧдчин шорлань, «ӧскамӧска» горзігмоз. Бӧрыннас матыстчин ме дорӧ да шуин: «Мам, ме ӧд кыйи ӧскамӧскасӧ. Сійӧ зэв мича. Ӗскамӧска нюмъевтіс меным да кӧсйис на волыны!»— «Кыз нӧ сійӧ вермас нюмъявны? Абу ӧд ловъя!»— «Ловъя! Ме сьӧд сёрнитӧ да!». Тайӧс шуин дӧзмӧмпырысь да котӧртӧн ва дорӧ шпольӧдчыны. Со сэсся и гӧгӧрво челядтӧ!

— Зояыд миян зэв аслыспӧлӧс... Ой! Мам! Мый нӧ тайӧ

вөлі? Синмыс здук кежлө воссьыліс...— радпырысь тувкыштис мамыслы Зина.

— Зоя, Зоюк! Кылан кө мянөс, чуньнад көть легнитышт...

Зина да мамыс быттьо пöрисны öти ыджыд синмө, лолыштны оз лысьтны. Куйлысьлөн вөрзис öти чунь, сэсся мөд дай коймөд!

— Зоя, дитюк!— топöдчис мамыс ныв дорас.— Ловзин!

А Зинаыс вайөдіс нин бурдөдысьясөс. Збыль пö, шуисны найö, петіс комасьыд нывныд. Öнi пö позьö радлыны. Сійö здукас Зоя и синъяссö на восьтіс. Видзөдө мамыс да чойыс вылө, а шунысö нинөм оз вермы.

7

Григорий Михайлович босьтіс пельөссьыс некымын пес да шыбитіс бипурө. Закар велалөмпырысь нюжөдіс кисö биланьыс (чери кыйигөн сійö тшөкыда шонтысьліс бипур дорын), но нинөм эз кыв, быттьо пещераыс нылыштöма шоныдсö.

— Бипурыс тай... көдзыд,— шуис жö сэсся.

— Ми öд абу му вылынөсь,— видліс гөгөрвоөдны Олег.— Тані бипурыслөн могыс мөд пөлөс. Да, сійö оз шонты. Öзйö сөмын. Бипурыс йитö тайö местасö райкөд, Енъяскөд, анделъяскөд. Сы пыр найö видзөдөны миян бөрся, а ковмас кө, пыр жö кодөскö отсөг вылө ыстөны...

— Кытысь нө пескыс?

— Анделъясыс и вайөны. Найö öд йөз кодьөсь жö, сөмын зэв шаньөсь. Синъясныс — лөзсьыс-лөзөсь! Юрсиныс — еджыд...

— Бордъясыс эмөсь и?

— Абу век. Анделыс кө мыжмө, Енмыс мырддьылө сылысь бордъяссö. Кутшөмкө кад кежлө. Бордтөгыд öд зэв сьөкыд: дыр колө воөдчыны местаөдзыс. А эм кө, лэбзян — и сэнi нин...

— Со тай кыдзи вөлөма,—шензис Закар.— И тані абу кокни овнысö, вөлөмкө...

Здук кежлө ставныс лөнълісны, а сэсся Григорий Михайлович вөзйис:

— Вай жö висьтыштам öта-мөднымлы, кодi кыдзи татчö веськаліс... Колө öд мөвпыштыны, мый сэсся водзö вөчны. Век тані мянөс оз кутны видзны... Олөмнымөс колө гөгөрвоны, ставсö выль пөв артыштны. Гашкө, кодөскö му вылө на кыскас?... Та вөсна колө öтыв вёрнитны, думыштны... Но, кодi медводз заводитас?

Ставныс чөв олісны, весиг понйыс юрсö лэдзыштис. Люда кызөктыштис, лөсьöдыштис юрсисö, а сэсся шыасис:

— Но ме заводита дай... Дас во сайын петалі верөс сайö. Олім Колякөд эг лёка, радейтiм да гөгөрвоим öта-мөднымөс, юксим став мөвпнас, кылөмнас. Дерт, зыксьылім жö, но öдйö бурасьлім. А сэсся кутшөмкө кадö гөгөрвоим: миянлы колө кага. Став тöдсалөн сійö кад кежлас быдмисны нин челядь, а миян öтиыс на эз вөв. Но мыйлакө каганым эз артмы. Ветлім больничаö, прөверитчим — ставыс пö бур. Сьөлөмөй таысь эз инась; ачымөс мыждi и верөсөс, мися, омөля öта-мөдөс радейтам, да сійөн ог и сяммөй... Коля дыр эз думайт да ньөбис путёвка — Венецияö. Зэв ёна öд көсья вөлі сэтчö веськавлыны! Ветлім, шойччим... А гортö воөм бөрын и казялі — сьөктаммөма. Радöй

вөлі! Верөскөд керка тыр көлуй да чача ньобалим, мөдİM виччысьны чужомсö. Коля корсюрö жмитчывліс кынөм бердам да кывзис кагалысь легөдчөм-чужъясьомсö, сёрнитіс ськөд... А сэсся нуөдіс менö чужан сиктас мамсö видлыны: зэв нин окота вөлі шуднас и рөдвужыскөд юксьыны. Эськө пыксьыштікодъ: мися, мыйыс туяс оз овлы, удитам на өд ветлынысö. Но сійö синіс асланыс. Ковмис сөгласитчыны: скөрмас ещö да. Петім түйö. Первой потіс көлесаыс (сійös эськө вежис), сэсся öшиняс из веськаліс — чездавмөн. Коля кутіс мөдарö шуны, абу пö колөма мунны. Но он өд бөр кос. Мам дорас гөститім кык лун, а сэсся карö бөр мөдİM. Сэки асывсянныс кынөмөй висис: кагаөй зэв ёна чужъясис, быттö вөйысис мян олөмö. А сөмын на квайт төлысся вөлі. Коля казяліс майшасьомсö да зілис ыджыдджык өдөн мунны. Другысь кынөмам сэтшөма ёнтыштіс — тшук садьös эг вошты. Сійö жö здукас машинаным бергөдчис: вөлөмкө, воча локтысь камаз сайсянь виччысьтөг петöма джиц, а Коля, мед не люкасьны, кежөдöма боквыв... Тайös төдмалі сөрөнджык нин, больничаян куйлігөн. Кагаös, дерт, вошті. А сэсся Коля шуис меным... Некор пö... оз вермы лоны кагаыд... Дыр та бөрся эг вермы бурдны. А кор петі больничаясь, кагуклысь став көлуйчачасö чукөрті да лунтыръясөн синва кисьті. Верөсөй унаысь такөдліс, но дорам эг лэдз. Öд лыдди сійös ставсьыс мыжаөн. Весиг мам-батьös эг кывзы. Кагукөй кутіс меным вөтаслыны: быттö куйлө өтнас пемыд жырйын да зэв гажтöма бөрдö, а ме корся сійös да некыдзи ог аддзы. Нөшта на жаль лои воштөм кагаös. Гусьоник куті юыштавны, шөгös пөдті. Первойсö этшаник, а сэсся унджык и унджык. Меным кутіс каститчыны. Верөсөй дыр на кутчысис да нуис менö больничаө, өтнамös поліс кольнысö да. Бурдөдчигөн меным нөшта на лөкджык лоис, и висьомөй надзөник вуджис комаö. Öд кагаөй корис менö пыр ас дорас...

— А кытысь тэ көсьян сійös аддзыны? — шемөсмис Закар. — Квайт төлысся вөлі да!

— Му вылас — да. Но лолыс өд сөвмө жö. Öні сійö өкмыс төлысся нин. Виччысьö менö райын, дитюкөй... Андельяслысь юавлі, висьталісны. Раяс менам локтөдз кодкө мөд видзыштас.

— Дивö тай! А ме чайті, лолыс оз вежсьы раяс... — век на чуймаліс Закар.

— Лолыс вермө лэччывны му вылө да сетны мортлы олөм. А сэсся коркө бара либö райö, либö адö... — пырөдчис сёрниас Григорий Михайлович.

— Со тай ми öні нетшкысям олөм да рай костас, — нуөдіс сёрнисö Люда. — А думыштны кө, огөй нин. Нетшкысим му вылас олігөн. Öні мянös виччысьö лөнь шуда олөм — райын нин...

— Кодös көні, кодös көні... — быттö мыйкө дзөбөмөн шуыштис Григорий Михайлович.

Бара чөв-лөнь пуксис. Олег дыр нин пукаліс юрас кутчысьöмөн, быттö поліс висьтасьнысö либö казгылөмыс сетчис сылы эз кокниа. А сэсся шогпырысь мөдіс висьтасьны:

— Ме эськө му вылад эг жö нин кос... Ни пиөй, ни гөтырөй... абу нин ловъяös. Вошті найös пөшти өтпырйö. Первой өтиыс, сэсся мөдыс. Эк, косөдны кө сійö кадсö! Аслым эськө на пыдди кувны... Но Енмыс мөд ног шулөма.

Мужичёй другысь лönис, быттё зiлис венны доршасьысь синвасö. А сэсся водзö висьталiс:

— Гöтырлы пуктiсны лёк диагноз. Рак. Бөръя стадияыс. Лина ёна омöльтчис. Виччысим операция. Гöтырöй надейтчис бур вылö. Бурдöдысьыс шуис, операцияыс пö лоö сьöкыд. Кык вежон чöж öтитор мöвпалi: «Вермас — оз, вермас — оз...». Эз вермы. Дзеби. Колiс водзö овны... Пиöй нинöм эз тöд: баб дорас сиктас вöли. Мöдöдчи. Кыдзкö висьтавны та йылысь. Туйын звönитiс бабыс. Лок пö öдйöджык, кагаыд доймис. Пöлать вывсянь усьöма. Врачьяссö виччысьны кадыс этша вöли. Ачым нуи пиöс больницаö. Сайдас эз и волы — кулiс сiйö войнас. Эз удит тöдмавнысö.

Мужичёй шыбитiс бипурас öти пес.

— А сэсся ме юси. Дыр кeжлö. Ставыс веськодь лои. Руль сайын кодөн ветлöдлi. Правоöс эськö мырддисны нин. Гажа юрөн и люкаси мöд машинакöд. Ог тöд, доймалiс эз кодкö. Сэнисö. А ме тай татчö веськалi.

— Да, олöмыд абу жö юмов вöлöма,— кывкöрталiс Григорий Михайлович.

— Грекыс ме вылын уна. Гöтырöс видзны эг куж ни пиöс. Ас кадö кö ставсö казялi эськö. Гажаа водзынджык ёртъяскöд овлi. Ёна гуляйтлiм. Мичаа олiм. А менö накажитöм пыдди Енмыс босьтiс менсьым медся донаторьяссö. Менö ловйөн колис, пöшти. Сöмын öд тайö медсьöкыдыс. Ок, косöдны кö ставсö...

— Да эськö да...— шуис Григорий Михайлович.— Но ми абу Еньяс. Да и косны кö, бурджык олöм оз ло. Судьбатö он веж.

8

Зоя öдйö и сувтiс кок йылас. А сэсся сiйöс лэдзисны гортас. Йöзыс шензьöмпырысь видзöдiсны сы вылö, быттё мöдар югыдысь воис. А сiдзи кымын и вöли. Сöмын мöдар югыдсьыс бöрсö оз локны. Став матыссаыс юасисны нывлысь, кутшöмджык сiйö — комаыс. Но Зоя нинöм эз висьтав. Гашкö пö, вöтаси больницаын куйлiгөн аддзылöмторсö. И зiлис вунöдны. Но баблөн кывъясыс мöрчисны вежöрас: «Му вылас ёнджыка колан». «А кодi тайöс шуö, му вылö, райö ли адö ыстыны?.. Енмыс? Сiдзкö, олыштны на мем тшöктiс, курыд да сьöкыд олöмсö эг тöдлы да,— мöвпалiс Зоя.— Ме и рад олыштны. Сы мында на колö вöчны... Весиг радейтана мортöй абу. Другөн оз и сюр. Көнкö, ветлöдлö мясянь былын, либö небылын, да весиг оз мöвпыштлы мекöд паныдасьöм йылысь. Но немтор, аддзысям на небось коркö...».

Олöм вылас Зоя быттё мöд ногаджык кутiс видзöдны: ставыс сылы тöдчанаөн кажитчис. Шондi пуксьöм, зэрöм, кымөръяслөн енэжöд кывтöм, пуяс вылын коръяслөн легöдчöм — ставыс шензьöдiс нылöс. Часьясөн вермис нимкодьясьны сiйöс кытшалысь вөр-ва петкöдчöмъясөн. Зоялы кажитчис: найö ловъяöсь, сöмын сёрнитöны асланыс кывйөн. «Налөн йöзлөн кодь жö олöм, сöмын тöждьясыс, сьölöмкылöмъясыс торъялöны. Гөгөрвоим кö öта-мöднымöс, найö сы мында выльтор, мöвп эськö восьтiсны, весиг думыштны он куж. А гашкö, вөр-ваыс гөгөрвоö йöзлысь сёрнисö? Сiдзи кö, кымын гусятор сiйö ас пыткас кутö?..»

Бӧр-ванас Зоялысь нимкодясӧмсӧ бать-мамыс эськӧ казя-
лісны, но нинӧм эз шуны. Тайӧ пӧ комаыс сідзи мӧрчӧма. Бур,
кӧть пӧ ловъя. А ныв эз и тӧд, мый сылӧн оласногыс йӧз син-
мын тешкодӧн кажитчӧ.

9

— А ӧні, кӧнкӧ, ме сёрнитышта,— кызӧктіс да шуис Григорий
Михайлович.— Пӧрысь мортдылы быттьӧ и уна нин поэты висъ-
тавны, но вывті кузясӧ ог кут: дыр тырмас. Олӧм чӧж олі ичӧт
чужан грездын, уджалі совхозын, быдті гӧтыркӧд пиӧс да нылӧс.
Нылӧй карӧ муніс овны, а пиӧй, удж вывсьыс вӧтлісны да, пер-
вой уджтӧмаліс, сӧсся надзӧникӧн юсис. Грездад ӧд ӧдйӧ та-
тшӧмыс... Гӧтырӧс гуалі кык во сайын нин. Сійӧ вӧлі ассъыс
пенсияторсӧ гусьӧн пайдышталӧ пинымлы, мед бӧрсянныс вӧт-
лысьмӧн оз дзайгы. А куліс, да ме вылын мӧдіс смекайтчыны
дона пиӧй. Коркӧ меным тайӧ дышӧдіс, да вӧзйыси индомӧ. Ко-
рӧны жӧ вӧлі-а. Ныв дорӧ эг мун, сідз нин ичӧт патераас куимӧн
тӧрӧдчӧны да. А индомад и гажтӧм босьтіс. Гортысь быри
гажӧй... Тӧлысь олі сәні да шуи грездӧ кайлыны. Пыри керкаӧ,
а сән пиӧй «ёртыяссӧ» вайӧдӧма, юӧны. Ме вӧлӧ вувзъысис,
лӧсьыда пӧ овсьӧ индомад, ва ни пес оз ков пыртны, вай пӧ
деньгатӧ, некытчӧ жӧ бырӧдны-а. Ме первой ставнысӧ вӧтлі
керкасьыс, а сӧсся сӧлӧмӧ кутчыси. Инфаркт. Пиӧй убӧлитіс
кӧть скорӧйсӧ корны, эз жӧ коль сәтчӧ кувны. Кулі кӧ и, эз
нин ков сӧсся мучитчыны. Гӧтырӧй, кӧнкӧ, виччысис менӧ, а
ме неуна вошышті туяс. Костас сибді. Да оз нин дыр ковмы
виччысьны. Овсьӧма нин ассъым пайӧс. А тіянлы, том йӧзлы,
овны на и овны...

Сӧгласмоз Зарни кыкысь гораа увтыштіс. Дед шылькнитіс
сійӧс, шань пӧ, шань.

— Сьӧкыдӧн олӧмыс кутіс лоны,— ышловзис Олег.

— Олӧмыс векеыс сьӧкыд вӧлі,— вомаліс сійӧс Григорий
Михайлович.— Йӧзыс тай слабджыкӧсь лоины. Быдторйыслы
мӧдісны сетчыны. Вина-водка, наркотикъяс. Сьӧдасьны йӧзыс
кутісны — пытшкӧссянныс. Дерт, оз ставныс. Но... Сьӧкыд,
дерт. Сійӧ век сьӧкыд вӧлі.

Дед лӧнис. Видзӧдласъяс сертиыс Закар гӧгӧрвоис: воис кад
и сылы висътасьны. Зон виччысьыштіс на мыйкӧ дыра да
заводитіс:

— Григорий Михайлович, вот ті шуанныд, том йӧзлы пӧ
овны колӧ. А мыйла? Мед водзӧ вӧйны няйтӧ, юны-кодавны,
торксьыны вежӧрнад, а сӧсся кутшӧмкӧ ӧти лунӧ суйны юртӧ
петляӧ? Абу-ӧ кокныдджык тадзи со кувны, грексӧ ас вылад
босьттӧг?

— Тадзсӧ эськӧ кокныдджык да,— вочавидзис дед.— Но
олӧмсӧ сетӧма, медым овны, кутшӧм кӧть сьӧкыд сійӧ эз вӧв.
Шуӧма кӧ лӧк да шог нылавны, нылыштан. Юмов олӧмыс не-
кӧні абу. Тә тані медтомыс, да сәтшӧмторъяс висъалан...

— Но и мый, медтомыс кӧ?! А тіян бать-мамныд вӧліны?
Тшӧкыда нӧйтлісны? Сәяныд век тырмыліс? Ставныд дорӧ шыӧдча.

Ставныс синсӧ лэдзӧмӧн кывзисны Закарӧс. Сӧмын пон бӧжсӧ
легӧдӧмӧн веськыда синмас видзӧдіс: меным пӧ сідз жӧ овсис.

— Детдомын ме быдми,— лөнджыка нин шуис зон.— Быд-торйыс сюрліс ыджыдджыкъяссянь. Кор окота лоо, нөйтасны. Сёянтө мырддясны ли. Ичөтдырйи ёна на өшинь дорын пукавлі, мамөс виччыси. Но сійө эз лок. Чужом бөрам эновтлөма больничайн. Мыйла и чужтылөма сідзкө? Сэсся дугді виччысьны. Кодлы ме кола? Некымынысь пышйылі детдомысь, но бөр ко-сөдлісны. Сэні и ковмис овны дас көкъямыс арөс тыртөдз. А сэсся воис кад мунны сэтысь. Государствоыс көсйысьліс сетны патера, но дыркодь на ковмис виччысьны. Ковмис общагаын олыштны, техникумым велөдчигкості. Кыдзкө-мыйкө помалі велөдчөмөс. Армияө ветлі. Сэсся паныдалі муса нылөс... Кутшөма жө ме сійөс радейті! Став чөжсьом муслунөс сеті сылы. Отлаасьны весиг көсйим. Но... өти төдса шуис меным, пөдругаыд пө мөдкөд колльөдчө. Эг эскы. А өтчыд удж вылысь водзджык муні, думысь көсйи козин Светалы вөчны, нуөдлыны кытчөкө шойччыны. И — кыйи сійөс мөдкөд. Гоз-мөдысь пөвсышті, сэсся шошукөдыс шыбиті зонсө. Буракодь Света вылө горзі да вөтлі гортысь. Вежон чөж, гашкө, юи сэсся. Тшук өшиньөд эг шыбитчы. Но мыйкө кутіс на. А сэсся войнас лавкаө петалігөн и котшнитісны юрам. Коді, мыйысь? Төдтөм нин, буракө, лоө.

— Да, ми асьным огө бөрийөй, кутшөм ногөн веськавны комаас,— ышловзис Люда.— И олөмнымөс огө жө бөрийөй...

— А ме думысь, олөмыс миян сайын,— шуис Олег.— Ми асьным сійөс лөсьөдам, асьным и тшыкөдам. Чужөмсянь корсям кутшөмкө шуд, нырччам сылань, а аддзам кө, быд ногыс зіям сійөс видзны. И сөмын тайө шудсө воштөм бөрас гөгөрвоам, мый сытөг овнысө, вөлөм, зэв сьөкыд. А выльсө корсьны таысь на сьөкыдджык...

— Но мый сэсся, Закар, кытчань думайтан сетчынысө? Мулань али райлань?— юаліс Григорий Михайлович.

— А код төдас? Му вылас некод оз виччысь ни раяс. Татчө, гашкө, кольччыны да?— мудерамоз вочавидзис зон.

10

Зоя бөр пырис уджавны лавкаас. Майшасисны: оз вермы висьом бөрас артасьнысө. Но вермис. Сөмын корсюрө вунөдчыліс, да сійө немтор. Бура тай вузасис, эз сорсьывлы. Ёти жар луно сы дорө чойыс пиыскөд пырис пляж вывсянь локтігмоз. Шойччыштам пө ыркыд лавкаад. Сёрнитігкостіыс Зоя другысь юрас кутчысис, мыйкө пө висьмис. Нывлөн син водзас виччысьтөг пемдіс, и сійө аддзис ясыд серпас: лыа, ю, пөдысь морт. Кодкө ичөт на. Том йөз уськөдчөны сылы отсөг вылө, петкөдөны берег вылө...

— Зоя, мый лои?— пельпомөдыс тракнитіс чойыс.

— Да вот... Ог төд. Збыль тайө абу?.. Ичөт нывка син водзам петкөдчыліс, тшук эз пөд.

— Тайө тэныд кома бөрсаяд каститчө,— эскөдіс Зина.— Прөйдитас...

— А быткө дзик збыльысь ставыс вөлі,— нор гөлөсөн шуис Зоя.— И нывкаыс быгткө төдса. Дзик Семен Валелөн Тоняыс кодь.

— Ме тэд шуа, каститчис. Омөльджыка тайөс думайт... Мед юр вежөрыд дзикөдз оз торксьы.

— Но, но...— сөгласитчис Зоя.

Колис некымын лун. Чойяс вунөдісны нин тайө сёрни йыв-сьыс, но вежон кымын мысти Зоялөн кывъясыс збыльмисны: тшук эз пөд налөн сиктсьыс өти нывка — Тоня. Удитісны мездыны. Сэки сөмын Зина эскис чойыслы, шармөм синъясөн котөрөн воис.

— Зоя, а тэ сэки збыль висьталін... Ясновидящөй али мый? Ме кыскө лыддылі: өти мужикөс токалома, да тунасьны сы бөрся кутіс. Гашкө, тэ сэтшөм жө? Менсьым висьтав жө водзө вылө олөмөс!

— Да кутшөм меысь ясновидящөй?!— шөйөвошис ныв.— өтчыд сөмын аддзылі да. Вот унаысь кө, сэки позис тадзсө шуны...

— А ми виччысьлам,— эз сетчы Зина.— И тэ мен сэки висьталан аския лунөс.

— Эн сөр,— нюмдіс Зоя.— Нинөм абусө висьталан.

Лун куим мысти нывлы петкөдчис мөд серпас: сатшкөны пуртөн сылысь төдсасө. Сійө жө луннас Зоя ветліс висьтавны та йылысь зонлы, видзчысьөмөнджык пө ов, некодкөд эн пинясь. Зон эскө эз өна эскы, но көсйысис кутны висьталөмторсө төд вылын. Но... векжө сійөс сатшкисны. Клубын дискотека вылын нывсө абу юкөмаось. Бур, көть кувмөныс абу лоөма. Зоя шөгө усис, быттьө сійө таын мыжа, эз куж төдсасө бура эскөдны да...

Кутшөмкө кад мысти ставнас сиктыс төдмаліс нывлөн сям йылысь. Йөзыс муртса эз вөтлысьны сы бөрся. Но Зоя некодлы нинөм эз көсйы висьтавны: ме пө тадзсө ог вермы. Аддзыла пө кө мыйкө, ачым вола да висьтала. Вочасөн Зоя гөгөрвоис: висьтав көть эн водзвыв лёк виччысянатор йывсьыс, оз отсав. Нылөн став аддзылөмторйыс збыльмыліс, көть кыдзи йөзыс эз зільны дзебсьыны либө пышйыны сыысь. Сэсся вежөртісны жө: судьбатө он веж. Кыдзи шуөма, сідзи и лоас.

Зина өна корліс чойсө, медым видзөдлас сылөн локтан олөмас. Но Зоялөн эз артмы. Петкөдчөмъясыс асьныс локтісны вежөрас, көсйытөгыс. А мед аслас көсйөм сертиыс мыйкө аддзыны — эз вермы. Көть сэсся джынъясь.

11

Зарни куйліс юрсө лапаяс вылас лэдзөмөн да кывзис сёрнитысьясөс. Сійө ставсө гөгөрвоис: буракө, воддза олөмас мортөн вөлома. Корсюрө и ачыс суйсьыліс сёрниас, но понйөс эз гөгөрвоны. И ним кутшөмкө сылы сетісны — Зарни. Думыштасны жө! Мый, налы зарниыс оз тырмы? Аслас нимыс бурджык — Дружок. Но кыдз налы тайөс шуны? И лапасө сетліс, и нюмъяліс — век өтарө Зарниасьоны.

«Ставныслөн эм кутшөмкө төжд,— мөвпаліс пон.— Ставныс мый йылысь кө пессьоны, шогсьоны. Муртса со оз кувны весиг, шудсө ассьыныс воштөны да, олөмыслысь вежөртассө. А менам шудөй на дорын зэв ичөт: көзяин да шоныд чом кө эм и. Но найө менам абуось нин. И та вөсна ме зэв шудтөм.

Менам көзяинөн вөлі зэв шань зонка. Сійө өна радейтіс мөнө, ворсліс быд лун. А сэсся бать-мамыс торйөдісны миянөс. Öти лунө чукөртісны став көлуйсө да тюрөдісны ичөт көзяинөс

ылӧ-ылӧ. Вӧтчылӧ эськӧ, гуляйтанинысь вои да, но эг суӧд. Ёна жӧ ме сэки бӧрдӧ, никсӧ, думысь виччыси на. Эз локны бӧрсӧ. Тшыгъявны кутӧ да, помӧйын мӧдӧ луасьны. Сэни и тӧдмасы ӧти бомжкӧд. Шань дядьӧ. Вердӧлис менӧ. Сы дорӧ и кольччи овнысӧ — ӧти важмӧм гаражын. Сӧмын кыктор меным эз кажитчы бомжас: быд лун юис да чӧскыдтӧм дукӧн сысянь паркйис. Тулысбыд сы дорын олӧ. А сэсся менӧ кыйисны кутшӧмкӧ мужикъяс, нуисны машинаӧн да йӧртӧсны клеткаӧ. Ме кодъ жӧ кӧзяинтӧм понъяс дорӧ. Найӧ и висьталӧсны: кӧзяиныд кӧ пӧ вежон мысти тӧла оз лок, пагӧдасны, укол сюясны, и ставыс — ланьтан. Локтас кӧзяинӧй кыськӧ! Важӧн нин вунӧдӧс. Та вӧсна эг ёна и пыксы, кор менӧ нуӧдӧсны винысӧ. Лӧдзи юрӧс лапаяс ылӧ, куни синъясӧс — и лӧбзи... Дыр-ӧ лӧбалӧ, ог тӧд. Места ылӧдзыс тай абу восьмӧма-а.

Тани меным лӧсьыд. Ставныс радейтӧны менӧ, малалӧны. Кодӧс кӧзяин ылас бӧрйынысӧ-а? Людаӧс, гашкӧ? Ог, кага кындыис сылы некод оз ков. Олегӧс? Ог. Мыйкӧ сийӧ дзебӧ, оз ставсӧ висьтав. Закарӧс? Да сийӧ вывтӧ ӧдйӧ пузысь. Кӧнкӧ, ме вӧсна весиг тӧждысьнысӧ оз сяммы. Пӧдругаыс ӧд эськӧ мӧдӧс эз аддзы? Буракӧ, Григорий Михайлович лоӧ меным медбур кӧзяинӧн. Пӧрысь да, оз нин эновт менӧ, гортсыс некытчӧ ылӧ оз мун ни. Кодарлань сэсся ачыс сетчас — ме сэтчанъ жӧ. Абу-ӧ мен веськодъ? Кӧзяин кӧ эм и...»

12

Зоя дыр эз вермы ланьтны. Быдторйыс юрас бергалӧс: и ас-лас олӧмыс, и йӧзыслӧн. Быттӧ ӧтилаӧ ставыс гартчӧма. И мыйла сылы тайӧ водзвыв аддзыны кужӧмыс, оз вермы некодлы отсавны таӧн да? Нинӧм оз позъ вежны. Сидзкӧ, и нинӧмла олӧмсӧ водзвыв тӧдны. Дыр на Зоя бергалӧс вольпасяс, а сэсся ланьтӧс жӧ. Бабушсӧ вӧталӧс. Кык во сайын кувлӧс. Дзигӧдчы-лисны: ёна гажныс бырӧма.

— Ёна жӧ ме тӧ вӧсна майшаси, комаад кор куйлӧн,— висьтасис бабыс.

— А тӧ тӧдӧн та йылысь?— чуймис Зоя.

— Тӧдӧ, дерт. Ми ӧд, кулӧмаяс, ставсӧ аддзам. Отсасям быд ногыс, кевмысям тӧян вӧсна.

— Збыль?

— Збыль, збыль.

— А Енмыс эм?

— Эм, сӧмын сийӧ оз ёна миянлы петкӧдчывлы, уджыс уна да. Райнас ӧд веськӧдлыны жӧ колӧ, мед сэни нинӧм эз торксы. Мед ловъясыс ас кадӧ воисны раяс, мед ас кадӧ му ылӧ лӧччисны. Мед андельясыс бура уджалӧсны, эз дышӧдчыны.

— Интереснӧйторъяс висьталан, бабуш. Думыштны весиг он куж... А кома дырйиыс йӧзыс кытчӧ веськавлӧны, тайӧс тӧдан жӧ? Либӧ найӧ ставсӧ вӧтасьӧны?

— Оз, оз вӧтасьны. Налӧн ловъясыс сэки олӧны муа-рая костын. Вир-йаыс му вылын, а лолыс вӧля вылын.

— Мыйла нӧ тӧ сэки ме дорӧ эн воы? Кор ме дзык ӧтнам кольлӧ?

- Меным эз позь. Сэтчӧ лэдзӧны сӧмын отсасьысьясӧс.
— Кутшӧм отсасьысьяс?
— Найӧ отсалӧны муа-рая костын сибдӧм ловъяслы бӧр гортас муннысӧ. Колӧ кӧ быттьӧ. Тэныд паньдасис ӧти баб, пӧдӧ тай вӧлі. Тэ сійӧс мездін — и сійӧ тэно мездіс.
— А коді сетіс меным виль кужанлунсӧ — водзвывсӧ адзыны? Сійӧ жӧ?
— Эз. Тэ пытшкын вӧлі нин. Сӧмын петкӧдчис кома бӧрсяйд. Быд морт пытшкын ӧд мыйкӧ эм, оз тай век сійӧ воссьы-а...
— Баб, мыйла нӧ мен тайӧ кужӧмыс? Некодлы отсавнысӧ ог вермы да? Слава радиыс али мый?
— Абу, дитюк, абу. Отсӧгыд тэнад колӧ ӧти мортлы. Сӧмын сійӧ абу дзик ловъя.
— Куліс нин ӧмӧй?
— Эз на. Комаын сійӧ. Помнитан, зонкӧд тай тӧдмасин? Комаад.
— Закар?
— Да. Сылы колӧ отсавны. Мед на олыштас мортыс. Му вылас сійӧс некод оз виччысь, и лӧсьӧдчӧ мунны райӧ. А ӧд сэтшӧм на том! Олыштны на эськӧ сылы.
— Бабуш, а кызди нӧ?
— Юр-вемтӧ зэвтлы. Тэ верман. Сӧмын он на тӧд та йылысь. Унатор на верман.
— Висьтав, мый...
— Сійӧс тэ ачыл нин восьтан. Сьӧлӧмыд туйсӧ петкӧдлас. Кадыс воас да... Но меным сӧсся мунны колӧ.
— Бабуш, сёрнитыштам на! Меным сэтшӧм на уна колӧ тӧдмавны!
— Оз позь, нылук. Енмыскӧд венӧ пырны оз позь.
— А ми тӧкӧд аддзысьлам на?
— Ковмас кӧ, аддзысьлам.

13

Григорий Михайлович дыркодь нин видзӧдіс бипур вылас да шуис:

— Анделъясыд бара нин локтӧны. Со тай биыс кызди чечавны кутіс...

И збыль: недыр мысти пещераӧ пырисны кык андел.

— Видза оланьыд, ловъяс! Думыштінныд энӧ кодкӧ, кытчӧ мӧданныд? Либӧ тані кажитчис? Гашкӧ, кодкӧ талун райӧ кӧсйӧ вуджны?

Чӧв-лӧнь пуксис. Сӧсся Олег шыасис:

— Ме кӧсья.

— Талун?— юалана синъясӧн видзӧдліс сылань ӧти анделыс.

— Талун,— чорыда вочавидзис мужичӧй.

— Ме тӧкӧд жӧ муна,— сетіс гӧлӧссӧ Люда.

— Бура думыштлінныд?— юаліс мӧд анделыс.

— Бура,— ӧтлаӧнмоз артмис Людалӧн да Олеглӧн.

— Но сідзкӧ мӧдім,— шуисны анделъяс.— Мукӧдыс верманныд колльӧдны. Кыркӧтшӧдз.

— Пукыштам бӧръяпом,— усис Людалы тӧд вылас муыввса оласногыс.

Пукыштисны. А сэсса петисны пещераысь да сувтисны кыр-көтш дорышö.

— Прöщайтöй,— шуис нывбаба кольöдысьяслы.— Гашкö, аддзысьлам на сэнi...

— Люда,— виччысьтöг сылань бергöдчис Олег.— Прöстит менö... Эг вермы водзджыксö шуны да... Сэки öд ме... Ме понда öд сэки тi машинанад бергöдчинныд. Тэрмаси сэки... доймöм пилы отсöг былö. Прöстит, верман кө...

— Ме некытчö ог мун,— бергöдчис мышнас Люда да бөр пырис пещераö.

Олег мыжа морт моз лэдзис юрсö да нинöм сэсса эз шу. Андельяс босьтисны сийöс сойбордйöдыс кыкнан боксянныс да чеччыштисны кыр йылысь.

— Со и ставыс,— кывкöрталіс Григорий Михайлович да довгис пещералань. Бөрсянныс вöтчисны Закар да Зарни. Люда зумыштчöмөн пукаліс пемыд пельöсын, паръясыс тiралісны, но сийö эз бөр, сьölöмыс быттьö чорзьöма скöрысла.

— Ог гөгөрво, мыйла Олегыс татчö веськаліс?— пинь пырыс сöдзöдіс нывбаба.— Виысьяс öд мöдлаынöсь...

— Люда, ме эг жö лысьт сэки шунысö, мед не дойдны,— шыöдчис Григорий Михайлович.— Кагаыдлы шуöма вöлі кувны сийö луннас. Ачылöд висьталін, кынöмöй пö зэв ёна висис. Чөвтис öд кагаыл, выкидыш лоис. Но сийö здукас тi веськалінныд аварияö. И ставыс вештыссис сы былö.

— Мый тi сöранныд?!— скöрмис Люда.— Кокни йöз шог йывсьыл сёрнитнытö...

— Люда, кывзы менö. Эн скөрмы веськыл сёрниысь. Олег, дерт, мыжа. Сы пыдди вермис лоны кодкö мöд. Но кага воштöмыд — абу сы вылын. Эськö татчö эз веськав... Век öд кокныдджык кодöскö мыжавны.

— Сідзи,— нурбыльтіс Закар.

— Но мый, Люда, прöститан Олегöс?— юаліс Григорий Михайлович.

— Енмыс прöститас,— гусьон вочавидзис нывбаба да бөр вöйтчис мөвпъясас.

Зоя садьмис, нюжмасыштіс. Заводитіс пелькöдчыны керкаас. И другысь юрас быттьö дзенгис: вöтыс тöд вылас усис. Ставнас, бөръя кывъясöдзыс. «Зон. Закар. Колö сылы отсавны. Кыдзи?»— мөвпаліс ныв. Лунтыр та йылысь думайтіс, но эз на тöд, мый вермас вöчны. Öд петкöдчöмъясыс асьныс локтисны юрас, а öнi колö аслас вынъясөн видлыны йитчыны сийö зонмыскöд. Войнас нин, кор ставныс водалісны, Зоя сиптысис жырьяс да видліс уськöдны тöд вылас Закарöс. Со найö мунöны, кинас кутчысьöмөн, тöдмасьöны. Весиг öд эз аддзывлыны öта-мöднысö пемыдысла, кылісны сöмын киясыслысь шоныдлунсö да осьлассö.

— Закар, Закар...— тайö кывсö öтырышъя шуалöмөн Зоя став мөвпсö веськöдіс зонмöс казтылöм былö, быттьö став ловнас вуджис сийö кадас.

— Тэ кодi?— ясыда кыліс ныв, а сэсса кодкö кутчысис киас. Тöдса да шоныд.

— Закар?— шемӧсмӧмӧн артмис.
— А тэ? Зоя?
— Да.
— Тэ мӧй комаын на? Мыйла ме тэно ог аддзы?
— Ме важӧн нин комасьыд петавлі...
— А кыз сэсся ми ӧні тэкӧд сёрнитам?
— Кома бӧрын ме куті аддзыны унатор... Мый водзӧ вылӧ лоас на. Но ог ставсӧ.
— Ясновидящӧй мӧй?
— Сідз кымын...
— Мый менӧ виччысьӧ?
— Ог тӧд, Закар, сійӧс ог тӧд.
— А кызджык сэні ӧні му вылас?
— Лӧсьыд, гажа. Гожӧмыс регыд помасяс. Эг и тӧдлы...
— Миян тані ог тӧд мый. Ар ли тулыс, гожӧм ли тӧв. Абу кӧдзыд ни абу жар.
— Тэныд сэні кажитчӧ?
— Ачым на эг гӧгӧрво. Быть ӧд кӧнкӧ ов. Му вылас оз кыскы, и раяс вуджнысӧ быттӧ кадыс эз на во...
— Мыйла нӧ му вылас бӧр он кӧсйы?
— Некод менӧ сэні оз виччысь...
— А олӧмыс? Сійӧ жӧ сэтшӧм бур! Ӗтчыд ӧд олам!
— Кодлӧн кызди... Меным овнысӧ эз ӧна кажитчы.
— Но и мый! Сідзкӧ, став бурыс водзын на. Сӧмын колӧ виччысьыштны. Сӧкыдсӧ да лӧксӧ венӧм бӧрын и гӧгӧрвоан олӧмыслыс донсӧ.
— Гӧгӧрвои нин. Олӧмыс нинӧм оз сулав, абу кӧ весиг ӧти матысса морт.
— А ме? Кӧсьян, ме тэд лоа матысса мортнас?
— Ог тӧд... Мый, зонмыс тэныд оз тырмы сэні? Лов вылӧ кадтӧ воштан.
— Тырмӧ эськӧ да. Но эз на сюр на пиысь сэтшӧмыс... Мед сӧлӧмӧс вӧрзӧдіс...
— Ме ог жӧ вӧрзӧд.
— Но... сійӧ ми видзӧдлам на... Абу ӧмӧй дивӧ, мый ме верми тэкӧд тасянь йитчыны?!
— Менӧ нинӧмӧн нин он шензӧд.
— А позьӧ видлыны?
— Видлы...
Виччысьтӧг ныла-зон костын йитӧдыс вошис. Зоя быттӧ паляліс, но сійӧ тӧдіс: тайӧ абу вӧт. И ӧні нывлы воссис виль дзебас.

— Закар, кытчӧ нӧ вошлін?— шензӧмпырысь чепӧсйыліс пырысьлань Григорий Михайлович.
— Да ачым ог тӧд...— юрсӧ гыжйыштис зон.— Ме тиянлы эг висьтавлы... Кор ме веськалі комаӧ, пемыдінын мунігӧн паныдалі нылӧс. Зоя нимыс. Ми ськӧд зэв дыр мунім ӧтлаын, а сэсся торъялім. Но вот... Сійӧ петӧма комасьыс, а ме татчӧ...
— Сэсся мый?— юаліс Люда.

— Зоя корліс менö ас дорас. Öнi. И ме ветлі. Сёрнитыштім. Сöмын öта-мöднымöс эг аддзылöй...

— Ог гöгөрво! Кыдзи?— чуймаліс нывбаба.

— Да сідзи... Сійö кужö йитчыны ловъяскöд.

— Вот тай на!— шлапкерис кияснас Григорий Михайлович.

— Сійö öд и эм...— нурбыльтіс Закар.— Кöсйылі нин райö...

Эг удит. Аддзис...

— Мый нö сёрнитінныд көть?— окота лои тöдмавны Людалы.

— Кöсйö ёртасыны мекöд.

— А тэ?

— Ог тöд, колö оз.

— Сьöлöмыд мый шуö?

— Окота пö...

— Но и кывзы!

— Ог.

— Некор эн тэрмась шуны «огсö»,— сүйсис Григорий Михайлович.— Позьö на ставсö вежны. Том на.

— А кыдзи нö р...

— Удитан на раяд,— быттö керыштіс дед.— Олышт первой ме мындаыс...

— Сэсса Зояыдкöд мусманныд öта-мöдныды,— нюммуніс Люда.

— Кутшöм ещö муслун? Вöлі нин менам... öти,— скöракодь шуыштіс зон.

— Тайö лоö мöд пöлöс. Со тай кутшöм интереснöя ставыс заводитчö!— эскöдіс Закарöс нывбаба.

— Муслунсянь ставыс пансьö,— мöдіс мойдны Григорий Михайлович.— Муслунысь артмин тэ. Олöм чöжыд корсин муса мортöс. Аддзин, сэсса воштін, и олöмыдöн вежöртасыс воши. Вежöртасыс кө воши, сідзкö, колö корсьны мöдöс. Мöд муслун. Сöмын сійö тэнö ловзьöдас, ышöдас выль олöм вылö...

— Мичаа эськö висьталанныд да,— торкис дедöс зон.— Но кыдзи ме верма öнi радейтчынысö?

— Мөвпгьяс пырыд...

16

Зоя да Закар кутісны аддзысьлыны быд рыт. Сёрнитісны, бурджыка öта-мöднысö тöдмалісны. Нывлы тайö казтыштіс карас велöдчöмсö, кор сійö тöдмасис öти зонкöд телефон пыр да часьясөн сыкöд бызгыліс. А коркö найö аддзысисны, и Зоялөн сьöлöмас весиг нинöм эз вөрзьи: эз сэтшöмöс чайт аддзыны, ичöt тушааöс да омöликöс. Та бöрын найö сэсса эз нин сёрнитлыны ни эз аддзысьлыны. Закаркöд ставыс дзик аслыспöлöса заводитчис. Да и кылісны найö öта-мöднысö мөвпгьяс пырыс. Закар, вöлөм, зэв интереснöй, унатор йылысь тöдö, быдторнас позис сыкöд юксьыны. И, вöлөмкö, налы кажитчö öти пöлöс музыка. Öтчыд Зоя кык рыт чöж эз вермы сыкöд йитчыны, а коймöд рытнас кор артмис, кыліс зонлысь дузöм гөлөссö:

— Кытчö та дырасö вошлін?

— Эг вермы. Вынöй эз тырмы, вывтi сьökыд лунгьяс вöліны да... А мед эн скöрав, лöсьöді тэныд козин... Кылан?

Ныв ловзьöдіс магнитофонсö.

— Менам радейтана группаой! Кутшѡм ёна гажѡй бырѡма! Аттьѡ...

— Енлы.

— Жаль, ме ог вермы вѡчны козинсѡ воча. Но думыштлины кѡ...

— Мый тайѡ вѡлі? Вом доръясѡй шонавлісны... Сэтшѡм небыд, чѡскыд...

— Кажитчис?

— Ме некор на эг окасьлы... Эг чайт, мый медводдзасьыс тадзи лоѡ...

Зоя вочасѡн кутіс йитчывлыны Закаркѡд эз сѡмын гортас, но и ывла вылын. Ныв мичаа вѡччыліс, синъяссѡ краситыштлис и петавліс гуляйтны Закаркѡд. Зоя тшѡкыда ветліс ва дорѡ. Найѡ ѡтлаын кывзісны юыслысь гыалѡм шысѡ, каляяслысь горзѡм-сѡ. Зѡра поводдяѡ ныв пуксьыліс ѡшинь дорѡ: найѡ кыкнанныс радейтісны гымалѡм-чардалѡм да гырысь зѡр чутъяслысь ѡшиньѡ гольѡдчѡм.

— Кылан, Закар? Тѡдан, кодъяс кодѡсь зѡр тусьясыс?

— Ог.

— Найѡ дзик некодлы ковтѡм ловъяс кодѡсь... Лѡбѡны, лѡбѡны енѡжсянь, кодъяскѡ усьѡны нййтѡ, кодъяскѡ — керка вевт ылѡ, а этайѡяс исковтѡны стеклѡ кузя, здук жежлѡ аддзылѡны керкаын олысьяссѡ и водзѡ тюрѡны, йиджѡны муѡ. Косъмѡм мулы кындзи, найѡ сѡсся некодлы оз ковны.

— Регыд на ме ачымѡс сэтшѡмѡн жѡ кылі — ѡткаѡн, мустѡмѡн, ковтѡмѡн...

— А ѡні... мыйкѡ вежсис?

— Вежсис, дерт. ѡні менам эм тѡ.

— Мый сѡсся мѡжган?

— Думайтан, сэтшѡм кокни му ылас бѡр веськавны? Ѳти делѡ — татчѡ, а мѡд делѡ — бѡр... Верма ог ме ачымѡс ловзьѡдны? Сыысь пола...

— Ме отсала. Тѡ сѡмын ачыд зѡв ёна кѡсйы! И артмас. Локтан?

— Зоя, ме...

Йитѡдыс виччысьтѡг вошис. Но ныв тѡдіс, мый кѡсйис шуны Закар. Чужѡм ылас шуда нюмѡн Зоя недыр видзѡдыштіс на ывласѡ югзьѡдысь чардалѡм ылѡ да пѡт кань моз гѡгыльтчис вольпасяс.

Григорий Михайлович да Люда нюмъялѡмпырысь видзѡдісны на дорѡ матыстчысь Закар ылѡ. Шуда синъяснас зон ѡти ылас видзѡдліс, сѡсся мѡд ылас, но нинѡм эз шу. Бѡжсѡ легѡдѡмѡн Зарни мыйкѡ виччысис жѡ...

— Но, висьтав нин,— эз вермы кутчысьнысѡ Люда.

Закар здук-мѡд чѡв на оліс, а сѡсся шуис:

— Буракѡ, ме радейтчи.

— Уф! — кокниа лолыштіс дед.— Умсялін жѡ сѡсся... Но ѡні, кѡнкѡ, ряд он нин лѡсьѡдчы мунны?

— Ог. А кыдзи бѡр вир-яам веськавны?

— Тэ сыысь эн пов. Овнытö кö окота лои, то и ловзян нин кызкö-мыйкö...— такöдiс зонмöс Григорий Михайлович.

— Да. Колö. Ме öнi абу нин öтнам.

— Но и бур, мый гөгөрвоин... Закар, ми танi тэнад вет-лигкостыд сöветуйтчыштим Людакöд... Да ми... Талун колям тэ-нö,— норпырысь висьталiс дед.

— Райö?

— Да.

— Миянöс сэнi виччысьöны. А тэ аддзин жö матысса мор-тöс,— пырöдчис сёрниö Люда.

— Закар, татчö сэсся эн нин веськöдчы,— тапкöдыштим зон-мöс пельпомöдыс Григорий Михайлович.— Му вылад кор лэччан, эн жö вунöд миян вöсна сисьяссö пуктыны.

— Аддзылан кö верöсöс,— шуис Люда,— висьтав сылы, мый нинöмысь сийöс ог мыжав. Важ мозыс радейта на и... Но кагукöй...

— Ме гөгөрвои, Люда. Висьтала.

Регыд мысти локтiсны андельяс. Кыркöтш вылын куимнан лолыс топöдчылисны: танi колялöм кадколастнас найö быттö семьяөн нин лоисны. Люда да Григорий Михайлович кутчысисны кияснас андельяскöд да чеччыштимсны. Зарни видзöдлiс Закар-лань нор синъясөн да увтчöмөн лэбыштим на бöрся увлань, ву-нöдiнныд пö менö. Зон бара на коли öтнас.

18

Зоя талун бобув моз жбыркъялис. Лавкаас быд пырысьлы нюмъялис, ставныскöд мелiа сёрнитiс. Весиг юысь-кодалысьяскöд эз пинясь, но уджйöзнас век жö эз сет курыдторсö. Рытланьыс нин Зинаыс пырис, öтлаын пö удж вывсьыд каям. Сэсся казя-лис нюмъялöмсö да серöктiс:

— Мый нö, пластическöй операция вом вылад вöчин? Дут-дывтöг нюмъявны кутан, вомыд оз сиптысь да?

— Да. Но операциясö мöдлаöджык вöчисны.

— Кытчö нö?

— Сьöлöмö.

— Вай эн гудрась! Кутшöмкö зонкöд мöй тöдмасин?

— Да.

— Кодi сийö?

— Тэныд ставсö и висьтав.

Зоя игналис лавкасö пытшкöссянныс да кутiс артавны лун-тыръя вузалöмторсö. Джынвийö арталiс нин, но син водзас вич-чысьтöг пемдiс. Сэсся бөр югдiс. Аддзис: больница, дас öкмысöд палата, крöвать вылын куйлысь зон. Сьöд юрсиа, паськыд пельпомъяса. Синъяссö куньöма, но таысь кажитчис нöшта на мичаджыкөн. Орччөн сулалöны еджыд халатаяс. Буракö, бурдö-дысьяс.

— Аски ковмас кусöдны аппаратсö. Рöдвужсьыс некод эз лок. Ми сэсся ог вермöй виччысьны. Государстволөн та мында сьöмыс абу...

— Сидзи, дерт. Татшöм висьысьыс абу этша. Пыр кодкö дой-мöма. И оз быдöнлөн рöдвужыс вермы отсавны. Вывтi дона артмö комаын куйлысьясöс бурдöдöмыс.

— Да. Кöть и жаль, но ковмас кусöдны.

— Оз кө ачыс садьмы...

Зоялы сэтшөм лёк лои тайёс аддзылөм бөрын. Эз весиг по-
мав уджсө, эновтис ставсө, кватитис чойсө киёдыс, игналис лав-
касө да төвзис гортланыс.

— Зоя, мый лоис?— кашкигтырйи вөтчис сы бөрся Зина.

— Бөрыннас висьтала. Колө талун жө мунны карө!

— Но талун нинөм нин оз ветлы. Кыдзи тэ көсьян воёдчыны?
Да и аски, буракө, нинөм оз ло, вөскресенньө да.

— Веськодь. Меным быть колө мунны.

— Он и висьтав?

— Ог.

Зоя чукөртлис нин көлуйсө, но бать-мамыс эз лэдзны: кытчө
пө вой улас петан. Ныв игнасис жыръяс да сыркъялөмөн
бөрддзис. Сійө эз көсйи воштыны сөмын на сюрөм муса мортсө.
Вывті ёна майшасьөмысла ныв эз вермы петны йитөд вылас,
да нөшта на ёнджыка синваыс мөдіс тюрны.

19

Асывводз пыкталөм синъяса Зоя петис туй вылө. Машинаяс
эз на ветлыны. Сэсса заводитисны жө, но некод эз сувт. Ныв
ветлөдліс өтарө-мөдарө да мөвпаліс Закар йылысь. Час мысти
кымын удайтчис сувтөдны кер кыскалан машина, но сійө муніс
сөмын орчча сиктөдзис. Гашкө, куим ли нель машинаөн Зоя
воёдчис карас да. Сөмын найөс виччысигкостіыс колис уна кад.
Лун шөрын кымын ныв чеччис карын. Кыйис такси. И другысь
вунөдіс адрессө. Коркө эськө пасйыліс да, Закарыс висьтавліс.
Видзөдліс сумкасьыс — абу, гортас кольөма. Зоя тшук эз бөрд-
дзы, но кутчысис. Ёні эз на позь. Таксистыс нуис сійөс больнич-
ной городокө. Гашкө пө, тані куйлөны сэтшөм висьысьясыс да?
Ныв дыркодь на котраліс больницаысь больницаө, юасис
бурдөдысьяслысь, висьысьяслысь. Висьталісны. Ёти медсестра
весиг вайөдіс местаөдзис. Со и сійө — дас өкмысөд палата.
Зоя тіпкан сьөлөмөн восьтіс өдзөссө — крөватъыс вөлі куш.

Ныв кутчысис стенмас да ырөстөмөн бөрддзис. Эг пө и удит
аддзөдлынысө. Сэссся лөныштис да нырсө кыскалөмөн довгис
бөр. Друг кодкө кыскыштис сійөс гач кокөдыс. Видзөдліс — виж
рөма кутшөмкө пон. Зоя кышнитис да водзө мөдліс, но пон эз
лэдзчысь, а быттё кыскис сійөс орчча палатаас. Ныв пырис
сэтчө пемөс бөрся — и джөм сувтіс. Сы водзын куйліс төрыт
на петкөдчылөм зонмыс.

— Закар!— радпырысь горөдіс ныв да уськөдчис куйлысь дорө.

— Зо-я,— слаб гөлөсөн воча шыасис зон да небыда нюмъёв-
тіс.

Виж рөма пон гажаа увтыштис да вошис өдзөс сайын. А кык
радейтысь морт меліа видзөдісны өта-мөд выланыс кияснас кут-
чысьбөмөн.





Надежда ПАВЛОВА

Сылысь төвру

Сылысь төвру

Мый йылысь сылан өшинь сайын, төвру?
Мый гажа лунёй бара мунис бөрвыв,
Мый муртса öзйöны нин югыд сисьяс
И керка пытшкын бара öтнам рытья.

Мед вевтяс шоныд рытыс лым кодь шалльöн,
Шöвк шогыс гартас лолöс, тор оз жалит.
Мед ог нин вартчышт сылысь лэбач вывлань,
Кöн шуда олöны и мойд, и збыльлун.

Эн видзöд, тувсов төвру, мый ме гажтöм,
Мед кольлö войыс, ме öд абу татшöм.
Шог сылö, эн на менö ськöд асав,
Бөр муслун биön сьölöм öзтас асыв.

И мед ме öткөн рытья, тадз нин колö,
А тэ эн шогсы, менам сылысь төлöй,
Öд тöдан, муртса шондi югөр усьö,
Ме зарни лэбачöн тэ кийн югзя.

* * *

Кодкö вермис кö
серпасавны лолöс,
мый эськö сэсь тыдовтчис?
Чайта— лöz ю,
коскöдзыс кöтасьöм кья,
арön дарйöдöм му,
кöдзалöм лыа.
Кыр йылын öтка пу,
кодлы веськодь —

ар либӧ гожӧм.
...Гашкӧ, тайӧ ме?..
Гашкӧ, вӧтъясись пожӧм.

* * *

Збыль мӧй вуні, мыйла чужлі...
Али сьӧд кань туй шӧр вуджис?
Весиг лунсёв кад оз югзьыв...
Дзикӧдз ӧмӧй торкси-дзугси?
Мый нӧ лои?
Сьӧлӧм доя!
Бӧрдӧ, сідзкӧ, ме на ловъя.
Бӧрдыштас да сьывны кута!
Эг на кув да сясь нин шуда.

* * *

Видзӧдлан бӧрвыв и аддзан,
вӧчсьӧма абу нин этша.
Водзӧсӧ унджык мед тадзи
быд бурсӧ керны на эштам.

Чужан му, копыр тэн! Бур йӧз,
ставныдлы аттьӧ, код вӧвлі
орчча пыр, коді на лоӧ,
шуд-шоглы, бур кывлы, чӧвлы.

❖ ❖ ❖

Муслунөдз өти воськов

В И С Ъ Т

Арся нййтыс ёна нин дышөдіс сиктса олысьяслы, медсясө пельк көзййкаяслы, кодъяс луннас некымынысь ниртісны ва ветьөкөн кильчө да веранда вывнысө. Сюраліс и вөля вылө лэдзөм понъяслы. Сөмын на пелькөдөм посводзті шлапъялысь понъяс ёна скөрмөдлісны, а ёсь кывъяс веськавлісны көзйинъяслы.

— Домав понтө, дзик сэсся терпенньө бырис, лунтыр лоө бөрсянньыд котравны. Домав, а то лыя,— пычкысьлісны нывбабаяс верөсьяс выланис.

— Дугды пон вылас усьласьны, гожөмбыднас удитіс нин домалөмнас пукавны, регыд нин вөрө каям.

— Вот вөрад и шойчас, а өні... Ук!— скөрмөм көзййка лёкысь видзөдывліс бөжсө легөдысь да кашкысь пон вылө да тапнитліс кокнас. Керка видзысь бөжсө лэдзөмөн да никсөмөн котөртліс ывлаө.

— Мун, мун, көвт нййтсө, тыпу тіян вылө.

— Тэ ачыд понсьыс ёнджыка увтчан, йөй баба.

Скөрмөм мужичөй мунліс кытчө гажыс, а нывбаба дыр на броткыліс вомгорулас.

Пемыд да нййт вылө видзөдтөг, кодкө век жө шөйтіс сикт кузя. Понъяс ёна увтчисны. Лөньыштласны недыр кежө, а сэсся бара нетшкысьөны чепъяссьыс. Столбвывса бияс кытөнсюрө югзөдісны ветлысь-мунысьяслысь туйсө, но талун найө эз өзъявны, и сы вөсна вөлі нөшта пемыд, көть синмад бытшкы.

Наташа оліс ичөтик кагукыскөд гожъян керкаас бать-мамсьыс торйөн. Батьнас кыпөдөм ыджыд керкаас эськө ставныс төрисны, но ныв шуис петны дзоля керкаас, мед ичөтик кагукыскөд не дөсадитны бать-мамсө, ёна нин пөрысь ыджыд мамсө да накод олысь вок семьясө, Настя нылыс өд вокыслөн школаө нин котралө, сылы лөнь колө урокъяссө дасьтыны.

Том нывбаба сөмын на ланьтөдіс писө и лөсьөдіс пызан вылас көлуй гладитны. Ошинь сайын кыліс мужичөй гөлөс, кодкө сөрнитіс керка бокын домалөм понкөд.

— Шань, Лыско, эн пинясь.

Пөрысь пон гөлөссө ёна эз лэдзлы, пукаліс аслас чом дорын и лөня видзөдіс ветлысь-мунысьяс вылө. И өні сійө чөв оліс. Кыпөдліс пельяссө, а сэсся пырис чомъяс: «Мун, вошөм морт, лэдза». Мужичөй гольөдчис өдзөсө. Наташа сюся петіс посводзө, мед локтысьыс эз садьмөд сьөлөмшөрсө.

— Наталь, восьтыв, тайө ме — Паладь Гриш, восьтыв, дитюк. Нывбаба гөгөрвоис: суседыс абу садь, да эз көсйы восьты-

нысö, но локтöм гöсьт эз öвсьы, нöшта на ёнджыка швачкис öдзöсö.

— Но, дугды, кагасö пальöдан! Мый тэныд колö?

Паладь Гриш воськовтис порог вомöн да тiрысь киясöн мыччис нывлы тубрас.

— Мый тайö?— чуймис Наташа.

— Босьт, кык штопысь и вузала. Криста ради босьт.

Нывбаба лёкысь видзöдлiс тубрас вылö.

— Мый тани?

— Дөрöм, видзöдлы,— Паладь Гриш разис вайöмторсö, и нывбабалöн синъяслы воссис дзик выль дөрöм. Сiйöс тöрыт лавкаысь нёобис мужичöйлöн мамыс.

— Мун, убирайтчы син водзысь! Абу яндзим верстыö мужиклы вузасынытö? Мун, эн скöрмöд, колöкö!

Наташа игнасис да пырис керкаас. Матыстчылiс пиыслöн крöвать дорас — Олежка чöскыда узис. Сьöлöмыс гудыртчис скöрысла. Öд вузасысьлöн мамыс, Елизар Паладь, нёобис дөрöмсö медбöръя сьöм вылас.

— Пилöн нимлун, да козин местаö. Мамыдлы öд ас челядыд век ас челядь, медся мусаöсь да донаöсь, кöть кутшöмöсь.

«Гашкö, колiс нёобны вузаланторсö да асывнас нуны Елизар Паладыслы?— мöвпалiс ань.— А тöлкыс, аскомысяс бара новлöдлыны кутас». Ок, ок, ок, уна и шог вайö юöмыд, уна бур мортöс лёк туй вылö кежöдö. А öд коркö Григорий Егорович вöлi пыдди пуктана мортöн. Уджалiс совхозын трактористöн, нажöвитiс уна почёт грамота да аттьöалана письмö, а со тай мыйöдз воис — вузасымöдз. А кымын татшöм вошöм мортыс сиктад?

Войнас Наташалы узьсис зэв лёка. Понъяслöн увтчöмыс пикö воштiс шог мöвпьясö вöйöм аньöс. Олежкасö нёньюдöм да кöтасым рузумсö вежöм бöрын Наташа бара на пуксис крöвать вылас.

— Сьöлөмшөрöй, кагукöй, а кутшöм эськö тэнад олöмыд лоö? Гашкö, мöдысь тадз жö кутан дөрöм-гачтö вузавны, либö ыджыд мортöдз воан да мамтö тшöтш нимöдан? Синъясыд тай со дзик батыдлöн кодь мичаöсь. Батыдлöн кодь... Колö вöтлыны сы йылысь мöвпьяссö. Ог, ог казтывлöй талун батытö. Узь, сьöлөмшөр, Господи Благöслöви Кристос!

Асывнас Наташалöн мамыс, Вась Нина, пыртiс пачысь сöмын на кыскалöм кöвдумъяс. Сiйö пыр и казялiс нылыслысь жугыльмöм чужöмсö да гөгөрвоис: сылы абу узьсьöма.

— Мыйысь нин бара шогсин войбыдсö? Олежкаыд висьö? Войбыд ассыд яндысьтöм пöвтö казтывлiн? Дугды йöйтавнытö. Мунiс и мунiс, мед сöмын бөр оз лок, а то укватнас вачкала.

— Мамö, кöвдумыд чöскыд да,— шуис нылыс сёрнисö вежöм могысь.— Лок пуксьы, чайтö ю.

— Паладь Гришыд пыравлiс жö тэ дорö?— гөгөрвоис нывсö Вась Нина да мöд сёрниö вуджис.

— Пыравлiс, вöтлi ме сiйöс. Öз жö нин юрыс уджав. Мый ме дөрöмнас вöча? Олежка ичöt на, а мукöд мужикуловыс менам абу. Да и Елизар Паладыс жаль.

— Ме эг жö босьт. Ещö пинялi на янöдчöмсьыс, а Настя сувтiс да шуалö: «Пöльöлöн дөрöмыс уна, а папö миян дыр на

оз лок, сэтчөдз дөрөмьд куйлөмысла важмас. Мун да ачыл пасьтав, аслад няйт нин дөрөмьд, тэ кодъ мужик вылад миян кодъ мича аныд оз видзөдлы». Оз жө өд кывйыдла зептас пыр. Бротнитас-шуас и дась. А Дима вокыд төрыт звөнитліс да шуө: «Командировку продлили, вернёмся не знаю когда».

— Ме төрыт пуксьывлі жө писъмө гижны,— висьталіс Наташа.— Орөдчи: кадыс эз ло.

Ошинь улөдыс прөйдитісны Катя, Дималөн гөтырыс, да Настя. Нывка сувтліс на дзормөм Лыско дорас, шылькнитіс юрөдыс да вөтчис мамыс бөрся.

— Катялөн талун «День открытых дверей», войбыд тай дась-тысис велөдчысыслөн бать-мамыскөд сёрни кежлө, а Настялөн линейка. Вот и пыравнысө весиг эз слөймыны,— висьталіс Вась Нина нылыслы.— Меным некор жө тэкөд пукавны, көсья капуста солавны, а батьыд пыжнас ноксьыны вадорө лэччө. Пета сэсса, аттьө, нылук, чайсьыд.

— Аттьө, мамө, көвдумсьыд, ок и чөскыд! Олежка садьмас, да ме вола отсышта мыйөнкө. Тайө өд өні ыджыдджык нин да ворсас ачыс, арөс регыд лоө.

Наташалөн ёкмуніс сьолөмыс. Арөс, сідзкө, сійө во да джын нин эз адзыв Ванясө.

Лун шөр бөрын нин Вась Нинаясө пырыштліс Елизар Паладь. Юаліс, пыравліс-ө пиыс на дорө. Мама-ныла висьтасисны, воліс пө эськө, но пыр на и муніс.

— Ог нин төд, кыдзи өлөдны тайөс юөм-вузасьөмсьыс. Дзикөдз тшыкис. Төрыт жытникө петавлі, да мамөн на кылөм куим джодждөра вошөма. Код төдас, коды иналіс.

— Миянө тай сэки эз воы-а. Миян вылын грек абу,— висьтасис Вась Нина.

— Ме өд нинөм ог шу, некодөс ог мыжав ни, сылысь туй-помсө өні он нин корсь.

— Сідз, дерт,— ышловзис мөдыс.

— Ті тай, видзөда да, капуста меститанныд. Менам кийө некытчө оз судз, пуышта да солышта да инала жө, көнкө.

— А тэрмасьнысө дзик нинөмла, удитан, эн шогсьы. Арыс тай таво зэв кузь, кор на и көдздөдлас. Пола эськө тшыкөмысь, да поводдятө өд он төд, гашкө, оз жө тшык ставыс.

— Тиянлы со тані быдса мужичөй на отсасьө да,— Олежка вылө индөмөн шуис Елизар Паладь. Олежка быттө гөгөрвоис, нюмтөвтис да мыйкө нурбыльтис-шуис сөмын аслыс гөгөрвоана кывйөн.— Дзик тай батьыс кодъ, синъясыс, Ен сыкөд, зэв мичаөсь. Наташа, кывлін? Оляыд да Ваняыд пө, гашкө, бара сиктө локтасны. Оз пө мыйкө ладмы налөн семьякост олөмын.

Вась Нина скөракодъ видзөдліс паськыд вома Елизаровна вылө.

— Миянлы эн висьтав. Адзөмьд сёрни... Наөдз делө абу.

Елизар Паладьлы эз ло лөсьыд ковтөм сёрнисө панөмысь, да удж вылө ыстысьөмөн сійө мөдөдчис гортас.

Вась Нина видзөдліс Наташа вылас да казяліс жугыльмөм чужөмсө. Жаль лои нылыс: өд збыльысь кө Митин гозъя локтасны овны сиктө, сылы лоө зэв сьөкыд, өд век на радейтө Ванясө, өбидасө да лөксө вунөдөмөн радейтө.

— Тырмылас талун кежлө. Аски өд бара на луныс лоө. Миянлысь удж некод оз вөч.

Регыд нин школасыс воис Настя. Сумкасӧ пуктіс и пыр Олежкаӧд ворсны кутіс.

— Лок сёйышт медводз, удитан на ворснытӧ,— чукӧстіс Настяӧс Наташа.

— Кор нӧ удита? Олежка регыд бара водас узыны.

— Оз на, сӧмын на садьмис. Лок сёйышт.

Настя, быттӧ зэв сӧкыд удж вылӧ тэрмасьыс морт, сюся пуксьыліс пызан саяс, нурьясьыштіс да ӧдйӧджык уйкнитіс ичӧтик вок дорас.

— Кӧлуйтӧ веж,— шыасис пӧчыс.

— Но всё, Олежка, опять поиграли, а регыд домашнюю работу колӧ вӧчны,— рочыштіс Настя.

Пӧльыслӧн ва дорыс локтӧм бӧрын нывка вунӧдліс недыр кежлӧ вок йывсьыс. Сійӧ кытшлаліс пӧль гӧгӧрыс да тельгис-юасис:

— Пӧльӧ, а кор тэ менӧ ва дорад босьтлан? Ме кӧсья жӧ пыжад сӧвлыны.

— Виччысьышталы тулысӧдзыс, быдмыштан неуна, и босьтла ва дорад.

— Ура, пӧльӧ менӧ кӧсйис босьтлыны ва дорӧ! Ура, тулыснас! Пӧчӧ, а тулысӧдзыс дыр на?

— Дыр на, ӧні ӧд сӧмын на ар. Лоӧ тӧв, а сэсся вӧлись тулысыд воас.

— Пӧльӧ, тэ бара менӧ ылӧдлін? Тулысӧдзыд ылын на пӧ!

— Мыйла? Эг ылӧдлы. Ме жӧ шуи, быдмыштан тулысӧдзыс, и ветлам.

Настя бара пуксис Олежка дорӧ да кутіс ошйысьны:

— А ме регыд пыжӧ сӧвла, вот.

Ичӧт морт довкнитіс юрнас, но пӧ, и мыччис чойыслы чача.

Рытнас, ужнайтӧм бӧрын, Наташа пиыскӧд мӧдіс гортас. Настя эз на лэдз найӧс, но Олежка тят-тят керис вомнас, узыны пӧ кӧсья, чоюк, аски ворсам.

Настя гӧгӧрвоис воксӧ да шуис:

— Аски волӧй, а меным ӧд аски кежлӧ на дасьтысьны колӧ, математикаыс да анбурыс гортса удж вӧчны.

Газет лыддьыс Миш Митя стрӧга юаліс гӧтырыслыс:

— Нина, кывлін, Митиньяс пӧ бӧр сиктӧ локтӧны?

— Кывлі. Мый сэсся, мед локтӧны, сиктыс абу дзоля, тӧрасны,— кыдзи позьӧ веськодъджыка вочавидзис Вась Нина.

— Тӧрны, дерт, тӧрасны, мед сӧмын Наташалы дзескыд оз ло-а.

— Да тайӧ пӧ сӧмын на сёрни, гашкӧ, и оз на локны,— шыасис Катя.

Сёрнисӧ торкис телепонлӧн триньӧбтӧм шы. Кузь звӧнок серти позис гӧгӧрвоны: звӧнитӧ Дима.

— Папӧ, папӧ звӧнитӧ,— гораа шуис Настя.

Абу нин эськӧ медводдзаыс пиыс командировкаын Чечняын, а Вась Нина век инас оз ӧшйи пиыслӧн звӧнитігас. Сёрнитісны, ставыс пӧ бур. Но талун век жӧ нывбабалы оз нин бура узьсьы. Ваня пӧ сиктӧ локтӧ... Сійӧ эськӧ дзик нинӧмла нин да, но йӧз мортӧ ӧд он вӧтлы. Ок, ло, мый лоас.

Му кынмыштӧм бӧрын Вась Ниналӧн семьяыс шуис ветлыны шойна вылӧ.

— Лымъявтөдзис кайлам рөдительяс дорө. Тулысөдзис сэсся ветлөмыс оз жö ло-а.

Босьтисны и Ниналысь мамсö, Семён Таттянös. Сійö вöлі ёна нин пöрысь да тшöкыда казтывліс: «Колö кайлыны рөдительяс дорö, мед мöдысь кула, да примитасны жö мöдар югыдас». Ичöтик Олежкаös видзны кольчис Катя. Сылы Димаыс кöсйис звöнитлыны, да и прöвериттöм тетрадыс вöлі юр выв тырыс.

Ёна дыр мунны эз и ков. Недыр мысти нин найö воисны местаöдз. Пуксисны Миш Митьлөн бать-мам крестъяс дорас. Наташа весыштис гу вылö петöм да косьмöм нин турун-ёгсö, а сэсся муніс кытшовтны шойнасö. Татчö жö матыстчисны пöвмöд морт, на пöвстын вöлі и Ванялөн мамыс — Анна Николаевна.

Кутшöмкö крест дорö сувтлігөн Настя пыр юасис Наташалысь, коді тайö, ань шуліс гуалöмалысь нимсö, кöть и гөгөрвоис: нывка некодös оз тöд, öд вывті на ичöt. Да, уна морт нин чукöрмöма татчö. Воысь воö шойнаыс ыдждö-паськалö. А том йöзыс мыйта! Ыджыд крест водзö гöснеч кольöм бöрын Наташа мамыскöд нöшта öти пöв кытшовтіс ставсö. Семён Таттян надзöник ветлöдліс жö крестъяс костöд, но сувтлывліс важ да дзик нин муö пырöм сись крестъяс дорö. Сійö дыр юрбитліс, мыйкö быдөнлы висьталіс, кадысь кадö вазьöм син дорсö чыш-калігмоз. Миш Митя кывкöрталіс: мöд во ковмас вежны бать-мамыслысь крестъяссö, легзыны кутöмаös.

— Таттян пöч талун воöма?— шыасис Анна Николаевна.

— Да, вои, код тöдас, верма ог сэсся татчö ас кокөн волыны.

— Ті гортаныд нин мöданныд?

— Да, вель нин важөн волім. Катя Олежкакöд пукалö да му-дзис нин, көнкö,— пырöдчис сёрниас Вась Нина.

— Дыр нин эз ло пыравлöма муса нук дорö,— кайтыштис Анна Николаевна.— Эг на слöймыв, колö эштöдны нин пук-тасъясөн вöдитчöмсö. Слöйма да вола жö. Гожся керкаöй на дасьтитöм. Миян ичмонь гозъяыс мöдöмаös карысь локны, юрныс ньöти оз уджав. Удж эм и быдөн. А тані нö мый кернысö?

Наташа вешйыштис бокö. Ставныс сёрнитöны Ванялөн локтöм йылысь, а сідзкö, сійö и збыль локтас.

— Но мый, лэччамöй. Олежкаös пöра вердны,— чукöстис ань.

Лöня мöдісны гортаныс, сöмын Настя дугдывтöг юасис, коды шойна шöрас та ыджда крестсö пуктöмаös.

Выль во кезлö, дзик Олежкалөн чужан лун водзын, командировкаысь локтіс Дима. Гортсыс ёна нин гажтöмчöм морт пукаліс гортас, удж вылас эз на ветлы. Вась Нина инас эз öшйы, не-кыдзи пи дорсыс вешйыны эз убöлит. Семён Таттян дугдывтöг син дорсö чышкаліс. Миш Митя мöдöд лун нин курыдтор тяпкис.

— Немтор, пиös кöкъямыс тöлысь эг аддзых.

Настя эз и чечыв батыслөн пидзös вывсыс. Ичöтик Олежка чуймаліс дядьыслөн морös вылын öшалысь медальяс вылö. Кадысь кадö пыравлісны сиктсаяс чолöмасыны Димакöд. А Катя кокньыдик бобув моз керкаöдыс лэбаліс да верös дорас бергаліс.

Асывсянныс Дима да Катя мунісны нылыслөн утренник вылö. Неуна сёрөнджык мöдіс и Наташа пиыскöд. Ёлка гөгөр йöктысь кöчильяс да лым чиръяс воисны ичöt мортлы сьölöм вылас, и

сійӧ гажаа чиктыліс на выӧ видзӧдігмоз. Мороз пӧльӧс внучкаыскӧд аддзӧм бӧрын неуна повзыштис, но Пӧльӧн шань гӧлӧсысь бӧр долыдмис, весиг тошсӧ ичӧт кекӧньнас видліс.

Утренник бӧрын, Катя кындзи, ставныс мӧдісны гортаныс. Сиктын вӧлі шума, быдӧн дасьтисис Виль во паныдалігкежлӧ. Кадыс неуна вӧлі на, но ставныс тӕрмасисны.

— Наташ, кызди нӧ аски мужикыслысь чужан лунсӧ пасъям? Арӧс ӧд!— Дима пуксьӧдіс пельпом вылас муса племянниксӧ.— Кужӧма чужны и, дзик виль во водзын.

— Да, кужӧма,— жугыла вочавидзис Наташа.

Ас семьяын пукалыштӧм да Виль во паныдалӧм бӧрын Дима да Катя мӧдісны клубӧ. Наташаӧс нӧдісны жӧ, но сійӧ эз кӧс-йысь.

— Телевизор видзӧдышта, а сӕсса вода. Мунӧй, гажӧдчӧй, меным зӕв-зӕв дыш, энӧ нӧдӧй ни.

— Виль во кузя! Наташ, лок мунам,— дӧзмӧдчис Дима.

— Ме шуи ог, ме ас кадӧ пӧттӧдз нин йӧкті. Да и ог радейт ме клубад ветлыны, тӕ ӧд тӧдан. Ме бурджык Олежкаӧд олышта.

— А колӧкӧ, пӧра водзӧ овны? Не гуавны асьтӧ кызь арӧс-сянь? Тьрмас пукавны гортад, тьрмас виччысьны, кодӧс оз ков.

Наташа петіс ывлаӧ. Синваыс сідзи и вӧзйысис ыльӧбӧн петны, но сійӧ кутчысис став вынсьыс. Дима петіс бӧрсянныс.

— Наташ, прӧстит! Ме, тшук, вывтӧ чорыда шуи. Ме кӧсья, мед тӕ шуда вӧлін, а Ваняыд абу мужик, а трус, тадзи кӧ вӧчис.

— Тьрмас, ме ог скӧрав. Прӧстӧ меным ӧні некод и нинӧм оз ков, ме кӧсья быдтыны Олежкаӧс и овны водзӧ. Ме шуда, збыль, ме быдта муса мортсянь чужтӧм пиӧс... Но сӕ, тьрмас няргыны,— чышкыштис вазьӧм бан бокъяссӧ Наташа.

Бать-мамыскӧд недыр пукыштӧм бӧрын ань петіс гортас. Водтӧдіс кагасӧ, вежсис да водіс жӧ шебрас улӧ, унмыс эз лок. Ӧшинь сайын кылісны ветлысь-мунысьяслӧн гӧлӧсьяс, гораа юргис музыка. Окота лои ырзӧмӧн бӧрдны, ӧд арсянныс, Ваня-лӧн локтӧм йылысь кывлӧм бӧрын, сьӧлӧмас чукӧрмис уна дой. Найӧс коліс лӕдзны ортсӧ сьӧлӧмыс поттӧдз.

Во сайын, писӧ чужтӧм бӧрын, сійӧ тадзи жӧ бӧрдіс забеднӧысла. Ӧти палатаын куйлысь нывбабаяс дорӧ волісны верӧсьясыс, вайисны дзоридзьяс, шуалісны мелі кывъяс, а Наташа дорӧ некод эз воы, ӧд Виль вося шойччан лунъясӧ сиктса автобус эз ветлы. А кытӧнкӧ, дзик матын, карас, олісны Ваня да Оля. Вӧліны шудаӧсь, гажӧдчисны. Сӕсянь ань оз радейт Виль вося гажсӧ, и некутшӧм гаж сійӧс оз долыдмӧд. Радейтана мортыслӧн мунӧм бӧрын сылы унатор лои веськодӧн.

Позьӧ-ӧ вунӧдны мортӧс, кодӧ асья небыдик тӧвру моз меліаліс Наташаӧс, а бӧрынас лӧк скӧрмӧм тӧв ныр моз кисьтис ставсӧ, нымӧн вужнас сьӧлӧмсӧ эз нетшышт. Ань эз кӧсйы казъ-тивны Ванясӧ: доршасис синваыс, а сьӧлӧмыс доймис сӕтшӧма, быттӧ ставыс вӧлі сомын на тӧрыт. Сійӧ эз тӧд, уна-ӧ кад ковмас Ванясӧ вунӧдны. Но, буракӧ, уна узьтӧм вой да курыд синва кисьтны сюрас. Кыдзи вунӧдны мортӧс, кодлысь кагуксӧ новлӧдлін сьӧлӧм улад, кор сьӧлӧмшӧрыд дзик батыс кодъ? «Ок, ок, ок, кызди Ванятӧг овнысӧ, кызди велавны...»

Вывті унаысь Наташаос дойдісны медматысса дона йöзыс. Не сöмын Ваня, но и Оля. Медбур ёртыс анылы чой кодь вöлі, юксис и шогнас и шуднас. А со тай кыдзи лоис: «чойыс» не-тшыштіс олөмсьыс радейтана мортсö, ичөтик Олежкалысь батысö. Но мед, тадзи, сідзкө, Енмыс шулома. Ковмас тадзи овны, нэм колявны. Сиктса олөм ёна эз вежсьы, лунысь лунö, воысь воö ставыс колис важ ногөн. Воис бара и тулыс дзоль-зысь лэбачьясөн, бузгысь шоръясөн, кольмөдіс юрьяс, пузьөдіс сьölөмъяс.

Том мам морөс тырнас апаліс тувсов дурмөдысь көръяссö. Юрас чужис югыд сöстөм мөвп: сійö паныдалас на муслунсö тайö паськыд помтөм муас, сюрас на шудыс. Но и сьölөмыс висис Ваня вöсна. Со и талун Наташа ветлөдіс ловзьём, ве-жөдны заводитөм улич кузя ас кокеньясөн восьлалысь Олеж-какөд.

— Кыкөн талун гуляйтанныд?— шыасис кодкө мышку сай-сянныс. Анна Николаевна, вöлома.

— Да, ывлаыс талун майбыркөд, шондөдөма, колян вежонас ыркыд вöлі-а.

— Льөм дзоридзалігөн век ыркыд. Ёна төлаліс да льөм урожай оз нин ло, став чветсö кисьтіс.

— Кытчö мөдінныд, Анна Николаевна?

— Ме лавкаö лэчча, локтöй, шлапиктыламöй тшөтш мекөд. Олежкалы кампет ньöбышта, гөснеч мясянь ёна оз жö вич-мывлы-а. Öти öд нукус менам, а радейтны да лелькуйтны кад оз судзсьы. Лөк пöч ме.

— Анна Николаевна, öвсьöй. Ми тiянкөд ветлам.

Олежка то ордйыліс сёрнитысь нывбабаясöс, то бөрö кольч-чыліс, чуймөмөн видзөдывліс то öтилаö, то мөдлаö.

Лавкаын вöлі уна йöз, öчередынь сулавны ковмис вель дыр. Ставныс нимкодясисны мича синъяса дзoлюкөн, а вузасьысь Пилип Катялы тайö эз во сьölөм вылас, да сійö тшөкыда скөр-пырысь дзоркнитліс Наташа выlö.

Анна Николаевналөн босьтасигөн век вышитчысь вузасьысь вежис сёрни модасö да зэв меліа шыасис:

— Мый, сваттук, колö? Ньöбась, төрыт на выль төвар ва-йисны.

Олежкалы ыджыд доддя трактор ньöбөм бöрын Пилип Катя бара вежис гөлөссö да гораа шуис:

— Кодлы нö ньöбан чачасö?

— Кыдзи кодлы? Нуклы! Со тай кутшөм жөник.

— Тэныд нуктö Оля да Ваня козыналасны, а Вась Ниналөн нукус тэныд некод. Код төдас, кодлөн на тайö пи,— Наташаысь яндысьтөг крапкис вузасьысь.

Том ань чөв оліс: мед лөксöны, абу кө дыш. Олежка чуй-маліс гора гөлөса нывбаба выlö.

— Локтасны миян да, видлы сöмын мыйкө торкны,— шыасис Пилип Катя Наташа дорö.

— Меным нинөм оз ков тiянсянь ни насянь. Эн полöй, ме ог суйсьы налөн олөмö. Лок, Олежка, петам!

Ань босьтіс ки вылас писö да петіс лавкаысь.

Анна Николаевна видіс сваттасö лөка сёрнитөмысь, а ныв-баба сöмын пыркнитіс юрнас.

— Меным веськодъ! Мед сӧмын Олюкӧй шуда лоӧ. Ваня ӧд тэнад пи, веськодъ тэныд, да?

— А мед кӧть и Наташалы пийӧй лои, тэнад Оляысь нинӧмӧн абу лёк. Став сӧлӧмнас мортсӧ радейтӧ.

— А менам нылӧй оз? Ак, тэ тадзи? Но и мун Наташа дорад.

— Но, сваття,— нывбабалӧн кывйыс эз сюр, мед мыйкӧ шуны, и сийӧ петіс ывлаӧ. Наташа некӧн нин эз тыдав. «Кутшӧм лёка артмис, ковмас ветлыны, прӧща корны»,— мӧвпыштіс Анна Николаевна да довгис туй кузяыс.

Том мамлӧн сӧлӧмын бара ловзисны кытӧнкӧ пыдын узысьс дойясыс, и сылӧн гӧрддзасис горшыс. Гортас воигӧн гуляйтысь-яслы паныд петіс Настя.

— Наташа ичинь, локтінныд? А ме тӧянӧс важӧн нин виччыся. Пӧчӧ сэтшӧм мича дзоридзьяс клумба вылӧ кӧдзӧ, локтӧй ветламӧй. Ок, и мича лоӧ миян йӧрным!

Дзоридзьясӧн ноксигӧн Наташалӧн вуніс став шогыс да дойыс, а войнас узьсис зэв бура, Олежкаыс ёнасӧ эз дӧсадит ни.

Сиктыс вочасӧн ловзис. Гожӧм кежлӧ пӧль-пӧч орданыс воисны внук-внучкаясыс, чужанінсьыс бокын олысь челядьыс. Лун и вой пуис олӧм. Град йӧрын уджыс эз помасьлы, быдӧн мыйӧнкӧ ноксис. Челядь асывсянныс вошласисны ва дорын, нимкодясисны шоныд ваын шполькӧдчӧмӧн. Рытсаян асъядорӧдз вӧлі томъяслӧн кад. Том йӧзыд тай век ӧткодьӧсь, сідз жӧ радейтӧны, колльӧдчӧны, олӧны шуд вылӧ лачаӧн.

Наташа лунтыр ноксис йӧрас, оз кокаліс да лук му вывсьыс ёг нетшкис. Олежка тані жӧ ноксис, перйыліс муысь дзоньнас луксӧ да мыччывліс мамыслы, тані пӧ мый ыджда ёг кольӧмыд.

Рытнас Дима, Катя да Наташа лэччисны вадорӧ. Шонді пуксигӧн ю пӧлӧныс ӧзйивліс сэтшӧм сӧлӧм вӧрзӧдана мичӧн — пукав да нимкодьясь. Наташа вешйыштіс неуна бокӧджык, мед шуда гозъялы позис аслыныс пукыштны. Сийӧ дыр видзӧдіс лӧня визувтысь ва вылӧ. Шполькӧдчисны черияс, мӧдар берегса вӧрын дзользисны лэбачьяс, кӧкис кӧк. Наташа кӧсйис юавны лэбачлысь, уна-ӧ во колис овнысӧ, но сийӧ лӧнис. Аньлысь мӧвпьяссӧ торкис кодлӧнкӧ горзӧмыс. Наташа казяліс пӧдысь мортӧс, виччысьтӧмысла весиг кывворыс вошис. Сийӧ котӧртіс Дима дорӧ, петкӧдліс кинас пӧдысьлань. Мужичӧй суныштіс ваӧ, сюся воӧдчис вӧйысь дорӧ да надзӧникӧн кыскис сийӧс береглань. Повзӧм нывбабаяс сулалісны пидзӧсӧдзыс ваын да мыйкӧ шуалісны вом горулас. Берегӧдзыс воӧм бӧрын мездмӧм морт шлапкысис лыа вылӧ да сӧкыда лолыштіс, повзӧмысла кутіс тіравны став тушанас. Дима тапкӧдыштіс сылы пельпомас.

— Ставыс нин бӧрын. Бурась...

— А-а-аттӧ тӧянлы! Не кӧ ті, ме...

Тайӧ вӧлі дзик тӧдтӧм морт. Гожӧм кежлӧ сиктӧ воӧма, буракӧ.

— Сёма,— мыччис кисӧ мужичӧй.

— Дима. Тайӧ со менам гӧтырӧй — Катя. А тайӧ мортыслы ті торъя аттӧ висьталӧй: не кӧ чойӧй, ме эськӧ эг и кывлы горзӧмнытӧ.

Сёма видзӧдліс Наташа вылӧ да неуна гӧрдӧдыштіс: «Сэтшӧм мича ныв водзын нымӧн абу вӧйсьӧма. Юр яндзим».

— Аттьö тiянлы! Ме öд талун медводдзаысь тiян юын купайтчи, местаяссö ог тöд.

— Нинöм, тi дзик джумъяс пырöмныд. А мыйла öтнаныд сiдзкö, он кö тöдöй местаяссö?

— Ме сиктö эг волы дас арöссиянь, карын олi, а öнi со шуи локны сиктö. Пöдтö менö карыс, а сиктын ме ас морт, ас местаын. Бабöй — Öлеш Вера. Тöданныд, кöнкö — кувсис. А керкаыс дзонь и гажайнын сулалö...

— Миян танi йöзыс шаньöсь. Чайта, тiян ставыс артмас.

Наташа мунiс. Катя сүöдiс жö сийöс, и найö мöдiсны гортланьыс, а Дима да Сёма дыр на варовитiсны ва дорын.

Наташа ёна полiс Олякöд да Ванякöд паныдасьöмысь, но кор аддзысис накöд, гөгөрвоис: дойыс абу нин сэтшöм ён, кöдзавсьöма Ванюш дорас. Олöмад и тадзи овлö. Сылы веськодь, мый нывтёртыс дойдлiс, веськодь налөн олöм вылас. Наташалөн эм Олежка,сылөн шудыс и гажыс,сылөн олöмыс. Карса гозъя быд паныдасигөн чолöмасисны анькöд, а Наташа кöдзыда вочавидзлiс «чолöм» да мунлiс водзö, быттö шулiс: «Нинöм йылысь меным тiянкöд сёрнитны, скöрмöй кöть энöй». Ваня пыр тшöкыдджыка шыбитывлiс Олежка вылö жугыль видзöдлассö: окота вöлi дзигöддыны ассьыс виртусьсö, но полöмыс эз лэдз.

Олежка лунысь лунö быдмис да сюсьмис, а Наташалөн юрас чужис уна югыд мöвп, водзö вылö уна кöсийöм. Сьölöм дойыс дзикöдз вошис, и аньлы лой зэв кокни. Виль мөвпгясөн ышмöм Наташа лэччылiс карö да сетiс велöдчöм вылö документъяс. Тöдiс: лоö сьöкыд, öд школа бöрын унатор нин вунöма. Но ань эскис аслыс. Сöмын öтиторйысь полiс — сессия кадö пиукыскöд янсöдчылöмысь.

Вась Нина вöлi зэв шуда нылыслөн татшöма вежсьöмысь, öд сьölöмыс ёна нин висис сы вöсна. Ачыс томөн вöлi и бура тöдö, кыдзи овсьö муса морттöгыд да радейтчытöгыд. Сийö гусьөн кевмысьлiс ен ув пельöсö сувтöмөн, мед нылыслы паныдасяс бур морт, мед кутас радейтны и пыдди пуктыны, мед лоö Олежкалы бур батöн. Мам сьölöмыд тай век висьö челядь вöснаыд, кöть и быдмöмаöсь важөн.

— Мамö, ставыс миян бур лоö, эн шогсьы,— шулывлiс мамыслы Наташа.— Велöдча медводз, а водзö видзöдлам. Тэ сöмын Олежкаöс менсьым видз.

— Видзам, дерт, öтка внуктö. Настя невестапу нин. Катя да Дима на отсыштасны и... Мун да велöдчы, олöмад синмыд восьсаджык лоö. Дыр нин виччыси «ловзьöмтö». Аддзи öд Ваня пондаыд шогсьöмтö.

— Да, мамö, ме шогси и чайтi: сьölöмöй некор оз бурд. Но кадыс и збыль бурдöдö: ме вунöдi Ваняöс, и сьölöмöй воссис виль олöмлы.

— Ванясьыд öд кагатö оз жö позь дзеблавны. Ачыл, колöкö, сайлась, а пиыдлы бать колö.

— Ми ог и дзеблалöй. Кöсийö кö, мед воывлö, мед ворсöны да гулайтöны, ме ог кут. Но чайта да, сийö оз и кöсий. Гашкö, Олясьыс полö. Ачыс тöдö: меным сысянь нинöм оз ков.

Вась Нина нюм сорөн юалiс:

— Збыль вунöдiн или асьтö ылöдлан, сьölöмтö лөньюдан?

— Збыль, мамук, вунöдi.

Наташа пыр тшӧкыджыка кутіс паныдасылыны Ванякӧд. Мужичӧй панийліс аньӧс, лӧня видзӧдіс сы вылӧ да куритчис, но нинӧм эз шу.

— Мыйкӧ висьталан кӧ, висьтав, а он кӧ, мун гортад. Тӧнӧ ӧд, кӧнкӧ, виччысьӧны.

Наташа и збыль мудзис Ваняысь. Муслун кусӧм бӧрад нинӧм нин он бергӧд, нинӧм он веж. Ныв поліс йӧз сёрниысь, ичӧт сиктад сійӧ ӧдйӧ паськалӧ.>Addзылас кӧ кодкӧ, содталӧмӧн на висьталас.

— Ваня, некор сӧсся ме дорӧ эн матыстчы. Ме ог кӧсйы, мед тэ понда менӧ став сиктӧн омӧльтісны да гудралісны. Мун Оля дорад, коркӧ тай мунін ме йылысь мӧвпыштлытӧг. Пиыд дорӧ верман волыны и гуляйтны и ворсны, но лок гӧтырыдкӧд либӧ мамыдкӧд. Ӧтнадтӧ ог лӧдз.

Ваня лӧня бергӧдчис да муніс. Сійӧ гӧгӧрвоис: на костын нинӧм нин абу кольӧма, ыджыд кост да кӧдзыд сӧмын.

Ар помын Наташа муніс медводдза сессия вылӧ, колис кык вежон кежлӧ муса писӧ. Найӧ медводдзаысь янсӧдчисны дыр кежлӧ, и том мамлӧн доймис сӧлӧмыс. Автобусӧн карӧ лӧччигӧн сы дорӧ пуксис Оля. Важся нывӧёртыясы эз сюр некутшӧм сёрни, и найӧ чӧла пукалісны, корсюрӧ ӧта-мӧд вылас видзӧдлӧмӧн.

Наташалы тӧд вылас усис Оляӧн мӧдӧдлӧм мича откыртка вылын гижӧм корӧм: «Корам вит час рытын кӧлысь гажӧдчӧм вылӧ! Лоӧ зӧв нимкодъ, волан кӧ! Оля и Ваня». Уна-уна сӧд мӧвп юрас воліс, окота вӧлі мунны да юрсисӧ нетшкыны, либӧ мича еджыд платтӧ вылас сӧян тыра тасьтӧ гугӧдны, но кыдзкӧ кутчысис лӧк вӧчӧмсьыс. А ӧні сійӧ видзӧдӧ важся нывӧёрт вылас и кылӧ: ставыс нин вунӧма да прӧститӧма. Наташа вӧтліс юрсьыс лӧк мӧвпъяссӧ да нюмдіс: водзын сійӧс виччысьӧ кар, велӧдчӧм да выль ӧртъяс.

Сиктын олӧмыс эз жӧ сулав. Дима да Сӧма бура ӧртасисны и Вась Ниналы Сӧма лои дзик пи кодӧн, но медся ӧна сійӧс радейтис Олежка. Мужичӧйкӧд ворсігӧн ичӧт зонка вунӧдліс дзик ставсӧ. Корсюрӧ воывліс и Паладь Гриш мыйкӧ вузыштны. Сюсь кывъя Настя век янӧдліс юысь мужичӧйӧс. Наташалы карын олан кадыс кажитчис дзик помтӧмӧн, кӧть и звӧнитывліс гортас быд рыт, войясыс тшӧкыда кольісны синва сорӧн. Ӧти жырийын олысь нывъясыс нӧдывлісны аньӧс гуляйтыштны, но сылы эз гуляйтсы, пи йылысь мӧвпъясыс жугӧдісны сӧлӧмсӧ. Кыдзкӧ тай колины жӧ лунъясыс. И со Наташа сиктса автобус сувтланінын нин. Вась Нина да Настя юасисны экзаменъяс йылысь.

— Кык четьре да кык пять босьтӧ. Эн нинӧм юасьӧй, висьталӧй, кыдзи пиукӧй олӧ.

— Ставыс бур. Сылӧн выль ӧрт лои, и найӧ ладмӧны.

— Кутшӧм ӧрт?

— Сӧма,— гажаа висьталіс Вась Нина.

— Сӧма? Кодӧс тай Димаыд гожӧмнас вӧйӧмсьыд мездіс?

— Да, сійӧ. Детинаыдлы, тыдалӧ, батъджык колӧ. А мӧдыслы пӧра жӧ нин семейтчыны, вот и олӧны-курӧны. Висьтав сӧсся ачыд, кыдзи карад олін?

— Гажӧй быри ставсьыныд сӧлӧм майышtmӧн! Гортӧ воам, ставсӧ висьтала.

Вась Нина казяліс Настялысь жугыльтчөм чужөмсө.

— Мый нө, Настюш, лоин? Бөрдан али мый?

— Ог,— гөрддзасьөм горшөн вочавидзис нывка.

— Кыдзи нө он, бөрдан нин да?

Настя и збыль горасьыс гораа бөрддзис.

— Но, мый лоин?

— Ме, ме, ме сэтшө-ө-м ёна виччыси Наташа ичинь-ө-с, а сійө мен-ө-ө весиг эз дзигөдды, а-а-а-а...

Наташа пуктіс сумкасө муас.

— Дитяй, прөстит, кагук, и збыль вунөді дзигөддыны. Лок ёна-ёна дзигөдла, гортө воам да мича-мича акань сета. Карса козин, ок мича.

— Збыль?

— Збыль, дерт. Эн сэсся бөрд, лок сюся гортад мунам.

Настя радпырысь мөдіс гортас.

Сэні Наташаөс виччысисны батыс, Дима да Катя. Тані жө вөлі и Сёма. Ань нюжөдіс кисө Олежкалань — пиыс паськы-да нюмуніс, нюжөдчыліс мамланьыс, но Сёмалөн киясысь эз чеччы.

— Кагук, тэ тай мөд мамөс нин корсьөмыд,— нормис Наташалөн сьөлөмыс.

— Мамтө некод на оз вунөд, эн шогсьы,— такөдіс сійөс кага видзысь.

Рытыс колис зэв кыпыда. Аньлөн вөлі зэв уна висьталантор. Миш Митя гажмыштіс да водз водіс, а Настенька сизимөд вөт нин видзөдіс ассьыс выль аканьсө дзигөдөмөн. Пызан сайын коины Вась Нина, Сёма да Наташа. Найө дыр на пукалісны да сёрнитісны эмсө и абусө. Вой шөр бөрас нин разөдчисны гортаныс. Наташа колис Олежкасө мамысьясө, мед унсө не торкны. Сёмакод петіс ывлаө, бурвоясис да көсйис нин пырны гортас.

— Наташа, тэ эн скөрмы ме вылө Олежкасьыд. Ачым эг төдды, кыдзи мусмис меным тэнад пиыд.

— А ме ог скөрав. Радейтан кө, и бур, ме нинөм ог шу, ёртасьой,— бөръя кывсө шуигөн нывлөн петіс серамыс.

— А гашкө, гуляйтыштам недыр,— збоймис да шуис Сёма.

— Позьө эськө,— эз пыксьы ныв,— но ме туй бөрсьыд ёна мудзи, шойччыштны көсья.

— Да, ме и вунөді. Пыр, шойччы. Бур вой.

Мужичөй көсйис нин мунны, но бара сувтіс.

— А аски?

— Аски? Аски петавам,— вильыша шуис ань да пырис керкаас.

Сёма ичөтик зонка моз, кодлы сетөмаөсь ки тыр кампет, долыда мөдіс гортас. Наташалөн ыпъяліс жө сьөлөмыс, быттьө сійө медводдзаысь мунас зонкод вөлөсьтө.

Рытнас ань бергалыштіс рөмпөштан водзын, краситчис-баситчис. Видзөдліс ас вылас, и нюмыс петіс. Вунөма нин, кутшөм мича сійө. Гортсаясыс пыр и казялісны Наташалысь вежсьөмсө да югъялысь синъяссө.

— Мөдін кытчөкө?

— Да ветла, гуляйтышта, кагаөс кө видзанныд.

— Видзам эськө да, мун нин өдйөджык.

- Но, кутшӧм ме?— ань бергӧдчыліс Катялань чужӧмӧн.
- Ок, кутшӧм тэ мича! Дзик невеста кодъ!
- Аттьӧ, ме котӧрта.

Наташа да Сёма гуляйтисны сиктса улич кузя, волісны уна сикас сёрниӧ, и кыкнанныслы чайтсис, мый найӧ тӧдсаӧсь уна-уна во. Сиктса том йӧз шӧйтисны жӧ уличьяс кузя. Паныдасьлісны найӧ и гортланыс юрсӧ лэдзӧмӧн восьлалыс Ванякӧд.

Сёма да Наташа коллялісны кадсӧ асьядорӧдзыс. Колльӧд-чигӧн шуисны аддзысьлыны аски рытнас, а янсӧдчынысӧ некыдзи эз вермыны: вывті крепыд ён кӧвъясӧн йитіс найӧс тайӧ войыс.

Лунтыр сапкис лым,
муыс вевттьысис
сӧстӧм лымйӧн,
сэтшӧм жӧ сӧстӧмӧн,
кутшӧм и колян войӧ
ыпнитӧм муслун.





Мария ОСТАПОВА

Дона Дневник

В И С Ъ Т

Некор эг чайтлы, мый олόμεс вермө вежсьыны өти здукөн... Некедз ог вермы мынтөдчыны став нййтсьыс — быттё лясөма вир-яйö и оз мын. Некемын час нин сулала душ улын... Нирта телöс, а нййтс оз быр. Вескыда кө шуны, и вирöй менам öнi быттё абу кисьмөм öмидз рөма, а руд, мисьтөм руд... Ме тöда, мый öдва нин уджалысь сiсьмысь сёлөмöй оз на регыд дугды тiпкыны, öд Тэ шуин меным, мый тайö сöмын медводдза тшупöд. Кымын тшупöд нöшта лоö — Тэ эн висьтав, тшöктiн сöмын чöла виччысьны.

Кöсья казътыштны мыйкö буртор, но юрö нинөм югыдыс оз пыр, бергалöны сöмын гажтөм мөвпъяс. Юрöй висьö, окота кык киөн босьтны да шар моз лязöдны — ог вермы терпитны дойсö. Кöсья бöрддзыны — öдва петiс кык гырысь сьöд тусь. Ме эг повзы — Тэ шулiн, мый тайö менö виччысьö. Сöмын мыйысь?

Сьöкыда петi душись да ньöжйöника мöдöдчи крöвать дорö. Сейны ог вермы да ог и кöсйы. Ме виччыся, кор Тэ локтан да сёрнитыштан мекöд. Тайö кадсö ёна виччыся — сöмын Тэ менö радейтан, и ме тайöс тöда.

Локтiс асыв, пошкөмөн чеччи крöватысь и видзöдлi рөм-пöштанö — быд асыв тайöс вöча. Да, ме бара казялi вежсьöмъяс — неуна пöрысьми, чужöмöй косьмис. Но меным лои кокньыдджык, öд Тэ шулiн, вежсьöмъясыс пö петкöдлöны бур-дöдчöм. Ньюдыштi ас кежысь, босьтi шкапысь тетрадь, пукси пызан сайö да заводитi ньöжйöника гижны:

«22.10.2010

9:01

Дона Дневник! Видза олан!

Талун войнас бара сёрнитi Енкöд. Сийö шуис, мый тöдö: меным сьöкыд. Сийö чайтö: ме регыд, кыдзи сийö шуö, «бурда», мöд ногөн кө, веськала мöд олөмö. Но меным зэв сьöкыд виччысьны тайö кадсö. Юрöй висьö! Зэв омöль сёлөм вылын, став телöй юкалö! Öшинь пыр аддза, кыдзи йöзыс котралöны, рад-

лөны, гуляйтөны, йөктөны, сьылөны-олөны! Ме ёна шогся, мый ог вермы тайөс тшөтш вөчны. А ме сідз жө көсья, ме ёна көсья, дона Дневник... Енмыс шуө, тэ пө мөд олөмас кутан вермыны вөчны сійөс, мый көсьян! И ме сылы эска... Талун войнас, кор ме дорө сійө локылас, юала, мыйысь меным тайө ставыс...»

«23.10.2010

6:23

Дона Дневник! Бур асыв!

Төдан мый? Енмыс вочавидзис меным, оз позь пө татшөм-торсө юавны. Нөшта сійө шуис, тэ пө абу өтнад, тэ кодъыс зэв уна! И ставөн ми регыд веськалам Сэтчө. И содтіс на, оз пө ков некод вылө скөрмыны, оз позь вежөгтыны, өд ме уна йөзысь регыд бурджыка кута овны. Сьөкыд висьөмыс сетөма ме кодъяслы, медым ми бурдөдчим, веськалім мөд, мича олөмө — райө! Дона Дневник, Енмыс висьталіс, мый тайө мирас став лёкыс чукөртчөма и сөмын миян эм позянлун веськавны югыдінө. Но медым сэтчө веськавны, сійө мөдөдіс миянлы, кыз шуөны тані, му вылас, «висьөм». А Енмыс шуө, тайө пө абу висьөм, а медводдза тшупөдыс куим писъыс. Куимнан тшупөд бөрас и веськалам райө.

Ме чайта, дона Дневник, мый Енсө колө кывзыны, меным колө нөшта ещө виччысьыштны — и тайө ставыс помассяс».

«23.10.2010

16:34

Дона Дневник!

Бара гижыштны көсья. Талун менам бара зэв ёна висис юр, чайті, потас! Куим лун нин эг сөй, нинөм оз пыр вомө. Юрсійө киссьө, гыжъяс вижөдісны да чегъясьөны. Коді өні ме?

Талун ме көсийи казъывны ёртъясөс, но эг вермы. А гашкө, найө эз и вөвны? Мыйла ме дорө некод оз воы, некод оз пырав? Ме весиг ог помнит, кызди ме олі висьмытөдзыс. Юала войнас Енмыслысь. Сійө меным висьталас, ме төда, сійө өд бур. Оз ков сөмын вунөдны».

«25.10.2010

12:14

Дона Дневник!

Төрыт эг гиж, сы вөсна мый зэв лёк вөлі меным. Чайті, локтіс пом тайө тшупөдыслы. Вөлөмкө, эз на. Ог и төд, дырө вися, кымын арөс меным. Ог помнит, кызди висьмытөдзыс олі. Ёти буртор эм, мый верма на мөвпавны. Код төдас, гашкө, и тайөс регыд ог кут вермыны вөчны...

Дона Дневник, Енмыс висьталіс меным, мый водзті ме олі зэв бура, менам вөліны мам-бать, ёртъяс, весиг мусук! А ме найөс ог и помнит... Көсийи эськө төдны, кутшөмөн олөмөй вөлі, некымынысь нин заводитлі вөрзьөдны кольөм кадсө, но юрөй зэв ёна висьмыліс! Сэтшөм сьөкыд меным, дона Дневник. Сөмын тэкөд верма сёрнитыштны, висьталыштны та йылысь. Дерт, тэ менө он и жалитышт, а өд мукөддырйиыс сэтшөма көсийысьсө, медым кодкө малыштис юрөс, топөдыштис сьөлөм

бердас, окыштіс плешкӧс. Ме дзик ӧтнам коли... Енмыс шуис, кор ме висьми, некод ӧртӧяс пиысь эз весиг и думышт ме йылысь, а мам-бать эновтісны менӧ. Ог тӧд... Вермас-ӧ тадзи збыль вылас лоны? Но видзӧдлыны кӧ бура — сідзи и эм. Некодлы ме эг кут ковны. Да, бур, мый ме найӧс ог помнит... Ӗні ставӧн найӧ, пӧди, гажӧдчӧны, а ме тані ньӧжйӧника кула... Кор нин??? Кор?! Ог нин вермы тадзи овнысӧ, юрӧй сэтшӧма висьӧ!!!

Овлӧ кад, кор ме думайта, мый ставыс тайӧ бур вылӧ. Регыд райын кута овны. Енмыс ӧд оз пӧрӧясь».

«26.10.2010

7:59

Дона Дневник! Видза олан!

Талун меным бурджык, юр оз ӧна вись, неуна клӧнгыштӧ — и сӧмын. Тавой ме вӧтаси интереснӧйтор, чайта, мый тайӧ абу сӧмын вӧт, а кутшӧмкӧ юр.

Ме вӧталі мамаӧс! Ме стӧча тӧда, мый тайӧ менам мама. Сійӧ зэв мича, нямъялысь, еджыд паськӧма. Но чужӧмсӧ ог помнит, тӧда — мича.

Мама мыйкӧ висьталіс меным, но немтор эг гӧгӧрво, ни ӧти кыв. Сійӧ видзӧдіс ме вылӧ, босьтіс менсьым ки да заводитіс мекӧд тӧдтӧм кыв вылын сӧрнитны. Вӧтас ме сылысь став кывъяссӧ гӧгӧрвои. А садьмӧм бӧрын немтор ог помнит! Мый тайӧ? Войнас Енмыслысь колӧ юавны».

«27.10.2010

8:35

Дона Дневник!

Енмыс висьталіс, тэныд пӧ лоис омӧльджык маматӧ казъ-тылӧмысь. Сійӧ нӧшта шуис, кӧсья кӧ пӧ ме бурдны, оз позь весиг мӧвпавны кольӧм олӧм йывсьыс. Мыйла — эз висьтав. Енмыс, веськыда кӧ шуны, вӧлі неуна скӧр. Сійӧ, пӧди, мудзӧ жӧ йӧзсӧ бурдӧдны, пырӧдчыны налӧн олӧмӧ, отсавны налы. Ме сійӧс гӧгӧрвоа.

Дона Дневник, тэ менам медся бур ӧрт! Аттьӧ тэныд, мый пыр менӧ кывзан и некор он дивит. Тайӧ висьӧмыс вӧчас менӧ енмӧн, ме тӧда. И ме лӧа дзик мӧд мортӧн, кута овны дзик мӧд мирын. Колӧ сӧмын виччысьыштны».

«5.11.2010

15:48

Дона Дневник!

Дыр эг гиж, сы вӧсна мый весиг крӧвать вывсьыс эг вермы чеччыны — ставыс висис, и сэтшӧм лӧк вӧлі меным — кӧсйысис куньны синмӧс да кувны. Татшӧм кӧ бурдӧдчӧмыс медводдза тшупӧдас — кутшӧмӧсь инӧ мӧдас? А коймӧдас? Весиг думыштны пола!

Мамаӧс эг нин вӧтавлы. Вӧтавлі сӧмын сьӧд енӧж. Став тайӧ войясӧ ӧти и сійӧ жӧ тор. Енмыс эз жӧ волы ме дорӧ. Ог и тӧд, мыйла. Сьӧлӧмӧй висьӧ...

Дона Дневник, мый меным вӧчны? Кызди мынтӧдчыны тайӧ дойсьыс?»

«6.11.2010

18:24

Дона Дневник!

Тавой ме бара вөталі мамаос. Кутшөм сійө мича!

Мама висьталіс меным мыйкө дыркодь, но бара жө эг ме сійөс гөгөрво. Сійө видзөдіс ме вылө, быттьө мыйкө зэв коланатор көсйө вөлі висьтаваны. Но ог ме гөгөрво сылысь сёрнисө! Зэв шуштөм меным. Юрөй висьө! Кор тайө помассяс!?»

«7.11.2010

14:56

Дона Дневник!

Со мый лоис тайө войнас. Мамаос вөтаси, сійө босьтіс менсьым киос да пунктис сэтчө кабалатор. Нюмйыштіс, мыйкө шуыштіс да вошис. Асывнас, кор садьми, видзөда — кийн збыльысь куйлө кабалаторйыс. Восьті сійөс, да со мый сәні вөлі гижөма:

«Нылукой! Зарнийө! Ме төда, мый тэкөд лоис, төда, висян өна, төда, сьөкыд тэныд. Сөмын лыдды письмөсө.

Тэ збыльысь өна висьмин, батыдкөд эгө төдөй, мыйөн отсавны тэныд. Мөвпалім лун и рыт, мыйысь тэныд тайө, мыйысь миянлы тайө?

Тэ миянкөд дугдін сёрнитны, пышйин гортысь, корсим тэнө — но эгө аддзөй. Думайтім, мустөм тэныд вөлі миянкөд.

Сэсся коркө войнас воліс ме дорө андел. Сійө шуис, мый Енмыс сійөс мөдөдіс. Анделыс, бур Анделыс висьталіс, Омөльыс пө тэнө пөрийөдлө, көсйө тэнсьыд ловтө гусявны! А висьталө тэныд, Ен пө сійө! Эн сетчы сылы, донаөй! Оз буртор сійө тэныд си, көсйө том виртө юыштны. Анделъясыс оз вермыны тэныд висьтаваны тайөс, Омөльыс оз лэдз. Найө висьталісны, мый эм өти туй, медым аддзысьлыны тэкөд да сёрнитыштны — тэнад вөтъясад пырны. Ме эг дыр мөвпав да кори Енмыслысь отсөг... Куни синмөс да некор сэсся ог вермы восьтны найөс бөр. Ме кулі, зарнийө менам! Ола өні небесаас, тані, дерт, лөсьыдджык. Но сьөлөмөй век вөлі висьө, өд тэныд колө ставсө висьтаваны, некымынысь, төдан, локылі тэ ордө, но тэ немтор эн гөгөрво. Омөльыс эз сет. Енмыс өна отсаліс, медым ми тэкөд аддзысим, уна вын сетіс, медым Омөльыс эз мешайт миянлы. Аттьө сылы.

Эн эскы сылы, мусаөй! Тэ верман на мынтөдчыны сылөн лөк вынысь, колө сөмын мөвпавны буртор йылысь да юрбитны пыр. Эн вунөд. Ме көсъя видзөдны тэ вылө небесаянныс да радлыны тэныд!»

Дона Дневник, ме өні немтор ог гөгөрво. Коді Енмыс, а коді Омөльыс... Юрөй висьмис! Куйлыштны колө...»

«11.11.2010

13:45

Дона Дневник!

Сэтшөма юрөй висис тайө лунъясө, мый немтор эг вермы вөчны, кувны сөмын колис — мөвпалі тадзи. Кор мукөд-дырйиыс юрөй палявліс, юрбитны заводитлі, кызд мама шуліс,

но өдйö бара висьöмыс топöдлiс — да немтор эг вермы вöчны...
Ог вермы тадз овнысö!

Тавой волiс ме дорö Енмыс ли Омöльыс... Мама кывъяс
ногөн кö, Омöльыс. Сiйö висьталiс, мый ме вуджи мöд тшупöдö,
да сы вöсна ме вöтася татшöмторсö — кöсйö пö видзöдлыны,
ёна-ö ме вына. Сiйö нöшта шуис, тайö пö регыд помассяс, ко-
лö виччысьыштны, оз ков эскыны вöтъяслы.

Дона Дневник! Ме ог тöд, мый меным вöчны, кызди овны,
кодi збыль вылас сiйö меным буртор. Гашкö, мамаöс мöдöдiсны
вöтъясö, медым видзöдлыны, кутшöм ме вына... Кöсйöны ви-
дзöдлыны, мый збыльысь меным эм местаыс райын... А гашкö,
сiйö, кодöс ме чайтi Енмөн, збыль вылас — Омöль, кызд вись-
талiс мама? Кодлы эскыны?!

Дона Дневник, юр висьöмыс мöд тшупöдö вуджöм бöрын эз
дугды, бытъö ёнджыка, выль ногөн заводитiс висьны. Сьöкыд
тадзисö...»

«17.11.2010

8:15

Дона Дневник!

Талун ме гижа медбöръяысь. Аттьö тэныд. Ме верма тайöс
вöчны. Неуна пола, но висьöмыс, пöръясьöмыс да мöвпъясöй —
кодi бур, а кодi омöль — оз сетны овны... Кодлы эскыны?
Юрöй потö и бергалö! Синмöй висьö.

Но ме верма!»

Ме пунктi ручка, видзöдлi öшиньö. Вöли югыд, кöть и рыт
нин. Вöлöмкö, усьöма лым. Кöсйыссьö петны ывла вылö да
сулалыштны. Лэптыны юрöс, видзöдны енэжас и аддзыны,
кызди еджыд чиркъяс лэбалöны...

Но меным некор вöли видзöдны на вылö. Ме ставсö верма!
Чеччи, юр ёна бергалö, стенас кутчысьöмөн мунi кухняö. Босьтi
пурт. Кöть мый ме йылысь мöвпалöй — мый ме слаб либö жö
ён, меным колö виччысьыштны либö кадыс збыльысь нин
воис... Сöмын ог вермы, кор висьöмыс менö ньöжйöника начкö,
кор бурсö да омöльсö оз позь торйöдны, кор öтнам...

Ме сатшки пуртсö сьöлöмö; помнита сöмын, мый кутiс кис-
сьыны кисьмöм öмидз рöма вир...



Миян календарь

1984 воӧ, стӧч кызь вит во сайын, Лӧмъюын муніс том гижысьяслӧн семинар. Сэні и кылі медводдзаысь Галина Васильевна Бутыревалысь нимсӧ. Удораса морт, аслыспӧлӧс сёрни. А медся чуймӧдісны кывбурьясыс: рифматӧм, быттьӧ и стӧч размертӧм, но аслысног шыалысь гижӧдъяс. Тима Вень бӧрын дыр кад чӧж миян некоді эз шыасьлы тайӧ форма дінас.

Бӧръя воясӧ Галина Васильевналӧн петіс некымын сборник, а менам вежӧрӧ коли медводдза аддзысьлӧмсьыс:

*Мамӧ шуис:
«Ен тікӧд...»
И пыжным,
сир кодъ тэрыб да векни,
исковтіс кильчӧ пос вывсянь
ойдӧм гуг-карта бокті...
И ми батьӧкӧд
веськӧдім пыжнымӧс юлань...
И згук кежлӧ асъя чӧв-лӧняс
меным кажитчис,
мый эз пыжным миян кывт,
а кывтісны ми бокті
амбаръяс да пывсянъяс,
да Патрак Анэйлӧн керкаыс...
Тшӧтш ставнас
шондіа енӧлаыс и...
Неважӧн на гудыр да яр
тувсовъя ваыс
дышеника сӧлькӧдчис пыж ныр улын.
Ва пыдӧсас петкӧдчылісны
быдяматоръясыс...*

И чужис юалӧм — мый аддзӧ Галина Васильевна вояс пырыс, кадыслӧн пыжын кывтігӧн? Тадзи артмис дона кывъясысь тэчӧм лов кывкуд.

Евгений Валериан.

Галина БУТЫРЕВА

Лов кывкуд

Дзолядыр

Мый и эм сэтшӧмыс
миян челядьдырас,—
нэм чӧж кӧ
нинӧм оз лэдз вунӧдны...
Быттьӧ пемыд арся войын
ылын-ылын
сотчӧ бипур,
кыскӧ ас дорас,
корӧ волыны,
пестыны бисӧ...

Та понда и косалан, тыдало, бөрлань, дзолядырö. И бергалöны син водзад сёлöмтö шонтысь серпасъяс: ыджыд ва... ыджыд пыж и ичöтик нывка — мый вынсьыс вермасьö тувсов ваыскöд, сынö кытчöкö... А со — керка вевт вылын нин,— кызкö тай кавшасьöма. Чöv усьöма. Быттö кутшöмкö ыджыд мöвп мöвпалö... А со — Артекин, море дорын — медводдзаысь гортсянь сэтшöм ылö веськалöма. Видзöдö тöлыся енэжас и весиг сыркмунлö: а öд тайö тöлысь вылас тайö жö здукас вермасны и ай-мамыс синсö чöвтлыны, ылын-ылын лымъя войвылын...

И, гашкö, буретш сэк медводдзаысь менам мöвпыштсис: «А öд му-матиыс абу помтöг ыджыд...»

Мам. Бать.

Меным на йылысь сёкыд висьтавы торйөн. И ичöтдырйи, и бöрынджык, миян быттö век некор — пуксьывны ай-мамкöд син-син, кывзыны налысь мойдöм-висьталöмсö, медкö нэм чöж видзны юрын и сёлöмын. Та понда и этша тöдам на йылысь... Ок, эськö, вöліны кö найö öнi ловъяöсь!.. Но том дырйиыд миян олöмыс кажитчö помтöм-дортöмөн... А мамлы вöлі сöмын ветымын кык, кор сійö кувсис... Ме öдва-öдва на удитi помавыны пединститут, и уджалыштыны школаын: öти во Чубын, мöд во — Ёртомаын... А бать кулі нöшта на водзджык (сійö дас куим воөн вöлі нэмаджык мам серти). И мый меным медся жаль,— матö ветымын во нин. Эг удит ме висьтавы налы ловъя дырйиныс весиг ни öти аттьöалана кыв, мый чужтисны, быдтисны-тутисны, велöдисны...

Ай-мамлөн олöмыс лои дженьыдөн. Сёкыда уджалісны сплав вылын, вöрын, вöвъясөн груз кыскалігөн, тöлын и гожöмын... Но öтитор вöсна нимкодъ — налы уси шуд радейтны öта-мöдсö, пыдди пуктыны. И мыйён вермисны отсасисны и ас рöднялы, и суседъяслы... Кодлы няньён, кодлы пызьён... Кыкнанныссö радейтисны менам челядьдырся ёртъясöй. Вера Алексеевна Павлекова (Филиппова) быд аддзысьлігөн казтылö, кызд *Вась дядь* сылы воыскöд киноö деньга сетлывлöма... Ме тöда, эз сöмын налы... Ачыс бать, позьö шуны öнiя ног,— киноман вöлі. Лунтыр уджалö, мудзас, но кöть быд рыт кинотö видзöдас. Весиг аслас места вöлі клубас. Пуксяс, видзöдыштас и регыд мысти мудзöм мортыд и шкоркнитас-унмовсяс. Ме гортын юася, бур-ö киноыс вöлі — гежöда помöдзыс висьта-



ліс... Весиг кулан лунас киноо вöлі мөдөдчө, эз удит. Сьөлөмыс дугдiс уджавны...

Сөмын талун ме гөгөрвои,
мыйла сэтшөма бөрдi-вийси,
кор кувсис батьö:
аслам челядь сьөлөм-сямнам
ме тай сэки сiдз чайтi,—
мый батьö таладорас
вöлі сөмын өтнас
мена да мамөлөн ангел-хранительнас...
И ме повзи.
Но и мөдар югыдсяныс
батьö век отсасис
и отсасьö на меным,
мамөкөд нин тшөтш...
Ме тай öнi сiдз чайта.

Гожөм

Войсь воö... төлыс пыр быттьö кузьджык и кузьджык, а тулыссö он и казавлы мукөддырйиыс, каттысяс-исковтас да... А, гашкө, кадыс кутiс топавны? Сийөн и гожөмыс нин — көч бөж кузя. А коркө вöлі гожөмбыд ю дорын, васьыс он и петав...

Гожөм... сийö и неумын во дорыв — туруна удж. Гортсян кызь километр сайын. Медводдза видз вылын медводдза покось-яс... Рытнас нутшкысян-унмовсян мудзөмыдла, быттьö сырк-мунан... Öнi кө — ме эськө эг вермы тадзтö уджавны. Асывбыд ытшкысьны, лунтыр турунсö бергөдлыны-косьтыны, куртны-кыскавны сабри дорö, пажынөн Римма Пахонинакөд став бригадасö на вердны, а сы бöрын бара видзьяс вылö — шондi лэччытөдз... Кор зэрмылас — сөмын сэки и вежлан ловтö... Дас куим, дас нель, дас вит, дас квайт арöса ныв-зон — кызь, а мукөддырйиыс и унджык лун вөр керкаын... Кымын сабри сулавлiс Мыдмөс кузя коркө, а öнi кывтан катыдсян кывтыд-өдз — ни öти абу...

Му

Колö эськө сетны вöля ичөт челядьлы ветлыны-котравны көмтөг. Ме, гашкө, неважөн на гөгөрвои, мый буретш кок пыдöсяснад медводз кылан-гөгөрвоан, мый сийö ас чужан муыс...

Водз тулыснас, йи кылавтөдз, ми век котралiм ю берегөд көмтөг. Виччысям йиыслысь потласьöмсö, водам му вылас, да кывзам, оз-ö нин потлась... Гашкө, көнкө катыдас вөрзис нин?! Му пырыс йи вөрзёмыс кылö — ме тöда тайöс ичөгысян...

Мыйлакö тулысьяснас ме зэв ёна радейтлi петавны öшинь улö — пуксян сылөм-косьмөм му вылас, топөдчан керка бердас — шоньд... А көмтөм кокъяснад быттьö сибдылан кос му бердас. Да быттьö мыйкө кывзысян — му пытшкөсса олөмсö?..

Важөн, мыйлакö сөмын гортын, сөмын Табъяг вылö кайигөн, ме казавлi, кутшөм кокниа, кутшөм кыпыда восьлавсьö пода туй кузяыс. Ме гортын! — быттьö став вирад ворсö-юргö кутшөмкө шылад...

Став вир-яйнам өтчүд ме кылі тайö шыладсö Нывсер ю дорын, кытчö ми кутім воливлыны быд гожöм (со нин регыд дас во), и ме гөгөрвои, мый и тайö муыс меным удитіс лоны зэв асөн... А ме чайтлі, мый татшөмторйыс лоны оз вермы. Но лои. И меным нимкодъ. Ас жö öд муыс, Коми му...

Ва

Медводдза тувсовъя войтъяс. Ытва. Ыджыд ва. Зэр. Гожся зэр... Ю. Ва туй...

Кор пуксян пыжö,
йотшкысян йиринö,
пондан кывтны ли катны,
кутчысь Ва Визяс,—
и косінö кө веськалан,
корсь Ва Визь,
юыслөн сөмын öти Ва Визь.
Велöдчы Юыслысь.

Би

Ломтысьысь пач... Бипур... Арся съöd вой шöрын, пыж нырын пöнар би — и ю пыдöсас лёль черилөн — съöмгалөн мыгöрыс... Бать метитчö айдласөн... И лэптö айдлассö бөр — черитöм... Уф! Слава богу!.. Абу инмöма. И бипур... И ломтысьысь пач. Век.

Керка

Ме зэв дыр некыз эг вермы гөгөрвоны, мый понда став йöзсö миян странаын век вöлі йöрталöны öти вевтувса оланінö? Весиг сиктъясын?! Öні на сулалöны öткымынлаын кык судтаа барак сяма пу керкаяс. Весиг миян ичöтик Йöртымдін сиктын эм сэтшöмыс... Но сиктса йöз öдйö казялісны, мыйөн торъялö баракын олöмыс ас керкаын олöмысь...

Некор ог вунöд сійö здуксö, кор ми петім овны ас керкаö: ай-мам воисны Йöртымдінö Көджысь,— сэтчö коли ыджыдсьыс-ыджыд выльөн панöм, но помавтöм керка (эськö вевт улö воштöма жö вöлі). Заводитчис война, и став мужичöйыс сиктъясысь мунісны тышкасьны фашистъяскöд. Бать мөдлöма жö, но сійöс бөр косöдöмны — слаб сьölöм понда. Сэк сійöс и ыстасны Йöртымдінö, вөр участокын уджалысьяслы отсöг вылö. И патераясын олыштöм бöрын бать шуас кольччыны Йöртымдінö и война помасьöм бöрас — панас выль керка...

И öні на быттö син водзын тайö серпасъясыс: пуръяссö ыджыд ваыс вайис дзик керка лэптанінöдзыс; коркö ытва бöрынтьчис, и косьмöм керъяссö медводз колö вöлі вольны, бöрынджык тшупны сруб... Öттшöтш кирпич вöчны ковмис,— став уджсö сьökыд весиг лыддьöдлыны... Ме на школаö ветлöдлі-ö, ог и помнит нин. Но и меным уджыс вичмыліс кутшöм-сюрö...

Коркӧ-некоркӧ воис кад, и ми Сень Педя Анэй баб ордысь петім ас керкаӧ... Некор ог вунӧд тайӧ здуксӧ,— пукси краситӧм на джоджӧ и доля: «Збыль тайӧ миян, ас керка?!» И сэксянь ме стӧча тӧда, мый быд мортлы колӧ овны ас керкаын!

Сэтшӧм жаль, мый сӧвет власьт дырйи эз сетны йӧзыслы вӧля стрӧитчыны бур ногӧн — эськӧ ӧні дачаяс пыдди сулалісны-зымвидзисны каръяс гӧгӧр кык, а гашкӧ, и куйм судта керкаясысь микрорайонъяс... Кыдзи Прибалтикаын. Найӧ тай вермӧмны сёрнитчыны... Кымынкӧ йӧйтӧдлісны жӧ бур войтырсӧ... Ӑні эськӧ и позьӧ стрӧитчыны, а йӧзыс оз вермыны. Унджыкыслӧн абу татшӧм позянлуныс. Сэтшӧм жаль...



Пу

Сень Педя Анэйлӧн ӧшинь улас, кӧн некымын во ми олім ай-мамкӧд, выль керкаӧ петтӧдз, быдмис ыджыд, пашкыр, некымын вожъя льӧм пу. Дзоридзавны кутас — синтӧ он вермы вештыны. Нӧшта ӧти радейтана льӧм пу коли сиктсайса видз шӧрын — тшӧкыда жӧ воывлі сы дорӧ. Льӧм пулӧн кыз чальяссыс вӧлі артмӧма пуклӧс кодъ дзебсясянін, кавшасян сэтчӧ,— позьӧ кӧть узьны водны, он усь... И нӧшта пыр на казътыла ӧти пу — Вашкалӧн мег сайын быдмисны некымын пожӧм, и на пиысь ӧти вӧлі сэтшӧм кыз, мый весиг чальяссыс вӧліны томиник пуяс кызта... И весиг ичӧтик нывкалы вӧлі зэв кокни на вывті кавшасьны-кайны матӧ пу йылӧдзыс, пуксьыны ув вылӧ, да ӧд видзӧдны матігӧгӧрса видзяс вылӧ, чужан сикт вылӧ... Гашкӧ, та понда ме и радейта ӧні лэбавны ичӧт самолётъяс да вертолётъяс вылын — ставыс улын тыдалӧ, быттӧ ки пыдӧс вылын...

А Семен Турунаын быдмӧ дзонь вӧр ді... Студенталігӧн ми вермим кӧ — нажӧвитчылім. Коркӧ ӧтчид лесхозсаяскӧд весиг вӧр садитім... Ме волі сэтчӧ некымын во мысти — пожӧмыс нин вӧлі ас судтаӧ. А ӧні, кӧнкӧ, дзик нин збыль вӧр шувгӧ. Миян, Римма Пахонинакӧд садитӧм вӧр. Колӧ на эськӧ коркӧ бара ветлыны, видзӧдлыны...

Чери

Сідз артмис, мый ме пырджык век вӧлі батькӧд — и чери кыйигӧн тшӧтш. Тывъясям. Ме — берег пӧлӧн, а бать — пыжын. Сьӧлӧм шонтана казътылӧмъяс... Гашкӧ, та понда и кыс-

кө менө ю дорө, спиннингөн чери кыйсьом, а бөръя кадө и вугыршатыөн куті вөдитчыны тшөтш... Спиннинг вылө колө вывті уна вын: и киясад, и кокъясад... А вын-эбөсыд тай оз сод. Но верма шуны стөча, мый медся сьолөмө мөрччысь кыйсьом — спиннингөн кыйсьом, а медся бур чери вольной светас — сьомга. И мича, и ён, и верман кө коркө кыйны көть өти лёль чери, позьё шуны, сы бөрын некутшөм мөд пөлөс чери кыйөм некор нин оз вермы ойдөдны сьолөмтө сэтшөм жө радлунөн, сэтшөм жө нимкодълунөн. Вөлі менам олөмын өти сьомга. Лоо-ө мөд? Ог төд.

Лэбач

Висьталөны, мый став фаунаас сөмын лэбач медся ёна өт-дортчө мортысь. А ме казътыла Тобыш ю кузя кывтөм: гөгөр-бок тундра, быдмөны сөмын лажмыдіник кызъяс да бадъясь... Сувтім шойччыштыны, лэччим байдаркаясысь. Видзөда, а бадъяс костас лэбалөны кутшөмкө лэбачъяс. Сы мында! Ичөтикөсь-ичөтикөсь!.. И ньөти оз повны локтөм йөзысь. Нюжөді киөс и ки пыдөсө пуксис өти лэбач, сэсся лэбзис, а сэк жө бара мөд лэбач пуксис меным ки пыдөсө... Кутшөм здукъясь!..

А өтчыд М.Г.Прима козьналіс меным попугайөс. Глаша нимыс вөлі. Ичөтик, збой, нинөмысь оз пов. Кытчөсюрө пырөдчас — коркө штэн да картина костө усьөма, дыр-ө сэн ковмис коньөрүшкалы овны, ог төд — асывнас вөлі муна удж вылө, сөмын рытнас нин бөр воа. Мездөм бөрын дыркодь лөня оліс, а сэсся бара кутіс вильшасъны. Сёян-юан, а сійө дорся, чеччалө, кокасё...

Өтчыд ветлі командировкаө, гашкө, лун нель-вит чөж. Ме төгйө М.Филатова вөлі видзөдө-дөзьөритө Глашаөс. Вои сёр рытын. Сөмын на би өзті — Глаша лэбө нин, уськөдчө мелань. Пуксис пельпом вылө и кутіс видчыны! Котөртас шуйга пельпом вылысь веськыд вылас, дугдывтөг пинясьө: көн пө тэ та дырасө ветлін-шөйтін? Сэсся, тыдалө, сылы кажитчис, мый пинясьөмыс-видчөмыс меным эз мөрччы, кутіс пельясөс курччыштавны... Ковмис чышъянасьны... И серамыд петө, и чуймөмпырысь мөвпалан: татшөм ичөт юраыслөн татшөм уна сям сэтчө төрө. Дзик морт моз скөралө...

Коркө Глаша нырсө сүйөма марля да форточка рама кост-тіыс, да лэбөма ывла вылө... Мэ сэк төкөтьө эг бөрд,— сэтшөм ичөт сійө, а ывлаыс сэтшөм паськыд, да и зэрмис на, и гымавны пондіс, чардавны... Сідз и вошис менам лэбачыд. И өні на сэтшөм жаль! Но, гашкө, кодлыкө бур йөзлы киө веськалі...

Морт

Быд лун,
чужан лунсянь чужан лунөдз,
век на
виччыся Мортөс.
Ас Мортөс.

Уна бур морт тэслі олігчөжөн: и ай-мам вөліны бурсьыс-бурөсь, и нывъёртъясöй — школаын, и институтын, и уджалі-гөн,— быдлаын гөгөртисны бур войтыр. И аттьö налы ставныслы став бурсьыс. Но медкө вөлі дорся дзик ас морт, быттьö öти вира морт — эз тай вичмы. И нинөм он вөч. Кыздз шуöма Енмыслөн, сідз и лоö. И век жö мукөддырийыс чайтсьö, быттьö мыйöнкö тэ ачылд мыжа.

Вижöдыштöм нин,
важъя фотография вылын —
ме ачым,
вит ара нывка:
гажтöма видзöдö сійö ме вылö,
талунъя вылö,
быттьöкö ме мыйöнкö мыжа
сы водзын,
быттьöкö ылöдöма сійöс лои,
кольöма-шыбитöма важъя важас,
быттьöкö ме эг сылысь оломсö ов,
тайö ичöтик, еджыд юра нывкаыслысь...
А кодлысь нö эськö?

Ёрт

Верма-ö ме шуны ачым ачымöс ёртөн кодлыкö? И мый сійö ёртыс? Коді ставсö шыбитас, уськөдчас вöчны — отсасьны мөд мортлы, нинөм виччысьтöм, нинөмөн вештысьтöм?..

Коркö том дырйи ме сэтшöмөн и вөлі. А коли кадколаст, и ме куті быттьö лыддысьöмөнджык овны: мыйла нö ме ставсö, и көть кор — быдтор дась вöчны аслам ёртъяслы, а найö мукöдыс мукөддырйи, весиг висигөн, оз кежавны тэ дорö, весиг больничаян куйлігөн... Ме, дерт, и ачым ог кор, ог радейт висигөн кодөскö корны... Но! И со татчö сибді. Ачым ог тöд, колö-ö кодөскö мөдöс мыйыськö мыждыны. Быдөн ёртасигөн сетас мында вермас. Но, слава богу, эм морт кык, гашкö, кодъяс воысь воö оз öтдортчыны, а пыр быттьö лоöны асджыкөн, матысаөнджык. И таысь налы муөдз аттьö!..

Кыв

Гижи «аттьö» и мөвпала, гашкö, колö вөлі гижны «муөдз аття», муөдз копытчыла, мөд ногөн кө...

Меным ичöтысянь вөлі зэв нимкодъ уджавны кывкөд. И коми, и роч кывкөд. Школаö пыртөдз на ме велөдчи лыддысьны и гижны. Ог нин тöд кодлы, мөдöдалі письмөяс, кык кыв вылын. Тадз вөлі век. И öнөдз тадз. И ме верма шуны, мый тайö ыджыд шудлун — тöдны кутшöмкö мөд кыв, пырöдчыны сы отсөгөн мукöд культураясö. А бөръя каднас ме куті мукöд кывъя гижысьяссö вуджөдны коми вылö — и, гашкö, тайö уджнас содтыштыны ассъыным культуралысь озырлунсö.

И көсья шуны сійö ай-мамыслы, коді полö велөдны челядьсö ас чужан кывнас вөдитчыны: Канадаса да мукöд странаясса учёнойяс öні тöдмалöмны, мый кык кыв вылын сёрнитысь морт

дырджык олө, озджык сэтшөм өдйө пöрысьмы, сылөн юрве-
жöрыс кольö ясыдөн уна кузьджык кадколаст на серти, кодъяс
тöдöны сöмын öти кыв. И медся нин кык кыв тöдöмыс отсалö
кольны дырджык дзоньвидзаөн налы, кодъяс кыкнан кывнас
вöдитчöны быд лун! Сидз шусяна «билингвизм» йылысь бöръя
кадас кутисны сёрнитны пыр тшöкыджыка буретш Канадаын
сы понда, мый сэн олысь войтырыс сёрнитöны, ми моз жö, кык
кыв вылын: французскöй да английскöй кывъяс вылын. И ме
чайта, мый тайö проблемасö туялöмыс петкöдлас збыльтор:
кык кывйөн сёрнитысь мортöс позьö шуны потенциальнö
дзоньвидзаджык мортөн. Сöмын, гашкö, колö бурджыка тöдны
кывъяссö и бурджыка кужны сёрнитны кыкнан кыв вылас...
Роч кывйö менö пыртис школа. А ай-мам — чужан кывйö. И
ме век аттьöала ай-мамöс, мый верма сёрнитны и гижны аслам
чужан кыв вылын.

Книга

Зэв тшöкыда казътыла Йöртымдiнын олöмсьыс — библиоте-
каö ветлывлöм. Ичöтик, пелькиник керка, а сы мында книга
вöли сэтчö тöрöма... И век сэн вöли шоньд и югьд. Пуксян,
листалан кыз небöгъяс, альбомъяс. Гортад на оз сетны татшöмъ-
яссö...

Квайтöд классöдз, гашкö, лыдди мойдъяс. Коркö библиоте-
карша, Серафима Ивановна, и шуö: тэ нин öд ыджыд, гашкö,
тырмас мойдъястö лыддъыны... Меным лои яндзим мыйлакö.
Ме босьтi да матö сизим том дорся М.Горькийлысь лыдди...

Аслам библиотечка заводитчис матö ветымын во сайын нин.
Районса конкурсын медбур кывбур вылö мöд места шедöдöмысь
сетисны дас гөгöр небöг: А.Фадеевöс, И.Тургеневöс, Л.Тол-
стойöс... Весиг Шолом Алейхем вöли. Кажитчис. А кор 2002



воын вöлі Нью-Йоркын, Мирса роч прессалöн конгресс вылын, ме сэн паныдасьлі Ш.Алейхемлöн внучкаыскöд, висьталі челядьдырся козин йылысь...

Öні менам гортса библиотекаын абу нин уна книгаыс. Воысь воö оз сод, а чинö. Ме куті разöдавны небöгъяссö сиктса библиотекаысö, гимназиясö да с.в. Медкö колины медся радейтанаысыс, да найö, кодъяс ковмывлöны на талунъя удж вылын: словарьяс, кывбура небöгъяс — сэн и коми, и роч, и мукöд кывъя гижысьяс... Художественнöй прозаысь медся радейтанаон коркö вöліны Паустовский, Гофман да мукöдъяс. Неважөн лыдди Гончаровлысь «Обрыв» роман — кутшöм мича сылөн роч кылыс! А институтын велöдчигөн ме тайöс эг на гөгөрво... Талунъя гижысьяс пöвстын медся радейтанаысыс: Астафьев, Распутин да мукöдъяс. Коми литератураын менам медвылын... Г.Юшков, И.Торопов да Тима Вень.

Кад

Ме нин гижлі, мый том дырйи медся ёна век виччыси туйыс воöm, позьö шуны — челядьдырсянь на... Öні меным матыссаджык ар. Арын ме чужлі. Тыдалö, кадыс бөр бергöдчис — сэтчö, көн ставыс заводитчыліс.

Кодкö зэв бура шулöма: сöмын на гөгөрвои, кутшöм лöсьыд овнысö, а колö нин мунны...

Туй

Некодi абу
туй индыс:
бöрйöм,
а гашкö, бöрйывтöм,
талявлытöм ордым
восьлала, вуджа
Олöм.

Туй — медся бур велöдысь. Медводдза туй вöлі Артекö. Сымындатор öнöдз йиджöма юрö и сьöлöмö. Сы бöрын и подөн, и самолётөн, и поездөн, и вöла доддьөн, и пароходөн, и пыжөн лой вуджöма матö некымын дас тысяча километр.

Медся кузь туйыс мыйлакö бөръя кадö — гортö. Бать-мам кувсьöм бöрын пыр кузьджык и кузьджык...

Енкöла

Ен — кöла, ен оланін? Сэтчö ми ыстылам ассьыным медся пöсь кевмöмъяснымöс... Сэн, ми чайтам, миян кувсьöм аймам, пöль-пöч... Та понда.

Ме пыр вöлі кора
Ыджыд Енлысь
сöмын öтитор,
век öтитор,
и важөн, и талун:

мед сетас
сõмын дзоньвидзалун,—
мед ме дырджык на верма
нимкодясны шоныд гожõмнас,
и сõдз арнас, и водз тулыснас,
и турõба тõвнас...
Мед!..
А мый эськõ и полам ми
кувнысõ?
Мõдар югыдсыс тай
некодї на абу бергõдчылõма,
некодї на абу висьтасьлõма,
мый сэтõн лёкджык...
А ми полам.

Снимокъяс вылын:

1. Маша Павлова, Галина Бутырева да мамыс, В.А.Бутырева. 1964 во.
 2. Галина Бутырева, Иван Попов, Нина Куратова.
 3. Г.Бутырева, З.Генералова, А.Терюков (Санкт-Петербург, 2008 во).
- Снимокъясыс Г.Бутыревалõн гортса архивысь..*



Чолõмалам Галина Васильевнаõс
тшупõда пасõн!

Мед Тїян кипод улын и водзõ чужасны виль кывбуръяс да
озырмõдасны литературанымõс, долыдмõдасны миянõс —
лыддъысьысьясõс.

Кузь нэм да бур шуд, Галина Васильевна!





*Попов Андрей Гельевич чужис 1959
вося сентябр 25 лунö Воркута карын.
Помалис Сыктывкарсa государствен-
ной университет. Йöзöдчылис «Наш
современник», «Север», «Арт», «Арион»,
«Мир Севера», «Войвыв кодзув», «Кре-
щатик» (Германия), «Московский вест-
ник» да мукöд журналгьясын. Лэдзис
кывбургьяса некымын асиör сборник.*

*«Литературная Россия» газетлön
лауреат, 1996 восянь Россияса гижысь-
яслön Котырын.*

*Чолöмалам Андрей Гельевичöс 50
арöс тыртöмön! Суам кузь нэм да
бур шуг!*

Андрей ПОПОВ

Менам кийн вöлі öти ньöв

* * *

Сы дыра и пессис лов —
Ва воча да ва бөр!
Тырмас велöдны.
Оз ков,
Кор нин мортыс абу.

Му да енэж,
Горйын би,
Асылыс да войыс —
Радлы, ов! Но тайöс ми
Войт эг гөгөрвой.

Помтöм туй
Да помтöм вен...
Зэлаlöма кадыс.
Кык лов костын — быттьö стен,
Весиг шог эз матыст.

Сэтчöдз воштылн — көть лый!
Лöсявтöм...
Ас вирöй.
Кывбур шöпкöдны ли мый
Енкöлалön йирö?

Оз-ө андел — югыд борд —
Волы тэнад ылысь,
Оз-ө тэ лов шыён ворд
Олом-радлун йылысь.

* * *

Лов ни вөр-ва — весьшөрö став могыс.
Восьтны Нагай лэбачлысь эз ков
Зарни кудсö —
Петіс сымда ёгыс,
Сöstом русö чужтысьыс эз коль.

Кöдзöм-вундöм — весьшөрö став ногыс.
Тыртöм тасьтi пыдöс гурскö пань.
...Кодрасьны сідз велалім, мый шогыс
Лои гаж и пöтöс вайысь нянь.

Вежа кывсö пежалім быд ногыс...
Юася, да Енмыс ланьтiс чöv.
Пияныд пö — ньövъяс!
Медся лёкыс —
Менам кийн вöлі öти ньöv.

* * *

Шогтö кöть кор — весиг ёрт эз ло —
Да ськöд и колляв кад.
Яндысьтöм син!— водка кисьт да лов
Восьты дай ло сылы рад.

Думъястö висьтав да нинöм эн дзеб,
Олöмтö мыччöд — быд кöдж.
Мед öтувъя вольпась и öтувъя зеп,
И вöтъясад лэдзин мед тшöтш.

Дай мöдас на дольны, кытчöдз он быр:
«Енмыд öд абу ли эм,
А мекöд со челядыд — дзик керка тыр,
И кывбуртö гижалан мем».

* * *

Поэтъяс асьсö донъялöны кор,
И кок ув вутшкыс чайтсьö налы рöчөн.
Но гижасны кö — ладмö шөр и дор,
Быд шуом кывйөн веськалöны стöча.
А пöръясöмнад кывбурыд оз чуж...

И шуöма кö лоны мен поэтөн —
Ов нöшта нэм джын,
Сöмын овныд куж,
Мед бөрнас райö сибöдісны сэтөн.

А сьöлöм дойыд лöняс!— шуа тэд.
И быдса нэм джын
Эм на миян
Водзын
И шог
И гажсö öтвыв юкны мед,
Да оланін
Да енэж шöрын кодзув.

Мед сöмын нэм джын,
Эм на миян кад
И шондiыскöд сёрнитны,
И Енкöд.
И овны сэтчöдз —
Ачыд он ло рад.

И тэысь водзджык ковмас кувны
Мен кö,
Ме дінö попöс муна лунö кор.
Мед тэрмасьö!
Жаль, оз ло орччөн пиным.
И висьтасьöмöс помöдз шöпка кор,
Син куня,
И ог садьмыв нин, Марина.

А лолöй мöдас артавны быд сод,
Мед коркö судзны енэжвывса сарство.

...Тэ дöзмин?
Ладнö, бергöдчам —
Вот-вот
Тэ сьöлöм дойтö вунöдан.
Вай вод,
Мед отсаласны
Кевмöм да лекарство.

И кывбуръяс...
Эн серав,
Шуа тэд,
Мый кывйыд сійö ассьыс уджсö вöчö.
Мед ичöтика — век жö ме поэт,
И шуа ылöсас, да мыйкö-й збыльмö стöча.

* * *

Миян челядьлы
Абу тырмымöн миянсянь шоныдыс
Найö корсьöны шоныдсö
Телевизорысь
Ярьюгыд витринаясысь
Ворсан автоматъясысь
Енмöй!
Мыйла ми сэтшöм вынтöмöсь?

* * *

Асныра пий видлө ассьыс борд
Да косьё кутны пессьыс тэрыб кадсö.
И артала ме — мыйся сийö морт,
Мый тадзи зильö вежны олөм ладсö.

И артала ме — мыйся тайö нэм,
Көн ачым мырдөн сорөн зия овны.
Көн медся матыс мортсö, кодi эм
Му вылас, сэтшөм сьöкыд гөгөрвоны.

И артала ме — мыйся эськö морт
Ме ачым, кодыр вежортны ог косьы
Ни пиös, кодi видлө ассьыс борд,
Ни кадсö...
Не кö ме ног— пыр и öзъя.

Көдзалөм грездъяс

«Соловкиö батюшкоös.
Вот!
Ен дiнас сэн матынджык и лоö...»
Кывкорталiс тадзи грездса скод
Первомайлы воча
Тöдса воö.

Вичко йылас шыбитiсны гез,
Увлань юрөн —
Жынняныс и крестыс!
Югьд срубсьыс чинталiсны пес,
Юкисны,
И гажъялiс став грездыс.

Батюшколы морт сэки эз эскы...
— Мый нö вöчад!— лөвтiс синва сор.
Вöйпöдöмсö пöдтiс гудöк гор.

Олыштiсны недыр юкөм пескөн.
...Вежорнысö воштөм грездъяс весьтын
Тшын оз петав
Код тöдас нин кор.

Комиöдiс Евгений Козлов.

❖ ❖ ❖

Николай ЛОБАНОВ



Рёштво рыт

ӨТИ ЮКӨНА ВОРСАНТОР

ВОРСЫСЬЯС:

ГЛАША — керкаса кёзьяка, 50 арёса.

МАКАР — тешкодь морт, 55 арёса.

МАРЬЯ — Глашалён пөдруга, 40 сайё, 50 бердө.

ӨСЬКА — Марьялөн верёс, 50 сайё.

ЁГОР — рытъя гөсьт, сідз жё ар 50.

ОЛЬГА — лавкаын вузасьсы, 40 гөгөр арёса.

Глашалён керкаын. Рыт. Глаша сёрнитчөма нывбабаяскөд гадайтчыны, виччысьё найёс, дасьтө пызан. Но ставыс торксьё — медводз локтёны мужичёйяс. И мый артмө? Өти рытө и пинясьём, и ладмөдчөм.

ГЛАША (*ноксьё пачводзас, кадысь кагө видзөдглө өшиньё. Пызан вылас дасьтөма пөжалөм нянь, ельдөг да мыйскюрө нөшта. Аслыс моз*). Мый оз локны? Оз убөлитны паччөрнысö кольны? Сёрнитчим квайт час кежлө, а сизим нин... (*Кост*). Пемыд талун... Тыдалө, оз нин локны. Недыр нөшта виччыся, сэсся вода.

Кодкө гольөдчө.

ГЛАША (*гажаа*). Коді нө сэні? Пырөй, пырөй, эг на игнась. Марья, тэ али мый?

Пырө Макар.

МАКАР. Кутшөм Марья? Тайө ме, Макар. Он али мый аддзы?

ГЛАША (*гөзмыштөмөн*). Мися, кодөс нө лешакыс вайө бара...

МАКАР. Но и кодзыд талун! Ки и кок кынмис. У-у-у!.. (*Зырало кияссө*.) Бур рыт, Глаша! Позьё тэ дорө? Юрө воис, мися, вай Глаша ёрт дорө петавла, өти стөкан тшай көть юам, а эм кө, и курыдтортө позьё. Абу кө жаль быттё.

ГЛАША (*гораа*). Пыр, локтін кө, пыр. (*Аслыс ныр улас.*) Курыдтортөг олан.

МАКАР. Мый ныр улад броткан? Али абу долыд менө адзыны?

ГЛАША. Ме тай шуа: тшайтө кисьта, пуом тусь вая, а курыдторйыд менам абу. Пөрччысь, матыстчы пызан саяс.

МАКАР (*пөрччысь, матыстчө пызан горө*). Глаша, кодөскө виччысян? Пызан тай лосьөдөмыд.

ГЛАША. Тэныд нө мый?

МАКАР. Да нинөм. Сідз тай юалі.

ГЛАША. Абу-ө талун войнас Рөштво?

МАКАР. Но и кыз юр ме! Дзик вуні. Глаша, Рөштвоөн тэнө!

ГЛАША (*веськодя*). Тэнө тшөтш Рөштвоөн.

МАКАР. Аттьө. Тшайтө кисьт өти стөкан, юа шонтысигмоз.

ГЛАША. Виччысьлы. Пуктыла выльысь пуөдны. Ачым неважөн на эськө юи, да көдзаліс, көнкө.

Глаша саялө.

МАКАР. Ага... Ветлігмозыс видзөдла, гашкө, көнкө эм сайөдөм курыдторйыс. Оз-ө кока румка кисьт.

ГЛАША (*ноксянінсяньыс*). Регыд пуас, пось на самөварыс.

МАКАР. Мед пуө ачыс, лок пукыштам, сёрнитыштам.

Глаша матыстчө пызан дорө, пуксьө Макары воча.

МАКАР. Ме өтнам гортын пукалі, да мыйкө гажтөм лои. Вай, мися, Глаша дорө петавла, сёрнитыштам өттор-мөдтор йылысь. И төдан, мый юрө воис?

ГЛАША. Мый нө? Бара кутшөмкө омөльтор?

МАКАР. Эз но. Тэ, Глаша, казъывлан он, кор ми томось вөлім?

ГЛАША. Ме мыйкө эг гөгөрво.

МАКАР. Ме шуа, усьлө оз дум вылад томдырся кадным, кор ми тэкөд гуляйтлім?

ГЛАША. Но и мый?

МАКАР. Вот сы йылысь и казъышті.

ГЛАША. А! Со тэ мый йылысь... Бара ылысянь сёрни панан. Öні гөгөрвои... Вай, шу, өтлаасям, кыкөнтө гажаджык лоө. Сідз?

МАКАР. А мый? Ме омөль мужик али мый? Киястөм да кокъястөм? Нинөм вөчны ог вермы?

ГЛАША. Мыйла омөль? Абу! И кияса, и кокъяса, но өш моз юан. Сюрлө кө — бокө он кисьт.

МАКАР. Но, овлө, овлө сэтшөмторйыд, нинөм ог шу.

ГЛАША. А тэ ачыд бура төдан, мый понда ме торйөдчи мөд верөскөд. Тшөтш юысь вөлі. Воддза верөсөй висьөм понда куліс, коньөр, а мөдыс — сөмын юас да менө вачкалө. Сы кындзи нинөм вөлі оз төд. Та бөрын кутшөм нин верөс сай. Тэ, Макар, эн лөгась, но миян тэкөд нинөм оз артмы. Эн кө ю, ме, гашкө, и мөвпыштлі на.

Сералігмоз мунө видлыны самөвар.

МАКАР. А ме босьта да и дугда! Войт ог кут юны. Сэки өтлаасям? Ме өд збыль шуа, ог шмонит.

ГЛАША. Шуан да шуан... А кымынысь нин көсйысьлн? Ачыл дзик пыр и вунөдан. *(Бөр матыстчө пызан горө да пуксьө.)* Коді узис турун зорөдас Виль во паныдалігас, кор тай Ёгорлысь порсьсө начкинныд? Вунөдін?

МАКАР. Ме гортө вөлі муна... Кыдзи зорөдас вои — ог төд.

ГЛАША. Дерт, он. Ачыл порсь кодь вөлін да. Йөй код. Бур, мый казялім кок туйтө, эськө и кынмин сэтчө, сөмын тулысланыс эськө адзисны. Став сиктөн өд корсим ыджыд лешакөс!

МАКАР. Но бур, бур, Глаша. Мый вөлі — сійө вөлі. Тэ чайтө кисьт, а то ме пөсявны нин мөді. Пуис, көнкө. Менө видгостыд бөр көдзалас.

ГЛАША. Эз на пу. Руыс весиг оз на пет.

МАКАР. Но, мыйкө тай дыр ноксян.

ГЛАША. Гөтыртө мед эн вөтлы дай, сійө эськө важөн нин юктөдіс, көнкө.

МАКАР. Сійө эз тэ кодь вөв. Дыш куль. Нинөм вөчны эз сяммы. Шыд пуас — панявны оз позь, сэтшөма солалас. Пон вөлі весиг оз сөй. Потшөс улө кисьта, катша-рака кокаласны да лунтыр ва гөп дорын кравзөны. Шуа вөлі гөтырлы: «Катша-ракаыс тэнө ыджыда атгьөалөны, пу налы нөшта и рок».

ГЛАША. Ньөжйөник велаліс бы. Мыйла эн велөд? Висьталін өтикысь да мөдысь, видзөдан да, и мортъяммис эськө.

МАКАР. Да ме өд велөді и петкөді кымынысь. Оз гөгөрво. Да и челядь миян оз артмы вөлі. Ме пө вися. А ме вочавидзи: «Висян кө, мун бурдөдчы да сэки выльысь локтан».

ГЛАША. Сэсся мый? Муніс да эз и лок?

МАКАР. Муніс. Кызь во нин коли.

ГЛАША *(кватитчө)*. Ой, самөварөй пуө! Дзикөдз тэкөд вунөді.

Глаша чеччө.

МАКАР. Отсышта самөвартө вайны, а то крукасян кокнад да усян дай.

Котөрөн мунө Глаша бөрся да сывъялө сійөс киняувтісө.

ГЛАША. Тэ мый? Йөймин? *(Сувтө керка шөрас, быттьө кынмө.)*

МАКАР. Эг, мыйла йөйми? *(Көсйө окыштны Глашаөс.)*

ГЛАША *(горзөмөн)*. Мый вөчан Ен водзас? Дзикөдз тай йөймөмыд. Öні жө лэдз. Вешты няйт киястө ме дорысь, а то босьта да пач зырнас лөсышта... *(Петкөдлө, быттьө нюжөдчө пач зырланыс.)*

МАКАР *(лэгзө Глашаөс)*. Тэ тай збой на вөлөмыд, томдырсяыд кодь! А ме чайті, жалыд петас. Колөкө, неунасө өд радейтан на?

ГЛАША. Тэнө радейтны — петукөс чипантөг. Мыйысь тэнө радейтныс? Усьласян, быттьө пон. Абу лөсьыд тадзи. Öлөдны пыр колө. Олөм джын олн, а нинөм он гөгөрво.

МАКАР *(лөгасьөмөн)*. А-а, со кыдзи тэ кутн сёрнитны. Мөдысь заворотө лөсьөдны эн кор и гынкөмтө вурны эн вай. Небось, ков-

мас мыйкө вöчны, да ачыд коран: «Макарушко, воы, отсышт». Ме, быттьö йöй, котöрөн локта, а сійö: «Пон моз усьласян». Видзöдлам, кодöс коран... Менö али ассъыд Ёгортö?

Макар көсйö петны, но öдзöсас паныдасьö Марьякöд — воча керкаысь суседкакöд.

МАРЬЯ. Глаша, мый лоис? Мыйся нö зык? Мый тані Макарыс вöчö? Бара тай юöма. Öтка олöм олігад дзикöдз сямсö воштіс.

МАКАР (*вешйö бокö*). Коді юöма? Тэ ачыд, көнкö, юöмыд. Лэбис, пырис, быттьö тöв ныр. Тэ абу гортад, мун да сэні горзы, и ме выlö гөлöстö эн лэптав!

МАРЬЯ. А тэ эн велöд, көні меным гөлöсöс лэптыны. Ачым тöда. Мый, мися, лоис, Глаша?

ГЛАША (*пуксьö пызан сайö*). Тэ пöрччысь, Марья, да лок пызан саяс. (*Бергöдчö Макарлань.*) Макар, а тэ кытчö мöдін? Пöрччысь да тшöтш пуксьы.

МАРЬЯ (*пöрччысьö да пуксьö*). Но! Мый лоис?

ГЛАША. Да нинöм эз ло, нинöм.

МАРЬЯ. А мый горзан вöлі?

ГЛАША. Көсйи самöвар пызан выlö вайны (*видзöдлö Макар выlö*), да муртса эг усь. Кокъясöй дзугсисны. А Макар менö киняулті кутіс. Гилявны мöдіс, да сійөн и горзі. Лэдз, шуа, лэдз.

МАРЬЯ. Но, сідзкö, бур. А ме öд чайті, мися, мыйкö омöльтор лоис. Этысянь позьö быдтор виччысьны.

МАКАР. А тэ кытысь босытсин? Öшинь улас али мый кывзысин? Ме чайта, керкасяныд тэ эн вермы кывны Глашалысь горзöмсö. Тöдмала кө, мый кывзысин, бордястö чегъяла, а вомтö вура сира гезйөн. Сідз и тöд! Гөгөрвоин?

МАРЬЯ. Ой, ой, повзьöдін! Кокъяс тірзьöны! (*Сералö.*)

МАКАР. Серав, серав, бöрти бöрдны кутан.

ГЛАША Тырмас тіяны пинясьныд. Оз лöньны сэсся. Бурджык лöö, тшай кө юам. (*Чеччö да мунö самöварла.*)

МАКАР. Глаша, тэныд отсыштны? А то бара джöмдан дай. (*Чеччö, көсйö мунны Глаша бöрся.*)

МАРЬЯ. Пукав. Ме тэныд отсала, регыд плешкад мыйöнкö... Кутшöм öд сюсь! Отсасьысь...

ГЛАША (*вайö самöвар, пуктö пызан выlö, лöсьöдö чашкаяс*). Марья, көні Öськаыд? Мый нö öтлаын энö локтöй?

МАКАР (*аслас местасянь*). Сійö, көнкö, оз тöд вöлі, көні да кутшöм öшинь улын Марьяыс кывзысьö. Тöдіс кө — регыд пель бокас сетіс. Ылöдчö на öд!

МАРЬЯ. Тэ ланьтан он талу! Мый увтчан ме выlö? Весиг пон ковтöг оз увт. Ме тэн ур али мый?

МАКАР. Тэ абу ур, а руч. Бöжнад со öвтчан...

ГЛАША. Тырмас, мися, пинясьныд. Макар, ветлы, кор Öськасö. Öтлаын пукыштам.

МАРЬЯ. Позьö и корны. (*Макарлы.*) Мед волас.

МАКАР. А ельдöг дорад нинöм абу?

ГЛАША. А мый тэд колö? Бара курыдтор? Сытöг олан... (*Кост.*) Вай ветлы, а то дзикöдз сёрмам.

Макар чеччö да пасьтасьö. Öдзöс дорас нин юалö.

МАКАР. А может, босьта аскöд. А?

ГЛАША. Ме тэд босьта! Ваян кө, ог и лэдз дознад. Гөгөрвоин?

МАКАР. Гөгөрвои. Ме öти здукөн. *(Синмасьö да петö.)*

Керкаö кольöны Глаша да Марья.

МАРЬЯ. Ме пыр көсья юавны тэнсьыд... Тöдан мый?

ГЛАША. Мый нин сэтшöмсö? Юав.

Öдзöсын бөр мыччысьö Макар.

МАКАР. Марья, а көнi нö Öськаыд? Гортас, кузнечаын али Ёгор дорö петiс? Кытысь корсьнысьö?

МАРЬЯ. Ме нö мыйөн тöда? Мунiгөн тай гортын на вöли газет лыддьö-а. Вьлиторъяс пö колö тöдмавны. Понсö шуö вöли вердны да.

МАКАР. Эн али мый став вьлиторсö висьтав? Тэ öд быдтор тöдан. Быдлаысь öктан да мöдарö бергöдан.

ГЛАША. Мун нин, мун, рытыс коляс. А то босьта да шыбита мыйёнкö юрад. *(Босьтö чашка да быттьö öвтыштö Макарань.)*

Макар öдйö петö.

МАРЬЯ. Вот лешакыс! Сёрнитны оз сет. Көнкö, öдзöс саяс кывзысьö.

ГЛАША *(чеччö, мунö да видзöдö öшиньö)*. Со, öшинь ултi мунö, матыстчö дзирья дорö.

МАРЬЯ. Юала жö сэсся... Мый нö Макарыс тэ дорö öтырышгья волö? Абу-ö тiян кутшöмкö шуры-муры?

ГЛАША. Мый нинöм абусö сöран? Кутшöм шуры-муры? Нинöм менам ськöд абу, юрö весиг эз волы. Отсасьны волевлö: пес поткöдны, пач лöсьöдны, гынкöм вурны.

МАРЬЯ. А мый? Ёна кө отсасьö, сiдзкö, абу на омöль морт. Ме тай сiйöс сöмын юöмысь вида. Весиг жаль мортис. Сэтшöм мужик — ставсö сяммö вöчны. Верöстöм кө ме вöли, ас дорö босьтi.

ГЛАША. Ог тöд, ог тöд. Эт на тайöстö мöвпышты.

МАРЬЯ. А, но да ладнö... Меным нö кутшöм шог? Абу кө некутшöм шуры-муры, сiйö и бур. Ачыд видзöд. Вай кисьт сэсся, Глаша, тшай стöконтö, горшöй косьмис.

ГЛАША *(кисьталö тшай)*. А тöдан, мыйла тэныд öдзöсас паньдасис?

МАРЬЯ. Көнкö, лөгасис мыйыськö, скөр тай вöли-а. Сы дырйи эн висьтась, а öнi некод оз мешайт.

ГЛАША. Да нинöм эз вöv. Ме сiйöс пинялi юöмсьыс. Помнитан, Вьль во дырйиыд тай корсим сiйöс став сиктөн?

МАРЬЯ. Ог.

ГЛАША. Да кыдзи нö он? Кор Ёгорыслысь порсьсö начкисны.

МАРЬЯ. А-а-а! Но, но. Зорöдас тай узьö вöли? Но и мый?

ГЛАША. Вот сы кузя ме и шуаси, а сiйö, тыдалö, мыйкö чайтiс. Ме шуа: «Эн кө ю — вермас лоны, эськö и мöвпышты!».

А сійö воча: «Шыбита юны! Эн серав, збыль шыбита». Ме сöмын серöкті да веший сы дорысь.

МАРЬЯ. Молодеч! Найöс, мужикъясöс, колö пыр вöжжи помысь кутны, сöмын мукöддырйи неуна личöдлыны.

ГЛАША. Мыйкö вошис тай Макарыс, дыр оз лок. *(Чеччö, вигзöглö öшиньö.)*

МАРЬЯ. Гажыд быри али мый? Сэтшöма виччысян?

ГЛАША. Кутшöм гаж бырöм? Мыйкö дыр абу, да сійөн. *(Бөр пуксьö пызан сайö.)*

МАРЬЯ. Энлы! Локтöны. Мыйкö кодлыкö горзö Макарыд. Со и Öськалөн гөлöсыс кылö.

ГЛАША. Да, ме öнi кыла жö.

Öдзöсö гольöдчöны. Пырö Öська.

ÖСЬКА. Бур рыт да чолөм! Рöштвöөн ставнытö!

ГЛАША. И тэныд бур рыт, Öська! Пöрччысь да лок миянкöд öтлаын тшай юам.

ÖСЬКА. Видзöдлöй! Ерöмаканьыс пукалö, тшай юö! Марья, тэ вöлі шуан Ольга дорö лавкаö петавны, мыйсюрö босьтны Рöштвö кузяыс, а петін да вошин!

ГЛАША. Ладнö, Öська. Ме сійöс ылöдi. А кöнi нö Макарыс? Эн али мый öттшöтш локтöй?

ÖСЬКА. Öтлаын воим, но сійö ывлаö кольччис. Тэ пö пыр, а ме курита да вöлись. *(Пуксьö пызан сайö.)*

Пырö Макар.

ГЛАША. Кытчö вошлiн? Дыр тай куритiн! Көнкö, пачка джынсö шпуткiн?

МАКАР. Эг курит. Сынöднас лолалi, кодзувъяс ылö видзöдi, сэтшöм мичаа да ярьюгыда дзирдалöны.

ÖСЬКА. А кынмöмысь он пов?

МАКАР. Ме кöдзыд дорад велалöма. А тi мый танi сэтшöма зыксянный? Дзиръя дорöдзыс кылö.

ÖСЬКА. Да нинöм ог. Марьяöс тай вида. Петiс Ольга дорö лавкаö да вошис, мися. Сiдзи жö, кыдзи тэ коркö Виль во дырйиыд...

МАКАР. Но вот... Чайтi, коть Öська оз мöд казътывны, а сійö сэтчö жö. Бабаяскöд öтвыв.

ÖСЬКА. Ладнö, Макар, нинöм сэсся ог шу. Вомöс тупка.

ГЛАША. Чайсö юанныд онöй? Пирöг-көвдумсö видлöй. Со, колян вося ельдöг на эм.

МАРЬЯ. Гортö лоö ветлыны да мыйсюрö тшöтш вайны.

МАКАР. А юанторйыд и абу...

ÖСЬКА *(Марьялы)*. Пукав! А то мунан да бара вошан. Ме ог тэныд шу, Макар. Марьялы шуа.

МАРЬЯ *(Макарлы)*. Вöлис кö, вайи, да абу. Öсюк юис вöйдөр, мый вöли.

Макар синнас и юрнас петкöдлö öдзöслань: «Петалам!»

ГЛАША *(казялö Макарысь сюсялөмсö)*. Мый нö юрнад довк-

йөддан вожсыс петөм вөв моз? Көнкө, ветлін Ольга дорө? Ме тэныд шуи: «Тані юны ог лэдз».

МАКАР (*горйысьө*). Мыйкө синмө пырис, да Ёськаөс тай ко-
ра видзөддыны.

МАРЬЯ. Тэ, Макар, миянөс эн чайд йөйясөн. Көть и бабаяс,
а ставсө на гөгөрвоам.

МАКАР. Ёська, вай өлөд ассыд гөтыртө, колөкө. Менам мо-
рөс пытшкын ставыс гудыртчө. Регыд пузя! Быдлаө сійөс юалө-
ны!

ЁСЬКА. Ноко ланьт, Марья! Мед ме сэсся эг кыв тэнсьыд
гөлөстө. Гөгөрвоин?

МАРЬЯ. Гөгөрвои, Ёсюк, гөгөрвои.

ГЛАША. Ёська, кисьтны тэныд тшайтө? Макар, вай ме тэд
тшөтш кисьта. (*Кисьтө мужикъяслы тшай.*)

МАКАР (*ворсөдчөмөн*). Но, курыдторйыд абу да, көть тшай
юам!

МАРЬЯ. А мый? Ольгалысь позьө уджйөзөн юавны. Ёсюк,
ветлан?

МАКАР. Со! Садьмис кага юрнас. Важөн нин эськө! Он
быттьө гөгөрвоёй, мый колө мужикъяслы.

ГЛАША. Нинөм оз ков. Марья, тэ эн жө өча-мөчаась.

ЁСЬКА. Колө, сідзкө, шег вайны да шегъясьны. Менам ичөт
дырйи пөрысь мамъяс пыр вөлі ворсөны.

ГЛАША. Позьө. Менам кытөнкө вөлі шегйыс. Корсьлыны
колө. (*Мунө пач саяс.*)

МАРЬЯ. Ме тэныд отсышта корсьнытө. Глаша, колө бинас
югзбөдны?

ГЛАША. Сисьсө босыт да лок югзбөд и эм.

Марья аддзө сись, өзтө да мунө Глаша бөрся.

МАКАР (*лөня*). Ёська, ме вайи өти доз. Дзеби карта бокас,
лым пиас суюи.

ЁСЬКА. Тэ мый? Йизяс өд! Кильчө помас колі пыртны.

МАКАР. Оз йизы. Ме кепысь пиө суюи.

ЁСЬКА. Вай петалам, быттьө куритчыны.

МАКАР. А кыдзи сэсся юам? Кывлін, мый Глашаыс шуис...
Ог пө лэдз тані юны.

ЁСЬКА. Да, колө мөвпыштлыны.

Локтөны Глаша да Марья.

ГЛАША. Мый нө сэнi шөпкөдчанныд?

МАКАР. А-а, сідз...

ЁСЬКА. Шегъястө аддзинныд?

МАРЬЯ. Аддзим. Кыдзи нө эгөй.

МАКАР. Ми лоам Глашакөд, а ті, гозъя — асьныд. Гозйөн-
гозйөн ворсам.

**Глаша нуалө пызан вылысь ставсө. Пуксьөны шегъясьны. Сөмын
босытчөны ворсны, кылө гольбөдчөм.**

ГЛАША. Тэ, Макар, өдзөссө игналін али мый?

МАКАР. Эг бара.

ГЛАША. Коді нө сәні? Пыранінсө оз аддзы тай нө?

МАКАР. Глаша, пукав, ме восьта. *(Петө, недыр мысти пырө Ёгоркөд.)* Ёгор тай вөлөма. Тэ дорө могөн пө, Глаша.

ЁГОР. Бур рыт ставныдлы дай Рөштвоён!

Кодкө Ёгорлы вочавидзө. Ставөн шызылөны.

ГЛАША. Кодарсянь нө тэ, Ёгор? Кутшөм могөн да?

МАРЬЯ. Чайтис, көнкө, мый юам, да сійөн локтис. Да өд, Ёгор?

ЁГОР. Эн төд, Марья. Ме Глаша дорө могөн.

МАРЬЯ. Но-о-о! Мый мог нө суис?

МАКАР *(гөзмөмөн)*. Мый тэныд Глашасяньыс ковмис?

ГЛАША. Чөв олыштөй! Энө мортсө дзугөй. Мед висьталө, мый колө. Мый морт вылас уськөдчинныд? *(Матыстчө Ёгор горө.)*

ӨСЬКА *(гөзмыштөмөн)*. Да мед, колөк, висьталө. Макар, лок шегьясям.

Мужикьяс да Марья вешйөны. Ёгор юрсө лэдзөмөн педзө.

ЁГОР. Ме со мый көсйи юавны, Глаша. Тэ гожөмнас, кос висигөныд, мазь кутшөмөскө вөлі ошкан. Ньөблін али выпишитлін — ог нин помнит. Эз-ө тэнад кольышт? Мыйкө кокөй өна висьны кутис... Чеглөм бөрад быттө барометр кутшөмкө.

МАРЬЯ. Мый нө петкөдлө талун, зэр али лым? *(Чеччө да матыстчө Ёгор горө.)* Вай петкөдлы мянлы.

ЁГОР. Кык лунөн водз мөдас өна юавны, а сэсса лым либө зэр и усьө.

ӨСЬКА *(пызан сайсянь)*. Кылан, Марья! Юав Ёгорыслысь, кор турун ытшкыны, а кор куртны. Сійө өні ставсө төдө. Гожөмнас сиктса став войтырыс мөдас сы дорө локны, төдысь морт дорө быттө.

ГЛАША. Оз сетны мортыслы кыв шуны. Мый и сөрөны, асьныс оз төдны.

МАКАР. Да Ёгор биа өшиньястө аддзис, да гут моз воис. Көнкө, гөгөр битөм сиктаным.

ЁГОР *(горйысьөмөн моз)*. Глаша, мазьыд кө абу, ме бөр муна. Мыйкө меным тані абу радөсь.

ГЛАША. Ланьтөй ставөн! Эн на мунлы, Ёгор, час, видзөдла. Вөлі эськө, да ог помнит, кытчө и пукті. *(Мунө корсьны пачводз гжаджьясысь.)*

ӨСЬКА *(Ёгорлы)*. Шегьясьнытө сямман он? Лок, печик вылө ворсам. *(Сералө.)*

ЁГОР *(неуна падъялыштө, но матыстчө)*. А мый? Вай ворсам. Ичөтдырйи ворслі жө.

ГЛАША *(вешйө пачводз горсьыс)*. Эг аддзы, Ёгор. *(Пуксьө пызан саяс.)*

МАРЬЯ. Ёгор, Клавдияыд тай больницаас дыр куйлө? Чорыда, көнкө, висьө?

ЁГОР. Öнi эг нин кайлы райцентрад, и звөнитны оз артмы.

Субөтанас кайла. Яй пöжышта да турипувйысь морс вöча. Регыд, гашкö, лэдзасны жö.

ГЛАША. Мед сылы Енмыс дзоньвидзалун сетас. Öтарö куйлынытö öд дышöдö жö, юрад пыр öтитор — мый гортад вöчсьö?

МАКАР. Унджыксö, кöнкö, Ёгорыс понда жö тöждысьö: оз-ö ю пö да мөссö-куканьсö пö вердтөг эз-ö коль?..

ГЛАША (*көрityштö*). Тэкöд кö партитчас Ёгорыс, дерт, юяс.

ЁГОР. Öтнамлы гажтöм и эм. А гожöмнас кутшöм гажа вöлі! Кор челядь волісны внукъяскöд. Керкаын сöмын гым да гам кылö!..

ÖСЬКА. А налы нö öні эн висьтав, мый мамныс больничайн?

ЁГОР. Эг. Мыйла налы тöднысö? Оз жö öд локны-а. И ылын карсяныд... Öні билетъясыд донаöсь.

МАКАР. Ме эськö звöнитлі. Гашкö, и гөснеч вайыштисны эськö тэныд. (*Петкөдлö голяс печиктöмөн.*)

ГЛАША. Да тэнад сійö и дум, коді бы вайис да кисьтіс.

МАКАР (*гöзмытөг*). Тэныд бур, вайöны да. Сöмын сөй да ю.

МАРЬЯ. А тэныд некод нинöм оз и вай, челядьыд абу да. Ва стöконтö мыччыны некодлы лö! Öтнад и кулан коркö...

МАКАР. Вот тэнö бара на юалісны! Мый быдлаö сүйсян, кытчö оз ков?

ЁГОР. А мый? Марьяыс збыльсö тэныд и висьталö, да эн лөгась.

МАКАР. Тэнö, Ёгор, некод жö эз юав. Эм менам коды ва мыччыны али абу — аслам шогыс.

ГЛАША. Вай нöшта тышкасьöй! Дзик пыр ланьтöй, колökö! А то босьта да вöтла керкаысь.

ÖСЬКА. Марья, ме шулі тэныд — ланьт?! Эн али мый гө-гөрво? Со, кабырсö аддзан!

МАРЬЯ. Ме нинöм, Öсюк. Кыв сэсся ог шу.

ГЛАША (*кватитчö*). Мыйта нин кадыс? Регыд, кöнкö, Рөштвоö пырам.

ЁГОР (*видзöдлö киа часі вылö*). Öкмыс час матыстчö.

ГЛАША. Тырмас тиянлы шегъясьныд. Тшай юам да мунам коледуйтны.

МАРЬЯ. Позьö. Горш косьмис жö-а. Вай, мужикъяс, тырмас тиянлы печикасьныд. (*Босьтö да нуö шегъяссö.*)

МАРЬЯ. Глаша, татчö самöвартö ваян али сэні кисьтасям?

ГЛАША. Самöварыс сьökыд, öтарö-мöдарö кыскавмөн.

ЁГОР. Вай отсышта. (*Чеччö, мунö самöварла.*)

МАКАР (*бокисянь скöра видзöдö Ёгор вылö. Öськалы*). Ме талысь ныр-вомсö талун разя! Мед сöмын вөрзьöдас Глашаöс... Важөн нин кабыръясöй лудöны.

ÖСЬКА. Мыйысь нö? Мыйкö омöльтор вöчис али мый?

МАКАР. Гöтыра, а пыр Глаша дорö ляксö. Видзöдны ог вермы, лөг петö.

ÖСЬКА. Кут асьтö, Макара. Рытсö эн дзуг.

МАКАР. Видзöдлам, кыдзи-мый водзö лоас.

Ёгор вайö самöвар, лэптö пызан шөрö.

МАКАР (*крукалöмөн*). А тэ, Ёгор, шуан, мый кокыд висьö. Самöварсö тай котөрөн вайин.

ЁГОР. Дерт, котөрөн. Самоварыс өд пось.
ОСЬКА (*cigz жө*). Кысь нө посьыс? Важөн нин пуис да.
ГЛАША. Мый бара кутінныд пинясьны. Ме тиянлы мый шуи, а?
ОСЬКА. Ми ог пинясьой, а сідз, шмонитам.
МАРЬЯ. Пуксялөй нин. Осюк, тэ тшайсө юан? Тэныд сука али кизьөра кисьтны?

Сөмын пуксьоны пызан сайө, кодкө горзө ывла вывсянь.

ОСЬКА. Ольга али мый равзө? Быттёкө лоөма мыйкө!

Ставөн ланьтөны да кывзысьоны.

ОЛЬГА. Глаша тьöt! Восьт али öзты битö. Ог аддзы пырнысö.

Глаша чеччö, мунö восьтыны öдзöс.

ГЛАША. Мый нө лоис? Лок пыр.

Пырö Ольга.

ОЛЬГА. Но и пемыд кильчö помад, нинөм оз тыдав. Синмад кöть тастö суй.

ГЛАША. Пыр, пыр. Ми со тшай юны пуксим. Лок, öтлаын чаюйтам.

Ольга пöрчысьö да матыстчö.

ОЛЬГА. Дзоньвидзалун ставныдлы. Бур рыт.

Ставөн аттьöалöны Ольгаöс, сйöны сйö жö.

ГЛАША. Прöйдит, мися.

ОЛЬГА. Рöштвоавны чукöртчинныд али мый? Ме видзöда, и Ёгор тані.

МАРЬЯ. Ми сідз, пукыштны чукöртчим. А тэ нө кытысянь татшöм сёронсö?

ОЛЬГА. Глаша дорö узыны локті. Керка томанöс эг вермы восьтыны да. Кынмöма кö-а, эз тай воссьы. Глаша тьöt, лэдзан узыны?

ГЛАША. Лэдза. Мыйла нө ог лэдз?

ОЛЬГА. Аски югдас да Оська отсалас восьтыны томансö. Сідз öд, Оська?

МАКАР. Оська, ветлы, мортыслы отсыштны колö.

ОСЬКА. Öнi али мый?

МАКАР. А мый?

МАРЬЯ. Оз мун öнi некытчö. Мед Ёгор ветлас.

ГЛАША (*шенасьö кияснас*). А кöнi нө тэнад том мортыд?

ОЛЬГА. Öльöштö шуан? Абу сйö. Муніс командировкаö дас лун кежлö. Шуис, Крещенньö вылö пö воа.

ГЛАША. Лок, сёйышт, мый эм, тэ öд, кöнкö, тшыг.

ОЛЬГА. Абу, ме лавкаын тшай юи да нурьяси. Талун кöдзыд, да кынми-а, пока томаннас нокси. Шонтыны некодлы. Мужик абу, а тані тиян, видзöда да, куим мужик, а нывбабаыс кык! Меным он-ö сетöй öти мужикöс? (*Сералö.*)

МАРЬЯ. Пырны эз на удит, а мужик нин сылы колө! Кутшөм өд сюсь! Ёсюк, лок ме дорө топөдчы, а то тайө регыд мырдыяс. (Ольгалы, грөзитчөмөн.) Ме, час, тэнө шонта!

Ставөн сералёны.

ОЛЬГА. Мый сөран, Марья тьот? Тэнсьыд Ёськатө өд ог жө мырды. Тэ меным сэсся овны он сет.

МАРЬЯ. Зэв на тай ыштылін. Томан восьтны пө отсав. Смотра мыйся томан...

ЁГОР. Да, Ольга. Локтін — ставлөн шог быри. (Сералө.)

ГЛАША. Сідзкө, ми, куим бабаыс, дас кык час войын кутам гадайтчыны, а ті, мужикъяс, миянөс кыйөдөй, мед некод оз гусяв.

МАКАР. Ті миянлы вайө өти доз, сэки татчө некод оз пыр ни оз пет татысь. Ми сэки ок и кыйөдам!

ГЛАША. Тэ, Макар, ассьыд дозтө некыз он вунөд! Морт эз нин казгыштылы, а тэнад пыр өтитор.

Ставөн сералёны. Кост.

МАРЬЯ. Ёсюк, мый сэтшөма видзөдан Ольга вылас? Эн на али мый аддзыв?

ЁСЬКА. Талун эг на. Юрө тай воис — сюрас кодлыкө татшөм мича том аныс. Ме кө эськө томджык вөлі, босьті на гөтыр вылө.

МАРЬЯ. Со тэныд! Аддзан! (Суюө Ёськалы ныр улас ассьыс неыджыг кабырсө.) Ме тэныд босьта! (Видзөглө гөгөр.) Укватсө вот босьта, да кос кузяыд гуляйта. Ноко, бергөдчы мелань.

ГЛАША. Мый нө лоис, Марья?

МАРЬЯ. Со тай... Синсө Ольга вылысь оз вермы вештыны, весиг оз лапнитлы. Менө вунөдіс.

ГЛАША. Ланьт, Марья. Дыш кывзыны. Ёськаыд өд сылы абу пара. Дас воөн Ольгасыс, абу кө унджыкөн, пөрысь. А тэ, Ёська, эн дөзмөд Марьятө.

МАКАР. Кутшөм дөзмөдөм? Видзөдлы, кызди Марьяыс Ёскалы киас кутчысьөма. Видлы мырдыны!

ЁГОР. Марья, кут, кут ёнджыка, а то он и төдлы — нөбөдасны добратө.

МАРЬЯ (чеччө пызан сайысь, матыстчө Ёгор горө). Тэ ассьыд гөтыртө кут, мед оз нөбөдны больничаас куйлігөн. Мый тэ татчө локтін? Кутшөм мазыла? Чайтан, ме ог төд. Ме ставсө төда. Көсьян, висьтала, мыйла локтін?

ОЛЬГА. Глаша тьот, мый Марьяыскөд лои? Кутшөм гут курчис?

МАРЬЯ. А тэ, Ольга, ланьт, колөкө. Локтіс, быгтьө Пава... Ставөн сы вылө видзөдоны, жалитөны коньөрөс! Тэ сэтшөм жө, Ёгор кодь!

ЁСЬКА (чеччыштө пызан сайысь). Тэ кылан, Марья? Ноко, өні жө вомтө пөдлав. А то ме пөдлала. Сөйнытө он кут вермыны. Ковмас няньтө ваөн көтөдны да сідз няклявны. Гөгөрвоин?

МАРЬЯ. Метө гөгөрвои! А тэ вешы сы дорысь! (Ингө Ольга вылө.) Синтө колян! Вешы, мися, сэки и вомөс пөдлала!

ГЛАША (*матыстчö Марья горö*). Марья, ланьтöдчы. Лок, кö-дзыд васö юышт да пальöдчышт. На выlö эн видзöд, мед шмонитöны. (*Нуöдö Марьяöс пач саяс.*)

ЁГОР. Но и но. Ме эг и чайт, мый менам кывъясöй тадзи дöзмöдасны. Тöдi кö öд, кыв ни джын эг лэдз.

МАКАР. Колö вöли вежöртны. Он али мый аддзы, кыдзи Ольга дорас вежöгтö.

ОЛЬГА. Да мый тэ сöран? Менö?! Öська дядь дорас? Эштöма тай! Но и но. Абу колöма локны. Рытыс мöдарö бергöдчис. Öни сёрни петас сиктын, мый ме збыль быттöкö сираси Öська дядь дорö.

МАРЬЯ (*горзö пач сайсяньыс*). Некутшöм сёрни оз ло. Сöмын Öська дорö эн матыстчы.

ОЛЬГА. Ог, ог, Марья тьöt. Ме со Макар дядь дорын нин пукала.

Глаша да Марья петöны пач сайысь.

МАРЬЯ (*чышкö чужöмсö платтьö бöжгорнас*). Тырмас, эн видзöдöй ме выlö. Мый вöли — сийö вöли. Глаша, самöварад ва-ыс пöсь на? Кисът меным öти тшай стöкан. Юа, да гортö мö-дöдчам, а то йöй сёрни сöмын.

Глаша кисътö тшай.

ОЛЬГА. А гадайтчынытö ог нö кутöй?

ГЛАША. Марья мунны кöсийö да. А колö куим морт. Марья, гашкö, кольччылан на? Бöрыннас öтлаын и мунанныд ставөн.

МАРЬЯ. Колö кö, кольччывла. Уна-ö кадыс?

МАКАР (*тшана лэптыlö часiа кисö*). Менам петкöдлö дас öти час да комын минут.

ÖСЬКА. Тi лöсьöдчöй да гадайтчöй, а ми петалам куритны, ыркыд сынöднас лолалыштам.

ЁГОР. Менам юрö тайö жö волis.

Öдйö чеччöны да пасьтасьöны.

МАКАР. Тi энöй кöть игнасьöй, а то ывлаас кöдзыд да кын-танныд миянöс!

МАРЬЯ да ГЛАША (*öтвылысь*). Ми тшötш кöсьям петавны.

МАКАР. Но, петавлам öтлаын.

МАРЬЯ. Лешакыс! Он али мый гөгөрвоöй — тшайыс вöтлö миянöс!

ÖСЬКА. Сiдзи мед и шуин. Петавлö, инöсь, а сэсся нин и ми.

Нывбабаяс пасьтасьöны да петöны.

МАКАР. Но мый, Öська? Колö öни кыдзкö пыртны, а то збыль кынмас.

ЁГОР. Мый колö пыртны?

ÖСЬКА. Макар сулея вайис, а Глаша оз лэдз танi юны. Вот Макар и дзебис лым пиö. А тэ чайтан, мый ми сiдз... Тшынасьны петам?

МАКАР. Кутшөм шог, а?! Кор найö кутасны гадайтны, ми ньöжйөникөн и юам. Гөгөрвоана?

ЁГОР. Дерт, гөгөрвоана. А мыйла тані юнысö оз лэдз?

МАКАР. Ме мыйөн тöда? Оз тай лэдз-а.

ÖСЬКА. Тырмас, лантьой. Кыланныд, пырöны?

Ывла вылысь пырöны нывбабаяс.

ОЛЬГА. Ок и кöдзыд. Ёнджыка, мужикъяс, пасьтасьой. Паш-ляк лыйсьö — керка пельöсьясыс потласьöны кöдзыдысла. Быд-лаын тратшкөм кылö, быттьö кодкö войнас пес поткöддыны пө-тöма.

МАКАР. Тöдам, тöдам тиянтөг. Ми петалам, а ті гадайтчöй, колöкö. Пызансö миянлы кольöй, ми шегъясьны кутам.

Мужикъяс петöны ывла ылö.

МАРЬЯ. Глаша, тэнад кутшөмкö важ бумага эм абу?

ГЛАША. Мыйла?

МАРЬЯ. Кусöдам битö да пач водзад сотам бумагасö. Колö мужик дуксö тшынöдны, а то нинөм оз артмы. А тэ, Ольга, Енсö вевттьы мыйөнкö.

ГЛАША. Со, Ольга, ыль ки чышкöд. Тайөн вевттьы.

Ольга босьтö ки чышкöд да вевттьö Ен öбразсö.

МАРЬЯ. Босьтöй улöсьяссö да пач водзас пуксялам.

Пач водзö öзтöны бумага.

МАРЬЯ. Но мый, лöсьöдчинныд?

ГЛАША. Да.

ОЛЬГА. Ага.

Гусьөн моз пырö Макара: пасьсö да шапкасö бергöдöма гугөн. Шапка ылас кык нейджыд сюр. Чужöмсö синъясöдзыс тупкöма кепыся ки-нас. Сы бöрся ньöжмыда пырöны Ёгор да Öська, сувтöны порог до-рас. Нывбабаяс найös оз казявны.

МАРЬЯ. Васа да Вöрса, ті танöсь абу?

МАКАР *(кыз гөлөсөн)*. Тані ми, тані.

МАРЬЯ. Ті миянлы ставсö висьталанныд, мый юасям?

МАКАР. Да, висьталам.

ОЛЬГА. Господи! Ме татшөм гадайтчöмсö эг на тöдды... Мед Вöрсаыс миянкöд сёрнитіс!

ГЛАША *(тöдчöдан гөлөсөн)*. Быдсямаыс овлö!

МАРЬЯ. Лантьой. Оз позь быд лунъясö сёрнитны. Вай, Глаша, сисьсö öзты.

ГЛАША *(сись öзтігмоз)*. А мыйла тайö колö?

МАРЬЯ. Энлы, ачыд аддзан. Глаша, Ольга, юалöй, коді мый кöсйö тöдны ас йывсьыд. *(Кутö пач вомас сисьсö.)*

ОЛЬГА. Вай ме юася медводз. Коді нö менам верöсөн лоö?

МАКАР. Ме ог тöд.

ГЛАША. А менам?

МАКАР. Тэнад — Макаар, кутан кө коръяскө сылы курыдтор кисьтавыны.

Макар тшөкмунлө да босьтчө кызданы.

ГЛАША (*aggzö мужичöйясöс*). Ок, лешакъяс! Тайö тай нө ті вöлөмныд! (*Чечыштö улöс вывсьыс да котöртö Макаар бöрся.*)

МАКАР. Да ме öд шмониті! Эн көть ви, ог сэсся. (*Зильö ögzö-сöдыс петны.*)

ГЛАША (*бурасьöмөн*). Ог вöтлы. Лок, лок, эн пет. Сöмын эн повзьöдчы сэсся.

Ставөн сералöны. Мужичöйяс пöрччысьöны да пуксьöны пызан сайö.

МАРЬЯ. А ме öд чайті, збыль Вöрсаыс миянкöд сёрнитö... Ме тані пычкыся, кызди верма!

ОЛЬГА. А ме повзи! Кодöс, мися, Глаша тьöтыс вöтлө?

ЁГОР. Ми öд сылы шулім, мый оз ков. Повзьöдан, мися, чег-сьытöдзныс... А тайö ышмö на: оз пö да оз...

ÖСЬКА. А мый? Бура и артмис.

ГЛАША (*кокньыдика сераліг*). Да, бура, бура.

МАРЬЯ. Менам сьöлөмöй кок пыдöсöдз лэччыліс-а! (*Матыст-чö мужикъяс горö да кокньыдика кучкö Макаарлы балябöжас.*)

МАКАР. Вай лэптам сьöлөмтö ас местаас. (*Нюжöдчö Марьялөн кок пыдöс горö.*)

МАРЬЯ. Мун, эн вöрöд менö, а то уся! Ті, бурджык, шегъя-сьöй. Ми мöд ногөн кутам гадайтчыны. Глаша, вай рөмпöштан, куим сись да ыджыд чышъян.

Нывбабаяс бөр пуксьöны пач водзö.

ОЛЬГА. А бисö оз ков кусöдны?

МАРЬЯ. Оз ков. Ті, мужикъяс, пукалöй, но горасö эн сёрни-тöй.

Нывбабаяс öзталöны сисьяссö да сувтöдалöны рөмпöштан водзö. Мужикъяс пызан сайын шегъясьöны.

МАКАР. Öська, вай отсышт. (*Ноксьö кок костас.*)

ÖСЬКА. Мый нө?

МАКАР (*лөня*). Ог вермы судзöдны, кок костö усис.

ЁГОР. Гачтö пöрччы да сідз.

МАКАР. Тэ мый? Аддзасны öд! Он и тöдлы — лэбан татысь.

ÖСЬКА. Тэ лөняджык, а то кыласны. Абу йиасьöма?

МАКАР. Абу. Но зэв көдзыд. Кок вожöй көдзаліс, быттö бийөн сотö.

ÖСЬКА. Нинөм көть эн кынты! (*Серöктö.*)

МАРЬЯ. Мужикъяс, лөняджыка, мися!

МАКАР (*шöпкөдö*). Енлы слава! Сямми жö судзöдны. (*Пуктö гозсö мыш саяс.*)

ÖСЬКА. Ме гожөмнас босьтлі Ольгалысь бутылка... Уджйөзөн жö. Зятъ волігөн. Дзеби картаö, көні öшнымöс видзам. Марья петöма вердчыны да аддзöма.

МАРЬЯ. Мый тэ сәні ме йылысь сёрнитан? (*Матыстчө на горө.*)

Ёгор да Ёська топөдчөны, тупкөны Марьяысь дозсө.

ЁСЬКА. Висьтала, кызди тэ аддзөмыд вөлі өш гидсьыд бутылкаос. Кор зятъыд тай воліс. (*Кватитчө.*) Мый локтін? Мун, гадйтчы, а то регыд югдыны кутас. Колө сэсся мунны да водыштлыны.

МАРЬЯ. Да ми эштөдчам нин. Глаша рөмпөштанас видзөдлас, висьталас миянлы, мый аддзыліс, и гортө. (*Матыстчө Глаша горө.*) Но, мый аддзан?

ГЛАША. Ог төд... Нинөм кө-а. Биыс чуалө да нинөм оз тыдав.

ОЛЬГА. А меным төдтөм зон петавліс. Повзи да дугдї видзөдныс. Ёні на йирмөг босьтө.

МАРЬЯ (*Глашалы*). Но, оз кө нинөм тыдав, ладнө. Аски рыт-нас волам да нөшта видзөдлам. Оз быд пөрийө висьтав. Сідзкө, аслыд на оз ков.

Кусөдөны сисьяссө. Глаша матыстчө мужичөйяс дорө.

ГЛАША. Ті ёна горзанныд, да сійөн рөмпөштанас нинөм оз и петкөдчы.

МАКАР. Ог жө горзөй. Со, Ёська да Ёгор тай мыйкө казътылісны-а.

ЁГОР. Ёська тай казътыліс, кызди курыдторсө өш гидъяс дзеблөма.

МАКАР (*гусьөн тойлалө Ёскалы бокас*). Видзөдлы, ас йывсьыс нинөм оз и шу. (*Чеччө улөс вывсьыс да пөрөдө дозсө.*)

ГЛАША (*казялө*). Тайө нин мый? А? Кытысь тайө? Коді вайис? Нуөй, мед ме сэсся эг аддзых.

ЁГОР. Макар вайис. Ме ог төд вөлі. Куритчыны петалігөн судзөдіс. Лым пиас дзеблөма.

Макар сулалө, шамралө кабыръяссө.

ЁСЬКА (*шөпкөдө*). Макар, лөнь. Эн вөрөд!

ЁГОР. Шуисны тіялөн гадайтчигкості ньөжйөник юны. Бабаяс пө оз и төдлыны.

МАКАР (*асьсө оз вермы кутны, скөрмө да уськөдчө Ёгор вылө. Сійөс кутө Ёська*). Тэ, кык бана шаньга, ачыд миянкөд юин. Төді кө, эг висьтав ни эг кисьтав. Ныр-вомтө разя пөръясьөмсьыд.

МАРЬЯ. Ой, ой... Енмөй, отсалөй! Виас өд!

Ёська кутө Макарос, а мөдыс нөрөвитө вачкыны Ёгорлы.

ГЛАША (*тэрмасьөмөн сорөн*). Тырмас! Ме ог көсйы, мед менам керкаын кодкө тышкасис-косясис. Петөй кыкнанныд... Мед тіяныльс дуктө весиг эг кыв. (*Йөткәлө өдзөслань.*)

ЁСЬКА. Глаша, энлы.

Мужикъяс пасьтасьөны да петөны.

ОЛЬГА. Эг чайт, мый Ёгорыс этатшөм «шляпа».

МАРЬЯ. Глаша, а тэ аддзылін, кызди Макарыс тэ выlö видзё-дiс, кор шуин петны налы?

ГЛАША. Мед видзёдас! Кутас тöдны, мый менö бöбйöдлыны оз ков.

МАРЬЯ. Да ог ме тайöс тэныд висьтав. Тöдан мый? Макарыс вежöгтö тэно. Он али мый аддзы? Ёгор дорас. Кор Ёгорыс вöз-йис отсыштны самöвартö вайны, Макарыд едждöдлiс и гöрдöдлiс. Лёкысь Ёгор вылас видзöдö вöли. Гöгöрвоин, мыйла öни сэтшöма уськöдчис сы выlö? Йöй баба.

ГЛАША. Ог тöд... Том дырйиным ми Ёгорыскöд гуляйтлiм жö, менам верöс сайö петтöдз. А Макарыс Ёгорыскöд ёнасö некор эз лöсъявлы. Веськыда кö висьтавны, ме Макарсö ёна ра-дейтлi, а кор пинясим, мунiс да гöтрасис мöд выlö. Кыськö ка-рысь вайлiс.

ОЛЬГА. А Ёгорыскöд мый эн артмöй? Том дырйиыс татшöм жö шаньгаön вöли али мый?

МАРЬЯ. Пыр кöсйö код водзын кö веськыдön петкöдчыны. Öти кывйön кö — подхалим!

ОЛЬГА. А ме сййöс чайтлi шань мужикön. Чужöм сертиыс он и шу, мый татшöм.

МАРЬЯ. Глаша, вай öтлаын петам, а тэ сэсся Макарсö кор да сёрнитлы.

ОЛЬГА. Ме öд кольччыны кöсйи, Глаша тьöt ордын узыны.

ГЛАША. Кольччан, дерт. Кытчö вой шöрнас муна?

Пырö Öська.

ÖСЬКА. Тэ, Марья, муна он гортö? Мöдiм.

ГЛАША. Кытöни нö мужикъясыс?

ÖСЬКА. Ёгор гортас мунiс, а Макар миянös виччысьö.

МАРЬЯ (*пасьтасьö, петiгмозыс*). Тэ, Глаша, эн вунöд, мый сёрнитiм!

ÖСЬКА. Мый нин бара сэтшöмсö висьталiн?

МАРЬЯ (*гöзмыштö*). Мун пет, абу тэнад дела.

Марья да Öська восьтöны нин öдзöссö, дасьöсь петны.

ГЛАША (*горöгö*). Марья! Сувтлы! (*Босьтö гжоджын куйлысь бутылкасö да сетö Марьялы.*) На, Öськаыдлы сет, Макаркöд мед аски юасны. Да шу Макарыслы, мед пыралас здук кeжлö.

Гозья петöны. Здук мысти пырö Макар.

ГЛАША. Но мый, кöдзалiн? Сьöлöмыд бурмис?

МАКАР. А мый?

ГЛАША. Аски, кадыд кö, дерт, лöö, пырав. Виччысьны кута.

МАКАР (*серöктö да чеччыштлö места вылас*). Пырала! Пырала!

ГЛАША. Но, мун сэсся. Ми Ольгакöд узыны водам.

Макар тшапа бергöдчö, окыштö Глашаös да öдйö петö.

ГЛАША. Но и лешак!

ОЛЬГА. Глаша тьöt, гашкö, абу лöсьыд, кольччи да? Макартö вöтлöма кодъ лои...

ГЛАША. Но, тырмас. Сылы и сідзи бур öнi. А водзöсö...
Шулöны тай: «Асылыс петкöдлас».

Глаша сьылышталö мыйкö.

ПОМ.



Дона лыддысьысь !

*Позьö нин гижöдчыны 2010 волөн воддза джын
кежлö. Эн вунöд судзöдны «Войвыв кодзув» жур-
налтö.*

Доныс:

Редакция пыр

- 1 тöлысь кежлö — 15 шайт.*
- 3 тöлысь кежлö — 45 шайт.*
- 6 тöлысь кежлö — 90 шайт.*

Пошта пыр

- 1 тöлысь кежлö — 28 шайт 02 ур.*
- 3 тöлысь кежлö — 84 шайт 06 ур.*
- 3 тöлысь кежлö — 168 шайт 12 ур.*

Александр ПАНЮКОВ



Совла ветлём

О Ч Е Р К

Важ йөзлөн висьталём серти и лои воыс: уна лымъя да турөбъяса төв бөрын му кушмөмсяньыс пөльтісны ыркыд төвъяс, усис зэр сора лым. Васөд, ыркыд поводдя вөсна нюжаліс гөракөдза, шондөдіс сөмын Вөзнесенньө бөрын. Сы вөсна жө дыр эз артмы Ерем Ёстап Артип Вась Педөр пиянлөн Усолъеө совла мунөмыс. Сөмын шондөдөм бөрас Ёньө, Ярө, Иван, Як да Тима вокъяс кутісны дасьтысьны туйө. Чорыд сера дөраыс вурөм нопъясө тэчисны косьтөм нянь, ид пызь, зөр шыдөс, сәсся ставсө сюялісны ыджыд пестеръясө да вевта чуманъясө. Ичөтик туисө пуктісны төпитөм мөс вуй. Дөратор көртөдъясө гартыштісны мунөм вылө видъяс — проходной свидетельство. Көртөдъясө сюйисны кучикыс вурөм ичөтик вотлукъясө да бара на топыда көрталісны, медым, весиг ваө кө веськавласны, документъясыс оз көтасыны. Дасьтісны пыж, пелыс-өпаснойяс. Содтөд на кык лопта пелысъяс босьтісны. Бөжавны кутас Ёньө, вокъяс пиыс медся ыджыдыс, отставкаын салдат. А сынны — вежласьөмөн: кыкөн сынөны, кыкөн шойччөны.

Петісны туйө Трөича лунө. Войясыс югыдөсь — позьө лун и вой кывтны-катны, кыснанөн чери кыйны. Сувтлөны сөмын бипур өзтивны, пуны пызя либө зөр шыдөса рок да пузьөдлыны чай... И бара водзө.

Эжва абу на ёна ямөма: өдйө визувтө, муткыртө, джуджыд йирьясын семдөмөн бергалө. Сөмын и виччыс, мед ю пыдөсас пыжнад оз сюй ли берегас оз швачкы.

Войясыс көть и ыркыдөсь на, но сынысыяслөн пөсьныс шорөн визувтө чужөм вывтіныс, көтөдө шабурьясө. Кор нин пыдыртмөн көтасысны, сынысыяс вежсьөны, водөны шойччыны пыжас вольсалөм идзас вылө.

Канавасянь кывтісны ва ньылыд. Лун Көтйөм горув юыс ачыс кылөдіс пыжсө, сынны эз ков, сөмын вежласьөмөн бөжалісны.

Сов заводө воисны рытьявылыс нин. Пыжсө лэптісны берегө да кымыньтісны мукөд пыжъяскөд орччөн. Пышйөдөмысь эз

повны: берег дорсö кытшаліс ёсьтöм пöвъясысь вартöм, ваöдзыс лэччысь потшöс. Ю нöрысас решёткаа кык öшиня керка, орччөн визя сюръя. Сэні сулалö кокардаа шапкаа, бокас шашкаа да револьвера страж. Быд пыж вылын торъя, аслас лыдпас. Артип Вась Педöр вокъяс матыстчисны визя сюръя дорас, петкöдлісны документъяссö стражниклы да пырисны керкаас, мынтісны пыжсö видзöмысь сьöм. Казённöй паськöма, югыд кизьяса чиновниккöд ветлісны пыж дорас, клеитісны асланыс пыж вылö лыдпаса бумага.

— Ньöбöм совнад пыраланныд жö, пошлина мынтанныд,— велöдіс Педöрлысь пиянсö казеннöй паськöма мортыд.— Сідзкö, став сьöмтö сов вылад энö видзöй...

* * *

Усолъёö сов ньöбны локтысьясöс овмöдлісны канторасяньыс неылын сулалысь ичöтик öшиньяса ляпкыдик баракö. Быд жырьын вöлі пызан, лабич, узылан наръяс. Рыт-войнас жырсö югзьöдліс карасина лампа. Барак öтар помас, торъя жырьын, пусян пач. Пыранінас, торъя жырьын жö, ыджыд самöвар. Барак бöрся видзöдысьыс, Варыш Микул, пузьöдліс чай васö быд рыт-асыв. Олöмсьыс мынтылісны квайт да джын урөн лун да нöшта öти урөн пöсь ваөн могмöдöмысь.

Варыш Микул — ыджыд тушаа-тэчаса, гырнич ыджда кабыра, зыр кодъ паськыд тошка ар нелямына мужичöй. Совла локтысьяс аддзылісны нин сійöс кантора дорсьыс: пукаліс öдзöсдорса лабич вылын, сюся видзöдіс быд пырысь вылö. Колö кö, сувтöдліс да вöтлывліс бöр. Коді эз кывзысьлы, шошаöдыс тойлавліс ывлаö либö нуöдліс сов заводбердса полицейскöй участокö.

— Луннас ме кантораын, рыт-войнас да асывнас баракын,— шуаліс совла локтысьяслы Варыш Микул.— Его благородиеясöс лёк йöзысь видза. Быдсямаыс öд воывлöны. Солыд сійö зэв дона вузöс, ньöбысьыс уна жö... Полиция менö таысь ошкö, а канторасаяс мыччöны штоп. И сёя — луннас дас пунт нянь оз тырмы. Ыж туша джынйöдз сёйлывлі öтпырысьöн. Яйсö сов ньöбысьяс жö вайöны... Торйөн нин черемисъяс да татары...

Барак видзысь Варыш Микул вокъяслы узянінсö индіс аскöдыс орчча жырьö, карасина дзузган пыдди öзтіс сись.

— Ті, гашкö, карасиннас онö и кужöй вöдитчыны да бараксö сотанныд,— посйысис сійö.

— Кужам жö эськö да,— ас кежаныс шуасисны Артип Вась Педöр вокъяс, но Варыш Микуллы, мед нин оз дöзмы, паныд эз мунны.

Сійö öд паныд шуысьтö регыд велöдас. Кольöм во пö тай öти мыйкö паныд шуöма, а Варыш Микулыд босьтöма дядьötö шошаöдыс, лэптыштлöма пöтöлököдзыс да стен бердас ляскöма. Мöдыс пыр и öвсьöма.

Та вöсна вокъяс олісны чöv, водалісны лöня.

— Аски сов ньöбам, пошлина мынтам и гортö,— водігмозыс вокъясылы индöд сетіс Артип Вась Педöр Öньö.— Бура шойчöй, совтö мешökъясөн ковмас пыжöдз лэччöдлыны, а сёсся — кузь туй...

* * *

Лун шөр бөрын кыпалом төв рытланьыс нөшта на ёнмис. Енэжсө вевтисны сьод кымөръяс. Төв шутьялис, увгис, таркөдіс өшиньясө. Асъявылыс нин төв увгөм шы дінө содіс горзөм-ёрччөм, пинясьом. Кодъяскө gryма-йирка ветлөдлісны барак кузя, таркөдісны жыр өдзөсьясө.

— Открывайте, полиция!

Вокъяс садьмисны, чеччалісны наръяс вывсьыс, өзтісны сись. Кор вештісны пыранін пыкысь зорсө, мөдарладорсянныс кодкө чорыда тойыштіс өдзөссө. Өдзөсыс дзуртыштіс, ратшмуні, чеччыштіс дзиръяс вывсьыс да крапкысис-усис джоджас.

— Полиция, жандармерия! Всем предъявить виды!— лёк гөлөсөн горзіс кокардаа шапкаа чиновник.— Кто тут у вас старшой?

— Ми пять душ-лов, Ваше Благородие!— вочавидзис Педөр Ёньө.— Родные братья Панюковы. Совла... За солем на лодке приекали. Вот наши виды.

Жандарм пуксис пызан сайө, пасьяліс ним-овъяснысө быдөнөс ас дорас корлөмөн...

— Зыряне! Всем оставаться в бараке! В контору и соляной склад не ходить! Когда можно будет, смотритель барака оповестит...

Та бөрын, дерт, эз нин узьсьы. Ломтісны пач, да кор баракын шыясыс лөнисны, Педөр Ёньө босьтіс туис да петаліс пось вала.

— Ёне, эн юав Варыш Микулыслысь, мый лоёма?

— Войнас канторасьыс сьом тыра көрт ящик пө гусялөмаось. Канторасө өзтөмаось, стөрөжсө виөмаось. Лун вит-квайт пө тані миянлы ковмас овны,— ышловзис Педөр Ёньө.

Петыр лун бөрын Макар-Керөс весьтө сувтіс сов тыра пыж. Ректісны ыджыд пестеръяс, туйсьяс да чуманъяс, катлісны нөрыс вылас сулалысь вуж доддьө. Вокъяс пиысь медтомыс, Педөр Тима, кодлөн керкаыс вөлі Эжвасянь медся матын, ветліс вөвла.

Локтан гожөмнас вокъяс бара на кывтлісны Усолъёөдз. Варыш Микулөс абу нин аддзылөмаось. Виөмаось пө морттө, мешөкө сүйөмаось да юас шыбитөмаось. Водзөс пө косөдөмаось лёкалөмсьыс.

Бөрыннас Панюков вокъяс совла мунны лөсьөдчысьясөс быд пөрийө велөдлісны нин:

— Туй вылад сюсьджыкөн лоёй. Лёк йөз ветлөны. Совтө на мырддыны вермасны, непөштө сьөмтө...

❖ ❖ ❖

Керка

В И С Ъ Т

Кутшөм гажа талун асывводзыс! Тувсов шондіыс муртса на со и петіс, а пельөсьясөй шоналөны нин. Шонділөн медводдза югөръясөн нимкодьясны локтөмаось и лэбачьяс. Сьылөны-ы! Тыдалө, оз нин көдздөдлы сэсся. Гөгөрбок турун мыччысьө...

А со и көзайка чеччис. Мыйкө водз талун, вит часыс на абу. Медводз петалас да понъясөс лэдзас, каньясөс вердас, сэсся скөтыслы юан лөсьөдас. Талун, буракө, пөжасьыштны көсьө. Пөжасяс, дерт, внучкаыс өд карысь воис. Мөд жырйын со чөскыда узьө. Тані абу карад, гөгөр лөнь, да и чужан керкаад быдөнлы на чөскыда да крепыда узьсьывліс...

Ок, кутшөм лөсьыд кыр йылын сулавны!.. Став орчча керкаыс тыдалө, юыс, вөрыс и... Орчча керкаяс абу нин төвся кодъ жугыльөсь. Гашкө пө, көзяинъясным воласны на да ломтыласны пачсө, шонөдыштасны-вөрзьөдыштасны позялөм бокъяснымөс... Но воысь-во киссьө пыр унджык и унджык овтөм керка, бырө сиктыс, ярьюгыд шонділөн югөръяс улын ичөтик шор моз косьмө...

Но мыйсяма дивө? Мамыс да пөчыс идрасянінысь эз на пырны, а Анна внучканыс чеччис нин. Мукөддырйи өкмыс часөдз узьө... Водз эськө садьмас, но дыр оз сувт: оз лэдз шоныд вольпасыс. Сэсся туплясяс-туплясяс да кызкө-мыйкө сувтас жө. А талун чеччис вель өдйө, быттьө удж вылө тэрмасьө. Пасьтасис да пөчысөн сөмын на пөжалөм көлөбьяс дорө котөрөн веськөдчис, мөдіс чөсмасьны чөскыдысла синъяссө куньтыралөмөн.

Мый тайө? Керка водзысь Анна пыртіс джуджыд көрөбкаяс да тэрыба пондіс тэчсыны: өти көрөбкаө пукталіс полкаяс вылысь небөгъяс, мөдө — сервантысь стөканъяс, а сэсся и небыд чачаяссө ассьыс пакетө сөвтис. Кытчөкө мунөны али мый? Ойя дай ойя!

Со мамыс да пөчыс идрасянінысь пырисны, чайтор юыштісны небыд көлөбөн да Анналы отсасьны пондісны. Кытчө нө мунөны? А гашкө, прөстө бус босьтөны да? Көрөбкаясас, сідзкө, мыйла тэчөны? Гашкө, эновтны жырйөс көсьөны? Мый нө лоө? Сэсся өд дзикөдз колясны менө, мөдлаө вуджасны овны, карлань матөджык. Сьылысь лэбач, юк мекөд норлунөс, мед сійө сылас тэнад сөстөм тувсов дзользьөмад... Регыд, гашкө, сөмын лэбачьяслөн сьылөмыс да төврулөн небыдик лолыс и пондас гажөдны менө, кызди и мукөд овтөм керкасө...

Но-о! Код нө тайө? Кутшөм гөсьт воис? А-а-а! Тайө Матвей, пөчөлөн медыджыд пиыс. Зэв уджач морт. Отнасөн сы ыджа керка лэптіс! Ой-ой, мый нө, мый нө керөны? Кытчө жырйысь пызансө нуөны? Коридорө петкөдісны. Дивансө и, креслөсө и.

Ставсö. Куштисны. Ойя дай ойя! Эновтны, тыдалö, менö көсйöны. Збыль, сідзи и эм. А кымын во видзи найöс кынтысь көдзыдысь, пöжан жарысь, көдзыд зэрысь, ён бушковъясысь. А öні со эг мöд ковны, эндöдны көсйöны...

Ок, но и йöй жö ме, вöлöмкö! Оз на кольны, оз! Оз на эновтны менö көзяинъясöй! Кымын во нин сулала, а век на нинöм ог тöд. Жырийöс куштисны ремонт вöчöм могысь. Стенъясöс югыд шпалерөн клеитисны, йиркöс еджыд краскаөн мавтисны, джоджös — пемыдгöрдөн, öшиньясöс мыскалісны и. Вот и любö! Ыджыд праздник кежлö лöсьöдчöны, вöлöмкö. Выхь олысьöс виччысьöны. Галина, пöчөлөн коймöд нылыс, пийös вайöма. Медводз верös дорас олісны, а кага чужöм бöрын татчö вуджны көсйöны. Ок и ыджыд да гажа праздник лö! Став рöдвужыс чукöртчас: ыджыдыс и ичöтыс. А бура и повзылі, мися, эновтасны... Выхь олöм кутысьöс ме нöшта на ёнджыка мöда видзны! Дзоньталöм да мичмöдöм бöрын öні менö ни көдзыд, ни жар оз босът! Быттьö нюжалышті весиг, джуджыдджыкөн да кыпыдджыкөн лой!

Кыла, ропкöны нин ме вылö орчча жыръяс. Завидьтöны. А меным жаль найöс! Регыд киссясны овтöмнысла, и делö некодлы абу. Кымын во нин кыр йылын сулала, а некыз ог гöгöрво: кызди позьö век кежлö чужан керкатö эновтны!



Номерö печатьö кырымаліс **Евгений Козлов.**

ПЫДДИ ПУКТАНА АВТОРЪЯС!

Редакцияö гижöдъяснытö ыстігөн быть колö юöртны:

1. Ассыныд ним, вич, ов; кор да көні чужлöмныд (лун, тöлысь, во).
2. Паспорт юöръяс: номер, серия, кор да көні сетісны, гортса адрес (прописка серти).
3. Индивидуальной налогöвöй номер — ИНН (кодлөн эм).
4. Страховöй свидетельство номер.

Тайös юöрттöг редакция гонорар оз вешты.

*Журналын йöзöдтöм гижöдъяс
редакция оз рецензируют и авторыслы найös оз мöдöд.
Редакция оз век во öти кывйö авторъяскöд.*

Комп. набор и верстка **Н.Кузнецова.** Корректор **Т.Югова.**

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).

E-mail: kodzuv@mail.ru

Подписано к печати 14.09.2009. Формат 70х108¹/₁₆. Печать офсетная. Усл. печ. л. 7; усл. кр.-отг. 8,4; учётно-изд. л. 7,54. Тираж 892. Заказ № . Регистр. ПИ № ФС 3 - 0226. Выпуск осуществлён при финансовой поддержке Агентства Республики Коми по печати и массовым коммуникациям. Отпечатано в ООО «Кировская областная типография», 610000, г. Киров, проезд Динамо, 4.